



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



ABRAHAMI
GULICHII
HERMENEU-
TICA SACRA

AUCTIOR
ET
EMENDATIOR.

AZ 6960 (1)



B E R N Æ.

Sumptibus NIC. EMANUELIS HALLERI
M DCC XXVI.



Bibliotheca Lectori Salutem.

Uam dicitur Interpretis elo-
quium Jehova de Oco-
nomis mactatorum et mactans
dicit non solum? Poliphemus de



Nam de eorum interpretatione non debet
L. II. non de eorum interpretatione non debet
ser, cum bene dicitur, et non de eorum
tam dicitur, et non de eorum interpretatione
ven dicitur, et non de eorum interpretatione
tam dicitur, et non de eorum interpretatione
Xepor dicitur, et non de eorum interpretatione
ay Xepor dicitur, et non de eorum interpretatione
yepor dicitur, et non de eorum interpretatione
lessi, et non de eorum interpretatione
pendentibus, et non de eorum interpretatione
tiam dicitur, et non de eorum interpretatione
rum dicitur, et non de eorum interpretatione
tem dicitur, et non de eorum interpretatione
sententia dicitur, et non de eorum interpretatione
niter, et non de eorum interpretatione
Gloria, et non de eorum interpretatione
Oes dicitur, et non de eorum interpretatione
indignus, et non de eorum interpretatione
illius, et non de eorum interpretatione
evolutus, et non de eorum interpretatione
pro eo, et non de eorum interpretatione
pro eo, et non de eorum interpretatione

6423436
non de eorum interpretatione

Bibliopola Lectori Salutem.



*Uam arduum Interpretis elo-
quiorum Jehovæ ac Oeco-
nomi misteriorum Dei munus,
quis non novit? Polybius de
Zaleuco Locrorum Legislatore me docet
L. II. cum de mente legis controversia es-
set, eum hanc dedisse legem : κατ'ισότητων
τῶν χιλίων, καὶ βεβῆκον κριμαδίντων· λεί-
γειν ὡς τῆς τῆ νομοδότης γνώμης, ὅπε-
ρ αὐτῶν φανή την προαίρεσιν ὅπῃ το
χεῖρον ἐκδιχόμεν, τὸν τοιῦτον δὲ τῆς
αγροῆς ἀπύλλυδς, βλέποντων τῶν χι-
λιῶν. Ut in mille virorum con-
fessu, laqueis de utriusque collo
pendentibus, Legislatoris senten-
tiam ambo explicarent, uter eo-
rum visus fuerit in deteriorem par-
tem legis torquere mentem, is præ-
sentibus mille viris laqueo vitam fi-
niret. Quantum ergo non periculum Do-
ctoris, cujus est ὁρδοτομεῖν τον λογον τῆ
Θεῆ & mentem legis summi Legislatoris
inquirere, maximum autem baud dubie
illius, qui abdita Prophetarum Oracula
evolvit, quanta non cura hic atria Je-
hovæ calcanda & in sanctuarium Dei in-
grediendum, omnis hic absit αὐτὰδέια,
omnis novaturientis pruritus, ac nonnisi
timore ac tremore scripta Prophetarum
admonda*



adeunda attamen scrutanda, τας αποφωτισμας μὴ ξεσθῶντε admonet Paulus suos 1. Thess. 5. quis sapiens & intelliget ista, Hos. 14. beatus quis legit & audit verba prophetiæ hujus Apoc. 1. At hic labor summus, non præcipiti animo eundum, ne interpreter temeraria prophetiarum applicatione risui fiat, neque nihil tentandum, uti tenebrarum ac omnis ignorantie clientes clamitant, cum firmus sit sermo propheticus egregie fulgeat ac phosphorus exortus, imo donum prophetias explicandi baud obscure promissum Joel 2. Quantum lucis in his præ aliis à spiritu lucis habuerit Magnus Coccejus omnes Theologi uno ore facile fatentur, cujus regulæ passim in scriptis suis inveniendæ verbi prophetici præconem ac secure ducunt, quas omnes congeffit in ordinem redegit ac de suo addidit Cl. GULICHIUS in sua Hermeneutica sacra, libellus gemis fulgidus, qui lectorem & studii prophetici Cultorem in mysteria Jehovæ introducit, à plurimis non immerito desideratus, quem separatim, quia ejus Scripta reliqua pretium excedunt, prelo meo submisi, ac nunc tibi benevole Lector offero, plura mox ex officina mea lucem visura promittens, de his mihi brevibus admonendus fuisti, Vale ac conatibus fave.

HERMENEUTICÆ SACRÆ

Pars prior

De interpretanda Sacra Scriptura.

§. I.

Ratio generalis Scripturam Sacram interpretandi commodè explicabitur, servato hoc ordine, ut I. Definitio, quid per Sacram Scripturam, de cujus interpretatione hic est quaestio, veniat intelligendum; externas sermonis sacri circumstantias consideremus, & quid faciant ad verum ejus sensum cognoscendum, eadem opera ostendamus. II. Ad ipsum sermonem sacrum in se spectatum conversi, quomodo tum vocum ejus singularum, tum integrarum sententiarum sensus ubique sit investigandus, demonstramus.

§. II. Primum itaque per Sacram Scripturam intelligimus hoc loco scripta, non tantum Evangelistarum & Apostolorum, quae hodie existant, & Novi Testamenti appellatione censentur, verum etiam, & quidem ex usu scriptorum N. T. potissimum scripta Veteris Testamenti, Moysis scilicet & Prophetarum, quae tempore quoque Christi & Apostolorum

A

in

2 *Hermeneutica sacræ pars prior.*

in S. Canone habebantur, Ita Johannes Evang. cap. 5. vers. 39. *γραφαί*, *Scripturas*, appellat illos libros, in quibus Judæi vitam æternam quærebant. Paulus Rom. 1. 2. *γραφαί ἀγίας*, *Scripturas Sacras*, appellat Scripta Prophetarum. Idem *ἱεραὶ γραμματαί*, *sacras literas*, vocat, quas ab infantia noverat Timotheus; non alias innuens, quam Veteris Testamenti, quoniam non aliæ tum temporis exstabant. 2. Tim. 3. 15. Idem ibidem vers. 16. *γραφήν*, *Scripturam*, absolute, easdem indigitat. Neque aliud per *Legem* Matth. 12. 5. Luc. 2: 23. 10: 26. 16: 17. & *Propheticum Sermonem* 2. Pet. 1: 19. Rom. 16. 26. intelligitur, quam scripta Veteris Testamenti, quæ hinc modo in *Legem & Prophetas*, ut Matth. 22: 40. Act. 13: 15. &c. ita ut post Moysen primus Prophetarum, qui scripserunt, Samuel indigitetur, Act. 3: 22. 24. modo in *Legem, Prophetas, & Psalmos*, ut Luc. 24. 44. distinguuntur.

§. III. Quamvis autem sic olim, ante revelationem, & sub initium Novi Testamenti, scripta Moysi & Prophetarum fere sola Sacræ Scripturæ nomine celebrarentur, quia tamen etiam monumenta Evangelistarum & Apostolorum literis consignata in eodem canone S. Literarum habemus, & hoc quoque axiomate ab ipsis scriptoribus N. T. Ecclesiæ commendantur, ut nominatim Epistolæ Pauli; 2. Pet. 3: 16. in hoc quoque genus dicta atque intellecta volumus, quæ de interpretatione Sacræ Scripturæ differemus.

§. IV.

6. IV. Ad Scripturæ itaque Sacræ, id est
 Scriptorum utriusque Testamenti, ac Veteris
 potissimum, claram, tutam, ac fidelem intel-
 ligentiam, notandæ sunt 1. Externæ quædam
 hujus Scripturæ circumstantiæ & veluti attri-
 butiones. In his ab initio occurrit Auctor
 sermonis eâ explicati. Hunc faciliè agnosce-
 mus ex iis, quæ de natura hujus sermonis ip-
 sæ produnt S. literæ. Hæc declarantur epi-
 theto, quo *Sermo Propheticus* appellatur, 2.
 Pet. 1: 19. Quid autem sit *Prophetare*, con-
 stat partim ex 2. Petr. 1. 21. partim Exod.
 cap. 7. vers. 2. Nempe est proprie *actum à*
Spiritu alterius quid loqui, ut in priore, at-
 que ita *alterius interpretem esse*, ut in poste-
 riore loco accipitur. Qui enim à Spiritu al-
 terius actus loquitur, cogitata ejus interpre-
 tatur, atque ita proprie loquendo prophetat.
 In specie autem τὸ prophetare in Sacris acci-
 pitur pro φερόμενον ὑπὸ πνεύματος ἁγίου λα-
 λῆν, *actum à Spiritu sancto loqui*. Ut sic Propheta
 nihil aliud sit, quam consilii Divini interpres;
 qualis nemo, nisi actus à Spiritu sancto, vel cui
 Deus consilium suum revelaverit per Spiritum
 suum, 1. Cor. 2: 10. esse potest. Est igitur
sermo Scripturæ propheticus, quia mentem ac
 consilium Dei hominibus interpretatur. Idque
 non solum ex natura vocis, colligitur, sed
 etiam ex perpetuo ejus usu. Sic Abraham
Propheta appellatur Gen. 20: 7. quia scil. non
 celabat eum Deus quicquam eorum, quæ agita-
 bat. Gen. 18. 17. Bileam de populo Israelitico:
 Statim dicitur Jacobo & Israël, מַה פֶּעַל אֵל, *quid*

4 Hermeneutica sacra pars prior.

quid molietur Deus. Quia id dicebatur per Moſen & Prophetas. Hinc David *Summas cogitatum Divinorum*, Pſalm. 139: 17. & alibi paſſim *Molitiones & Conſilia Dei*, deprædicat, ſeſeque illorum fuiſſe participem, ut Prophetam ſcil. hoc ipſo proſitetur. Vid. Pſ. 46: 9. 64: 10. 66: 5. Salomon eorundem *conſiliorum*, ſeu Decretorum Divinorum, facit mentionem, Prov. 8: 20. Habaccuc excitationem Chaldaeorum, ut *molitionem* ſive præparationem & exordium majoris operis proponit, Hab. 1: 5. 6. Idem alibi telam *conſiliorum* operumque divinorum à reſurrectione Chriſti exorditur; ut Hab. 3: 2. Imò hinc Prophetæ dicuntur מְלָאכֵי יְהוָה *legati Jehova*, Eſ. 44: 25. & Hagg. 1: 13. & loqui בְּמַלְאכֹתַי *in legatione Jehova*. Hagg. 1: 13. & *verba eorum* dicitur *Deus mandare in ſpiritu ſuo*, Zach. 7: 12. Ex quibus intelligitur, ſermonem Scripturæ non aliam ob cauſam *prophetiarum* appellari, quam quod conſilia ac decreta Dei hominibus interpretetur.

§. V. Quia autem *Sermo* Scripturæ eſt *propheticus*, id eſt conſilia Dei hominibus interpretatur, hinc fit primò ut Scriptura ipſa ſit Θεόπνευτος, *divinitus inspirata*; & ſecundo ut non ſit ἰδιὰς ἐπιλύσεως, cuiusque *reſolutionis*, ſive interpretationis. Dico, 1. hinc ſequi, quod ſit Θεόπνευτος, *divinitus inspirata*. Prophetare enim, id eſt conſilia Dei interpretari, nemo poteſt, niſi à Spiritu Dei actus, vel cui conſilia ſua Deus per Spiritum ſuum revelaverit; 1. Cor. 2: 10.

Spiritus

Spiritus enim Dei omnia scrutatur, & intelligit solus, atque adeo solus omnia hominibus revelare potest, etiam profunditates, & interiora consilia Dei. Adeo id est evidens, ut etiam in rebus humanis obtineat. Quis enim hominum novit, aliisve interpretari potest, ea quae sunt hominis, quæque animo is volvit & agitat, nisi Spiritus hominis, qui est in ipso, & cui is consilia sua revelarit? Atque ita quae sunt Dei, cogitationes mentis Divinae, nemo novit, aliisve, ut internuncius aut propheta interpretari potest, nisi Spiritus Dei, & cui is mentem Divinam revelarit.

1. Cor. 2: 10. 11. Cui autem Deus per spiritum suum consilia sua revelat, quique ita loquitur, loquitur ut *θεοπνευστος*, à Deo inspiratus, Deo velut auctore ac dictatore eorum, quæ loquitur; & Scriptura, quæ sermonem continet eorum qui sic Divinitus inspirati consilia Dei explicuerunt, merito suo *θεοπνευστος*, divinitus inspirata, appellatur. Quod idcirco elogium ei legitur attributum.

2. Tim. 1: 16.

§. VI. Ex his jam evidens est, quid de Auctore S. Scripturæ sit tenendum. Quemadmodum enim si quis hominum animi sui consilia alteri revelet, merito hujus revelationis habetur auctor, quia, absque ea revelatione esset, consilia illius nunquam huic in mentem venissent; ita se res habet cum iis, quæ divinitus, uti dictum, revelantur. Talia enim sunt, ut absque ea revelatione nec oculo videri, nec aure audiri, neque in illius homi-

nis cogitationem ascendere possint ; 1. Cor. 2: 9. & merito adeo ad Deum ista auctorem referantur, Quam divinam in S. Scriptura auctoritatem adeo agnoverunt Apostoli, ut nihil humani; quodve voluntaria meditatione inventum aut excogitatum foret, ei putaverint admixtum, & quicquid locuti sunt & scripserunt Prophetæ, in totum tribuerint Divinæ inspirationi, & virtuti, quæ occupaverit & impleverit eorum mentem, eamque excitaverit ad hæc vel illa cogitandum, aut videndum, aut imaginandum, quæque cogitabant, videbant, aut imaginabantur, pronuntiandum, ac literis consignandum. In quam sententiam Petrus 2. Pet. 1: 21. *Non enim, inquit, voluntate hominis, quemadmodum solent, quæ pro arbitrio quis excogitat, allata est olim prophetia, sermo explicans consilia Dei; sed acti, nee tantum admoniti & impulsivi, sed quasi abrepti, à Spiritu sancto, ut sui non essent amplius juris, ut proprio motu, quo vellent, dirigerent cogitationes suas, locuti sunt, & scripserunt, quæ loquebantur, (ex vers. 20. Ibid.) sancti Dei homines. Locuti sunt scilicet καὶ τοῦ πνεύματος ἐδίδου αὐτοῖς ἀποφθεγγέσθαι, prout Spiritus ipsis dabat eloqui; uti est Actor. 2.*

§. VII. Ad eandem S. Scripturæ divinitatem respicit quoque Christus, Luc. 16: 31. ubi asserit, auctoritatem Moysis & Prophetarum esse tantam, ut ne quidem si quis è mortuis resurgat, atque ita irrefragabile signum divinæ potentiae ac præsentiæ in suo corpore circumgestet, si quid loquatur in nomine Dei, possit

possit habere ad fidem aliorum hominum obligandam, majorem. Idemque ubi docet, Deum de se testatum, Joh. 5: 37. & 32. nempe in Scripturis, ibid. vers. 39. nominatim Moysi. ibidem vers. 46. satis innuit, quem pro Auctore Scripturarum habeat. Unde etiam expresse illas appellat *verbum Dei*, ibidem vers. 38. Quod & sensit Apostolus, Rom. 1: 1. 2. affirmans, Deum Evangelium suum ante promississe per Prophetas suos in Scripturis sanctis. Et Rom. 3: 2. quum scripta Judæis concredita vocat *eloquia Dei*. Et cap. 11: 4. Significat enim, Deum ipsum Scripturarum Propheticarum esse Auctorem, ut qui promissionem de Evangelio suo per Prophetas suos in iis curaverit explicari, &c.

§. VIII. Secundo dico, ex eo, quod sermo Scripturæ sit Propheticus, sequi, Scripturam non esse *ιδίας ἐπιλήσεως*, propria interpretationis, ut scil. pro lubitu quisque suam eam interpretetur, & ad hypotheses aut præjudicia sua eam flectat, & sensum, quem verba Scripturæ secundum ea præjudicia fundunt, Spiritui S. affingat, in eoque acquiescat. Nescit hanc consequentiam Petrus, & pro regula hermeneutica proponit. 2. Pet. 1: 19. 20. 21. Vult enim, ut dum sermoni prophetico attendimus, hoc primum sciamus, nullam prophetiam Scripturæ esse propria interpretationis. Ratio: Non enim voluntate hominis prolata est olim prophetia, sed acti à Spiritu Sancto locuti sunt sancti Dei homines. Ponit scil. pro fundamento vitandæ propriæ *ἐπιλήσεως*, quia hoc est de natura prophetiæ scil. sive prophetici sermonis.

8. *Hermeneutica sacra pars prior.*

sermonis, ut non pro arbitrio cuiusque suo, sed actu Spiritus S. proferatur. Non igitur ab arbitrio cuiusque pendet sermonis prophetici interpretatio, ut pro lubitu & secundum hypotheses aut præjudicia quisque sua eam interpretari præsumat; eo ipso, quo is sermo propheticus est. Vult itaque præceptum Apostolicum, ad ruminationem Scripturæ propheticæ accedentibus ante omnia cavendum esse, ne afferant consilium proprium aut præjudicia sua; ne scil. dum, non ut voluit Spiritus S. sed ut nos volumus, & prout præconceptis opinionibus nostris consentaneum videtur, Scripturam cogimus loqui, & mentem Spiritus S. & fructum Scripturæ omnem inutiliter prætervehamus. Concinit Apostolo Ezechiel, cap. 14. vers. 3. de iis, qui adeunt Prophetam consulendi Dei causa, nomine Dei ita loquens: *Unusquisque de domo Israel, qui fecerit ascendere stercora sua in cor suum, & offendiculum pravitatis suæ posuerit coram facie sua, & venerit ad prophetam; Ego Jehovah respondebo ipsi pro multitudine stercoreum suorum.* Significat enim, quod si quis præjudiciis occupatus, aut propriæ sapientiæ opinione inflatus, accesserit ad Deum loquentem in verbo suo, sive id verbum indiderit ori alicujus prophetæ, sive Scripturæ mandaverit, fore ut hoc verbum ipsi respondeat, talemque sensum reddat, qualis præjudiciis ipsius conveniat, eumque sensum pro sensu ac mente Dei arripiat, ac putet esse verbum Dei.

§. IX. Unde porro sequitur, exuenda esse præjudicia ante omnia ei, qui S. Scripturas
inter-

interpretari, & mentem Spiritus S. in iis indagare & percipere postulaverit sese. Quo pertinet illud Christi, Matth. 18. 3. *Nisi vos converteritis, & fiat is ut pueruli, nequaquam ingrediemini in regnum cælorum.* Innuic scil., deponendas esse opiniones ante habitas de discrimine boni & mali, veræ & falsæ religionis, sapientiæ, justitiæ, &c. Si quis particeps esse voluerit cognitionis mysteriorum regni cælorum. Conf. Matth. 13: 11. Hinc glorificat Deum, quod mysteria regni cælorum occultavisset à sapientibus, & intelligentibus, opinione sapientiæ de rebus religionis jam præoccupatis; & ea retexisset infantibus, qui facti erant ut pueri scil. nec dum ullum de discrimine boni & mali, veræ & falsæ justitiæ &c. judicium formassent. Vid. Jon. 4: 11. ubi pueri per periphrasin sic describuntur. Atque ita denique commendat Petrus 1. Pet. 2: 1. 2. *Deposita omni malitia & omni dolo, & hypocrisis, simulata pietate ac justitia, & invidia, omnibusque obreftationibus; ut modo geniti infantes, lac illud sermonis sincerum expetant, ut per illud augeant.* Vult enim, ut depositis omnis generis præjudicatis opinionibus, tum in doctrina, tum in moribus, animoque solius veritatis, veræque pietatis ac probitatis flagrante ac incenso ad S. Scripturam, & initia doctrinæ, quæ est secundum pietatem, ex ea percipienda accedant, & per ea ad corpus sapientiæ ac prudentiæ proficiant. Neque alia mens est Salvatoris, nihil æque præsupponentis in eo, qui sit cogniturus de doctrina ipsius, sitne ex Deo, id est an verbo Dei

B

conve-

conveniat nec ne, *quàm ut velit voluntatem Dei facere*, id est abdicatis propriis opinionibus, & agnito, solius Dei esse, quomodo velit coli, præscribere atque indicare, nec à voluntate hominis hunc veri cultus ac religionis modum pendere, animum habeat à solo Deo discendi cupidum, quique obedire Deo in omnibus, quæ sciverit ipsum velle, sit paratus. Quibus convenit, quod *timor Domini sit initium sapientia*, Psalm. 111: 10. & Prov. 9: 10. imo *Thesaurus*, sive conditorium ac receptaculum *sapientia & scientia*, Esaj. 33: 6. appelletur. Add. Ps. 25: 14.

§. X. Ex his autem, quæ de Auctore S. Literarum demonstrata sunt, ad cognoscendum verum earum sensum prima nobis ista offertur interpretationis regula: Quod quum Scriptura à Deo data sit, ea demum sit vera solidaque ejus intelligentia, quæ Dei perfectissimæ naturæ sit congrua, quæque conscientia ita satisfaciat, ut nec in rebus revelatis quicquam possit statuere justius, sanctius, benignius, Deoque laudabilius, nec in modo loquendi venustius, pulchriusque & convenientius. Adeo ut omnis interpretatio, quæ non satisfacit conscientia eum in modum, sed infra illud, quod dignum est Deo & majestate ac sapientia ejus, desidit, suspecta merito sit habenda. Quod in comparatione diversarum commentationum plurimum afferat ponderis ad eam, quæ melior, Deoque dignior fuerit, approbandam.

§. XI. Quid autem sit melius Deoque dignius, ex iis, quæ de Deo ejusque decentia reliquisque

liquisque attributis & operibus per naturam nota habemus, quæque conscientia cuique sua de his manifestat, est determinandum. Quod adeo verum est, ut etiam absque hoc lumine ac testimonio conscientia esset, Spiritus Sanctus per Scripturas non conferreret fideles ad Deum. Tunc enim incipit credere homo, quando incipit amare virtutes & gloriam Dei, id est, justitiam, & misericordiam ejus, & salutem, quæ est in Christo, & reliqua, quæ in Scripturis revelantur. At hæc non amaret, nisi conscientia dictaret, quod credendum proponitur de Deo, esse verum in ipso & Deo dignum ac gloriosum, & conveniens eis, quæ Deus facit; quodque proponitur credendum de homine, esse verum in ipso. Hinc Apostolus provocat ad *φανέρωσιν τῆς ἀληθείας πρὸς πάντας συνείδησιν ἀνθρώπων*, *manifestationem veritatis ad omnem conscientiam hominum.* 2. Cor. 4: 2.

§. XII. Ex quibus & hoc infertur, eo longius ab erroris periculo absfuturum interpretem Divini sermonis, quo majores in eo, quod de Deo ejusque operibus per naturam notum est, fecerit progressus, neque admittebam esse ullam expositionem, quæ his natura notis ulla ratione adversetur. E contrario ubi neque horum est quicquam, quod repugnet, nec reliquæ interpretandi leges reclamant, non patitur consideratio infinitæ Dei sapientiæ, potentiæ & bonitatis, uti aliquid sensui verborum ejus detrahamus, & ne verba ejus significant id omne, quod possunt signi-

ficare, id est, quod valore acque usu eorum continetur. Vid. inf. Art. XLVIII.

§. XIII. Et hæc quidem ubique in Scriptura Sacra, quatenus est à Deo, sed ibi tamen potissimum, ubi Deus tanquam à se loquitur, possunt locum habere. Quum vero Spiritus S. non semper tanquam à se loquatur in Scriptura, sed & hominum quandoque piorum, vel etiam impiorum, cogitationes & affectus, verbis ipsorum exponat, non tam in his, quid Deo, quam quid ejusmodi hominibus, secundum varios ipsorum affectus loqui conveniat, considerandum est. De impiis nominatim id observatur, Spiritum Sanctum, quando in Scripturis ipsorum consilia tanquam ipsorum verbis proponit, uti sæpe *μυκτηρισμὸς* ac irrisione, dum non tam quod dicunt & jactant, quam quod sentiunt, aut convenienter ipsorum hypothesebus ac consiliis, atque ita ex vero dicere deberent, quodque ex re ipsa vel eventu apparet, quasi id aperte dicerent, ipsos loquentes producit. Vid. exempla Psal. 12. vers. 5. Psal. 49. vers. 11. Psal. 78. vers. 17. & seqq. ubi insignis est *μυκτηρισμὸς* de Israelitis Deum in deserto: *Et addiderunt ultra peccare ipsi, ut exacerbarent Altissimum in deserto: Et tentarunt Omnipotentem in cordo suo, petendo cibum pro concupiscentia sua. Et locuti sunt contra Deum: Dixerunt: Poteritne Deus adornare mensam in deserto? Ecce percussit rupem, & fluxerunt aquæ, & torrentes exundabant. Nunquid etiam panem poterit dare; An praparabit carnem populo suo?* Quæ verba Israelitis attribuuntur: non quod ea expresse

preſſe ac diſerte adverſus Deum fuerint prolocuti; ſed quod obliſoſos homines & inconsideratos, ſi cogitare voluiſſent de Dei operibus, & nihilominus in ſua cupiditate perſeverare; ſic loqui oportebat. Simile eſt in parabola illa, in qua Chriſtus Pharifæis ceu agri Dominici coloniſ, quam indignis modis ipſe, quanquam nominatus ipſis unigenitus Dei filius, ab ipſis fuerit excipiendus, exprobrat ac prædicit. Namque in hunc modum loquentes ipſos introducit, Matth. 21: 38. *Agricolæ autem videntes filium, dixerunt in ſe ipſis, Hic eſt hæres. Agite, occidamus illum, & retineamus hæreditatem ipſius.* Non quod unquam Chriſtus à Pharifæis pro Domino ac hærede fuerit agnitus. Si enim ipſum agnoviſſent, Dominum gloriæ non crucifixiſſent. 1. Cor. 2: 8. ſed quod ita ipſos loqui oporteret, ſi ex rei veritate locuti fuiſſent. Eſt enim Scripturæ uſitatum, verba impiorum ſic flectere in eum modum, qui rei ipſi convenit; ut ita pateſcat iis conſilii humani abſurditas. Add. Matt. 25: 8. & 24.

§. XIV. Secundum Auctorem prophetici ſermonis ſpectandi ſunt ii, ad quos ſermo habetur. In his, univerſam Scripturam quod attinet, duo potiſſimum ſunt attendenda, quorum unum ad ingenium ſive captum illorum, quibus data eſt Scriptura, alterum ad ſtatum ſive conditionem ſpectat. Primo enim quia de rebus obviis & in ſenſus incurrentibus, ut cælo, terra, aere, aqua, arboribus, plantis, animalibus, homine, anima, Deo, &c. earumque rerum variis affectionibus, effectis atque

attributis, sæpe loquitur Scriptura, cum vix aliter de his loquatur, quam vulgo de iisdem solet aut faceret unusquisque; putandum est, in his Spiritum Sanctum se captui communi accommodasse, & id significare voluisse, quod vulgo de his sentit & cogitat unusquisque, in quantum nimirum id convenienter rerum illarum naturis fieri potest. Neque enim vult Deus Auctor omnium rerum in eum sensum verba sua accipi, qui naturæ rerum repugnet. Sic monent Theologi, ea quæ de Deo εἰς ὅσα πάντα τῶν dicuntur, εἰς ὅσα πάντα τῶν esse intelligenda. Vid. ad Psal. 44: 10. Et idem, quod de Deo, de rebus aliis iudicium esto.

§. XV. Huc pertinent hi loquendi modi, quibus Scriptura solet, tum per ea, quæ evidentia sunt, quæ latent, indigitare. Ut quum per *kalitum* indigitat vitam, & vitæ causam, vid. Ps. 104: 29. tum interiora animi vel signis externis, vel simulachris, externæ conditionis, exprimere. Ut Ps. 6: 4. & 2. aliisque locis videre est.

§. XVI. Hæcque consideratio tam latè patet, ut non modo ad res vulgo notas, & sensui obvias, sed etiam ad spirituales & à sensuum usu & commercio remotas se extendat. Quemadmodum enim de rebus vulgo notis non aliter loquitur Scriptura, quam fert ratio ingenii humani, & captus illorum, ad quos sermo habetur, ita res spirituales & maxima quæque mysteria, istis rerum quarumlibet obviarum & in sensus incurrentium simulachris, & modis loquendi de his vulgaribus, solet proponere & explicare. Quæ quam-

vis

vis sint αἰνυματαὶς & δορίστη iis, qui clavis cognitionis usum non habent, hac tamen adhibita, dum rem propositam variis rerum jam ante notarum imaginibus illustrant, dici non potest, quantopere delectent, & quantum afferant ad rem eo melius intelligendam adjuvanti. Et in his omnibus perspicuum est eo ampliorem, certibrem & faciliorem fore interpretationem, quo quis in hac notitia communi, siue propria experientia usuque rerum, siue consuetudine & lectione auctorum, qui de ejusmodi rebus scripserunt, majores fecerit progressus.

§. XVII. Nec tantum sic ratione habita captus & ingenii, sed & conditionis ac status illorum, ad quos loquitur Scriptura, sensus illus est saepenumero determinandus. Hic vero in universum occurrit, quod Scriptura hominem ad salutem informans non aliter eum consideret, quam ut peccatorem. Ut hujus respectu veniant illa omnia intelligenda, quæ Spiritus Sanctus tanquam ad salutem necessaria revelat & præcipit nobis. Sic præceptum amoris Dei est præceptum fidei in ipsum; quia post peccatum nemo nisi fide Deum amare potest. Et quum quis dicitur ex toto corde amare Deum, excluditur claudicatio & hypocrisis. Item ubi de justitia nobis data sermo est, intelligitur peccati purgatio in sanguine Christi, & sublatio reatus & accusationis legis, ac consequenter servitutis legis ceremonialis. Justitia enim reatui & accusationi opponitur, ubi de peccatore sermo est.

§. XVIII. Post circumstantias personarum confide-

considerandus & scopus loquentis, & materia, de qua loquitur. Scopus sive intentio Spiritus Sancti communis sive universalis, quem in tota Scriptura sequitur, est, ut testimonium det D. Jesu, proprius sive particularis cujusque pericopæ ex toto contextu & conformitate sive harmonia omnium ejus partium elucet. Ubique autem observandum, ne verba præter scopum dicentis accipiamus.

§. XVIII: Nec minus res, de qua agitur, inspicienda, quum verba, ut habet vulgatus Canon Hermeneuticus, sint intelligenda secundum subjectam materiam. Exempli gratia, est ubi Scriptura de hominibus loquitur, est ubi de majore homine Christo, est ubi diverso respectu de utrisque. Et fieri potest, ut eadem oratio conveniat homini דָּרַךְ הַפְּלִגָּה / ut loquantur Rabbini, id est, καὶ ὑπερβολὴν, Christo autem אֵינוֹ הַפְּלִגָּה דָּרַךְ / sine excessu & hyperbole. Ut Psalmo 72. qui totus Christo attribui potest, ut τῇ εἰκόνι τῶν πραγμάτων, *imagini rerum*, secundum Prophetias, potest etiam Salomoni, sed vix ut tenui umbræ. In his sicut cavendum est, ne illa, quæ & quatenus de hominibus dicuntur, amplificemus nimium; ita ex altera parte æque diligenter cavendum est, ne ea, quæ de Christo & regno ejus dicuntur, in quo est gloria Dei, aliquo modo extenuemus.

§. XX. Etiam attendendum, quo animo & affectu auctor Scripturæ Spiritus, tum ubique, tum præcipue in his illisve locis loquitur;

tur; utrum ex professo & instituto, ac per occasionem & ex incidenti; sub aliena persona, an sua, serione & ex animi sententia, nec ne; an per modum assertionis vel objectionis, an responsionis ad objectionem; utrum agat de rebus, ut revera sunt in se spectatæ, an secundum opinionem captumque hominum. Sic occurrunt in S. literis nonnulla, quæ non possunt intelligi, nisi supponantur tanquam ab impiis, vel saltem ab aliis, quam à Spiritu S. vel à prophetis dicta esse, qualia sunt Eccl. cap. 2. hæc verba: *Nonne melius est comedere & bibere, & ostendere animæ suæ bona de laboribus suis, & hoc de manu Dei est. Quis ita devorabit, & divitiis affluet ut ego? & in capite sequenti: Dixi in corde meo de filiis hominum, ut probaret eos Deus, & ostenderet similes esse bestiis. Idcirco unus interitus est hominis & jumentorum, & æqua utriusque conditio, sicut moritur homo, sic & illa moriuntur, similiter spirant omnia, & nihil habet homo jumento amplius &c.* Non est credendum, ibi Spiritum Sanctum nos docere, ventri esse indulgendum, & affluendum deliciis, animasque nostras non magis esse immortales, quam jumentorum. Item constat, eo consilio datam esse Scripturam, ut nos erudiat ad salutem in Christo. De his ergo omnibus, quæ ad eum finem pertinent, putandum est, Spiritum Sanctum egisse serio & ex professo; de aliis non mirandum, si aliquando videatur egisse magis ex incidenti, & secundum communem de his cogitandi & loquendi consuetudinem potius, quam ex rerum ipsarum in se spectatarum conditione & natura.

C

§. XXI.

§. XXI. Porro considerandum est, qua lingua Spiritus S. in Scripturis loquens utatur, & quum Scripturæ partim Hebraicè, partim Græcè sint ab origine exaratae, id firmiter statuendum, eo faciliorem ad sensum earum fieri aditum, quo accuratiorem harum linguarum habueris cognitionem.

§. XXII. Stylus quoque & forma elocutionis est probe observanda. Hanc agnosces attendendo, ex qua gente Scriptores sacri sint orti, quo sæculo quave ætate vixerint, quo vitæ genere assuefacti, ad quos, quo consilio, scripserint, an & quos præceptores antea habuerint, quos imitentur, & similia.

§. XXIII. Postremo in circumstantiarum textus sacri consideratione attendere oportet, ubi & quando auctores loquantur, nam loci etiam ac temporis circumstantiæ ad verum sensum investigandum haud raro adjuvant, præsertim ubi de rebus ad Geographiam aut Chronologiam pertinentibus sermo habetur. Huc facit illud Theologorum ex Augustino decantatum: *Distingue tempora & concordabit Scriptura.* Ita propter diversitatem temporis non pugnant illa Christi, Matth. 10: 5. in viam gentium ne abieritis, & Matth. ult. euntes docete omnes gentes. Et quantum ad distinctionem temporum, & verum sensum prophetiarum explicandum interfit nosse ætatem prophetarum & conditionem temporum illorum, quibus prophetarunt, ex infra dicendis apparebit.

§. XIV. Notatis iis, quæ ad externas circumstantias sermonis sacri pertinent, ad ipsum sermonem in se spectatum convertamur,

ac doceamus 1. quid circa voces singulas. 2. quid circa conjunctas & integras sententias notatu dignum occurrat, quo sensus earum illustretur. Vocum singularum sensus fit manifestus. 1. Consulendo artes Philologicas, Grammaticam, Rhetoricam, & Lexica imprimis, quorum est significationes & usus vocum, partim ex etymologia, partim ex locis parallelis, aut subsidio linguarum affinium, &c. enucleare. Grammatica quot modis ad propositum finem adjuvet, vel pueris notum. Sic sola sæpe scriptio & orthographia nodum solvit, interdum quantitatis & accentus consideratio dubitationem tollit, non raro denique genus, casus, inflexio, cæteræque vocum affectiones significationem patefaciunt.

Rhetorica, ut notum, docet tropicam vocis acceptionem à propria discernere. Ubi observanda hæc regula Hermeneutica: In sensu scrutando imprimis attendenda est verborum proprietas. Et: Quum sensus orationis proprius natura sit prior tropico, tandiu in illo est persistendum, donec ad hunc amplectendum adigat necessitas. Et sic S. Augustinus: Semper verborum proprietas est retinenda, nisi quædam bona ratio tropum suadeat. Ratio vero seu necessitas tropum statuendi est 1. quando aliter non potest bonus & sapiens auctor à contradictione liberari. 2. quando proprium significatum respuit ipsa rei, de qua agitur, natura. 3. quando historia vel eventus docet, verba tropice esse vel fuisse intelligenda, quemadmodum in variis prophetiis usu venit.

§. XXV. De cætero hic notandum: 1. In

S. Literis nomina permutari ob æquivalentiam, & analogum sæpenumero pro analogo poni. Ita Psal. 68: vers. 15. 16. in emblemate duorum montium *Tsalmonis* & *Basanis* potest subintelligi divisio Ecclesiæ Orientalis & Occidentalis, quatum unaquæque analogo suo appelletur. Ita *Man* Psalm. 87: 24. vocatur *frumentum* ab æquivalentia. Vid. Num. 11: 8. Cui simile est illud, *Hoc est corpus meum*, id est, hoc symbolum & sacramentum vobis credentibus tantundem est ad certitudinem communionis mei & omnium bonorum meorum, atque si carnem meam ore vestro manducassetis & in substantiam vestram convertissetis. Hoc enim signum *αὐτῶν τῶν* pro corpore meo substituo ad certiores vos faciendos de ea communione.

§. XXVI. 2. Observandum, cum in aliis, tum in phrasibus amoris, odii, iræ, &c. loqui Scripturam humanitus, quando notat effecta, h. e. beneficia & supplicia, boni amplificationem & imminutionem, & consilium Dei, secundum quod illa effecta hominibus evenierint. Vid. Psalm. 44: vers. 10.

§. XXVII. 3. Solet Scriptura per ea, quæ evidentia sunt, ea, quæ latent, exprimere. Vid. sup. Art. XV.

§. XXVIII. 4. Usitatum est Scripturæ hieroglyphicæ homines nominibus animalium appellare. Sic *Isaschar asinus asseus*, *Taurus* pro principe. Deut. 33. *Onager* pro paupere solivago. Job. 24: 5. *Leo* de tribu *Jude* pro Christo. *Aquila* pro *Nebueadnezare*. *Vulpes* pro *Herode*, *Canis* pro gentili homine. Psalm.

22. Rursus *Leo* pro Diabolo. Ibid. vers. 22. & rursus alia significatione, *Esaï.* 21: 8. pro speculatore à propheta constituto, propter fidei robur & constantiam.

§. XXIX. 5. Notandum, solere Scripturam ea, quæ sunt Novi Testamenti, explicare vocabulis Vet. Testam. sive figurarum. Ipsa enim analogia & substitutio signi pro re facit, ut nomina invicem permutentur. Ita legimus *Zach.* 14: 16. venturos populos quotquot festis tabernaculorum ad adorandum Dominum. Non quod sub Christo Sabbati & festi observatio sit, quæ est cum lege abrogata, *Col.* 2: 16. (neque enim possibile est singulis Sabbatis & festis mensibus ex omnibus gentibus Hierosolymam venire) sed ut locus cultus sub regno Christi ubique est, *Mal.* 1: 11. *Zach.* 14: 20. 21. *Esaï.* 66: 1. & personæ, h.e. sacerdotes & Levitæ, non tantum ex stirpe Aharonis, *Esaï.* 66: 21. & cultus ipse non carnalis, *Esaï.* 66: 3. sed mere spiritualis: ita quoque tempus legale observationis Christianæ non est. Accedit, quod verum Sabbatum *Esaï.* 58: 13. satis manifeste non certus dies, sed tempus omne gratiæ & libertatis, sanctificationisque describitur. De quo etiam loquitur Epistola ad Hebræos, cap. 4: 9. quemadmodum etiam idem Apostolus *1. Cor.* 5: 7. 8. quod verum Pascha, quod verum & perpetuum festum nostrum sit, docet. Sic *Psal.* 81: 4. *novilunii festum* ponitur ceu typus & umbra illius temporis, quo nova & insolita lux sedentibus in caligine & umbra mortis exorta est. Atque ita *Esaïas* cap. 66: 23. de tempore ultimo, quod est

regni Christi sic vaticinatur : *venturam omnem carnem cum primo novilunio in novilunio , & cum primo Sabbato in Sabbato , ut adoret eam Dea.*

6. Deum non tantum veteri populo ea , quæ fierent secundum legem , puta cerimonias , sed & reliqua , quæ fuerunt in veteri œconomia , imo & reliqua mundana , quæ extrinsecus sensibus adveniebant , quousque visus penetrat , assumpsisse , ut sub iis spiritualia , & cœlestia occultaret : Ut cum Psalm 5 : 8. frumentum & mustum , quæ inter præcipuas benedictiones Vet. Testam. erant , dicuntur de spirituali cibo & potu Novi Testam. doctrina scil. fidei & consolatione Evangelica ; cum per terram , mare , arbores , montes , animalia , significatur Ecclesia , populi extra Ecclesiam , potestates , regna homines vivificati à Spiritu Dei , &c. idque ut haberent , in quo se exercerent sapientes , offenderent autem improbi : Quem stylum etiam imitati sunt Prophetæ sub N. T. quia etiam hic apparere debebant improbi , &c.

7. Imo & quæ acta sunt sub Vet. Testam. nominatim Gen. 7. & 8. ex 1. Pet. 3. 21. Gen. 14. ex Heb. 7. & Psalm. 110. Gen. 16. ex Esai. 54. & Gal. 4. Joan. 1 & 2. ex Matth. 12 : 39. &c. docemur fuisse signa & typos rerum futurarum , & ἀλληγορούμενα , id est ita dicta , ut de aliis similibus rebus etiam dici possint. Vid. inf. Part. II. Art. LXX.

§. XXX. 8. Item solere Spiritum Sanct. res futuras ac Nov. Testam. nominibus rerum , id est personarum , populorum , locorum , urbium , regnorum &c. præsentis temporis ac Vet. Testam.

stam. repræsentare. Nomina, *Ægypti & Babel & Juda & Israël* non sinunt nos de eo dubitare. Sic in Apocalypsi *Isabel* vocatur magna meretrix, cap. 2. Ipsa *Isabel* *Jehum* vocat *Zimri*, quod ipsa judicaret eum similia facere.

§. XXXI. 9. Scriptura allusionibus & ἀνιξίσει sæpe utitur. Sic כנען pro *Ægypto*, & alia. Sic Psalm. 52: 6. per וְלֵב potest esse allusio ad וְלֵב / quæ si sit, erit elegantissima παρανομασία. Ita in Apocalypsi qui habent doctrinam *Bileam*, νικολαίται vocantur. Similis potest esse allusio. Nam וְלֵב est וְלֵב, & ὁ νικῶν τὸν λαόν. Scimus, in his omnibus eis, qui allegoriis delectantur, materiam ludendi paratam esse. Sed, si rationem audire volumus, metaphoris ac similitudinibus Scripturæ enueleandis quivis erit contentus, & novis fingendis, dum Scripturæ explicat, abstinebit.

§. XXXII. Regula enim ἐρμηνευτικὴ tali-um hieroglyphicorum certissima hæc est: Signa & emblemata Scripturæ significant per omnem analogiam, quam habent cum rebus sacris, quas Scriptura & historia secundum Scripturam exhibet. Ideoque in applicatione horum emblematum non est cogitandum de aliis rebus, quam de quibus agit Scriptura: & ea res sub iis debent intelligi, quæ in omnibus suis partibus habent analogiam cum partibus omnibus emblematis: analogia autem ista cum rebus ipsis perspicua est, tum etiam metaphoris & parabolis Scripturarum noscitur. Judæi in
ap-

plicatione horum emblematum non procedunt ultra Divinam providentiam, qua omnia gubernantur in cœlo & in terra. Ex, gr. Esai. 6. Sed 1. illi non satisfaciunt typis, quia emblemata & figuræ Vet. Testam. non erant typi cœli & terræ simpliciter, sed status Ecclesiæ in cœlo & in terra. 2. Emblemata Scripturæ significant id, quod ipsis in eadem analogum est, uti diximus.

§. XXXIII. Non possunt ergo ænigmata Scripturarum & parabolæ adduci tanquam argumenta ad probandum id omne, quod homo excogitat: Attamen tum in se sensum habent aliquem manifestum, nempe indefinitorem & generaliorem; determinationem autem interpretationem habent ex analogia aliorum oraculorum. Certam vero & indubitatam lucem ex implemento. Vid. exemplum Es. 18: 5. 6. & conf. Part. II. Art. CXLVIII.

§. XXXIV. Huic regulæ similis est illa: Qui id loquitur, quod & proprie & metaphorice intelligi potest, Lectorem vel auditorem facit iudicem de suo sensu, utrum & proprie & metaphorice, an vel proprie vel metaphorice intellexerit, quod iudicium in prophetia tuto ex re ipsa capitur. Si enim in historia, de qua loquitur prophetia, reperiatur res gesta verbis prophetiæ in sensu metaphorico respondere, eam significatam esse auditor dubitare non potest. Ita qui vellet celebrare opus Dei, quo imperium Romanum dedit Christianis & barbaris, si uteretur phrasi Psalm. cap. 74: vers. 14. tum Deum dedisse balenam in cibum populo, *heremicolis*, facile ab omnibus intelligeretur.

§. XXXV.

§. XXXV. De figuris autem Scripturæ usitatis cogitandum est 1. ut fontibus metaphorarum. 2. In contradistinctione veritatis, Vid. Psalm. 45: vers. 1.

§. XXXVI. 10. Notandum, interdum veritatem typo misceri, ut in illis, *Sacrifica confessionem, Tui me expiabis byssopo*, &c. Psalm. 51. Sic quia Sali, qui in sacrificiis adhibebatur, respondet ignis, ideo dicit Christus. Marc. cap. 9: 49. *Ignis salietur*, miscens rem & figuram, quanquam ipsa res nomine metaphorico ignis indigitetur. Et vice versa Prophetia sæpe utitur vocabulis sumptis à terrestri & Levitico cultu ad significandam λογικὴν λατρείαν gentium; ut Mal. 1: 11. Esai. 66: 20. 21. His admonemur, Partes V. Testam. & bene intellexisse mentem Divinarum ceremoniarum, & per illas ad Christum, tanquam unicum fidei scopum, deductos esse. Neque vero nimis argutum est, quando S. Patres nominibus figurarum utuntur, intelligere figuratum. Si tales metaphoræ coactæ sunt, institutio illa Dei coacta fuit. Add. P. II. Art. LXXXI. f.

§. XXXVII. 11. Notandum, etiamsi sic Scriptura vocibus legis ceremonialis utatur ad significandum ea, quæ sunt Novi Testam. tamen tum per ea, quæ opponuntur, tum per certa principia, satis constare, ea non in similitudine terrestris cultus fore verificanda. Tale principium est; Quemadmodum in V. Testam. erant umbræ, ita in N. Test. esse veritatem. Vid. Joh. 1: 17. & Conf. Es. 16: 5. Zach. 8: 3. 19. Unde nobis nascitur ista regula certissima ἡρμηνευτική. Nempe, Quæ

de regno Christi dicuntur in veritate sunt intelligenda; non de umbra, etiamsi phrasēs & vocabula sint assumpta ab umbris & figuris præmonstrantibus. Ex gr. Psalm. 51: 9. 21. Coll. Hof. 14: 3. Heb. 13: 10. 15. Item hoc; In plerisque promissionibus N. T. est vox חַסֵּד *χάρις*. Gratia enim & Lex opposita sunt. Joh. 1: 17.

§. XXXVIII. 12. Denique notandum, Scripturam etiam hyperbolis uti. Hebræi שִׁוּל הַנֶּפֶשׁ & spinosum dicendi genus vocant. Dicunt, & aliter וְהַפְלִיגָה נִתְּנָה לָךְ / quasi dicas, orationem *πελαγίον φέρειν*, in altum provehi. Exemplum vid. Psal. 6: 7. 8. De his ita Quintilianus: *Mentitur hyperbole, nec ita, ut mendacio velit fallere. Et: Tunc est hyperbole virtus, quum res ipsa naturalem modum excedit.*

§. XXXIX. Si vocis etymologia sit obscurior licet referre ad eas, quæ sono & literis sunt proximæ. Ut Es. 44: 8. תִּרְוֶהוּ potest esse pro תִּרְוֶהוּ aut pro תִּירְוֶהוּ / si alia radix est, ex contextu explicanda est.

§. XL. Deinde sensus vocum singularum innotescit, eas referendo ad omne id, cujus intuitu ulla ratione significatio illarum manifestari potest. Ubi primo & maxime attendenda est relatio inter subiectum & prædicatum, cum juxta vulgarem regulam hermeneuticam tale sit subiectum, quale permittitur esse à prædicato, & vice versa: Tum etiam connectio observanda cum antecedentibus & consequentibus in eodem sermone verbis, maxime cum proximis, substantivorum puta cum ad-

jectivis,

jectivis, verborum cum adverbis, &c. quæ etiam se mutuo declarandi vim habent. Ubi notandæ sunt hæ regulæ :

§. XLI. 1. Convenit, ut in distincte dictis distinctus sit sensus. Vel sic : Semper expositio, quæ in distinctis vocibus distinctum quid intelligit, si id per analogiam fidei, & argumenti, sive rei subjectæ, fieri possit, est præferenda, sic Psal. 43: 3. *Mitte lucem tuam & veritatem tuam.* Possunt *lux* & *veritas* pro eodem capi, ut *vau* sit ἔκνηπτιον. Nam veritas est lux. Sic erit, *lucem tuam, hoc est veritatem tuam.* Quale Zach. 9: 9. Melius tamen, ut quodque horum distincte capiatur. Conf. inf. Part. 2. Art. 112. & 113.

§. XLII. 2. Nomen generale accipit significationem specialiore, quando nomina specialius significantia, quæ sub eodem genere sunt, apponuntur. Vel sic : Quæ generalius dicuntur, si dicantur in comparatione ad specialia, specialem sensum habent, eum nempe, qui à sensu speciali expresso distinguitur. Alioqui enim oritur confusio & παντολογία. Exempli gratia, Deut. 7: 1. septem populi, quos Deus voluit excindi à populo Israelitico, ita nominantur; Chittæi, Girgasæi, Emoræi, Cananæi, Perizzæi, Chivvæi, & Jebusæi. Etiam solent hi omnes populi Cananæi dici. Unde intelligitur, hoc loco Cananæos intelligi distinctos à cæteris, illos nempe, qui erant maritimi, & in ripa Jordanis. Vid. Num. 13: 29. & Jos. 5: 1. Sic Psal. 1: 1. *vox improbus* complectitur omnes gradus. Sed hic dum componitur cum *peccatoribus & irrisoribus*, in

generalitate levior gradus est subaudiendus; nominatim ii, qui cum sint improbi, tamen consilium capiunt de beatitudine. Sic Es. 14. vers. 21. *fili*i regis Babylonii possunt intelligi omnes, qui cum nominant patrem. Sed cur hic filios tam late non accipiamus, tres sunt causæ, 1. quia indefinite loquitur. Indefinita locutio potest exemplis quibusdam nobilibus compleri & verificari. 2. quia videtur à *populo filias* distinguere. 3. quia de speciali mactatione hic agi videtur. Possunt itaque *fili*i in ista emphasi accipi, ut significant eos, qui non tantum communiter Patrem appellant regem Babylonis, sed etiam cum ipso dominantur. Item Es. 19. quandoquidem versu 22. agitur de percussione Ægypti, versum 21. de plagis Ægypti, quibus se notificet Deus, & coercitione persequentium non interpretamur. Et talia exempla sunt passim obvia; etiam in N.T. Vid. Matth. 24: 23. coll. 26.

§. XLIII. Porro etiam prodest inter se conferre loca parallela, id est alia ejusdem auctoris scripta, illi scripto quod manibus tractamus, respondentia. Sic ex collatione Jobi. 22: 3. & Psal. 5: 5. cognoscitur, quid voce *וַיִּשְׁׁר* *improbitas* veniat in Scripturis, nempe per *μυκτηρισμὸν* hac voce significari propriam *justitiam*, si pro merito habeatur, aut Deo imputetur; sive quicquid homo potest facere ex se ipso, ut Deo placeat. Idem quoque ex ipsa verborum. Psal. 5: 5. connexion patet. Nam de eo, quod manifestam malitiam & turpitudinem habet, id an Deo placeat, ne dubitari quidem potest, neque ullus eo glo-
riabitur.

riabitur, ac si Deo placeat. Item quid sit mendacium & mendax ille, quæ Scriptura passim traducit, videri potest 1. Johan. 2: 22. quid *וַשָּׁמַיִם* / Hof. 8: 1. quid *justitia & iudicium*, Es. 5: 16. Johan. 16: 10. 11. Sic in plerisque promissionibus Evangelii est vox *וְכָל הָאָרֶץ*. Eam vocem non restrictè esse accipiendam pro Amore certi hominis, aut certi populi, ad bonum terrenum, circumscriptum, & caducum, sed absolute pro Amore illo Dei efficaci, sive proposito salvandi per Christum, & ejus executione, patet tum ex Joh. 1: 14. ubi *Gratia & Lex* opponuntur, tum Es. 55: 3. ubi *gratia Davidis fideles* appellantur, & ad omnem esurientem, ad omnem gentem, ad salutem animæ, ad satietatem bonorum cœlestium, ad gratuitam justificationem in Christo, planissime extenduntur. Sic Psal. 93: 3. quem Psalmum etiam R. David cum aliis ad tempora Christi refert *fluvius recte per מַלְכוּתֵי* regna explicat R. D., aitque esse *לְשׁוֹן parabolam*, ad designandum Gogum & Magogum & Reges, qui cum illo. Hæc metaphora indicatur. Es. 8: 7. Unde & hoc patet, quid in Apocalypsi sit *Euphrates*, cap. 9: 14. & 16: 12. nim. regnum & potentia spiritualis Babyloniz. Sic vim phræcos, *sibi benedicere in quoquam* explicat Esaias cap. 65: 16. de gloriatione in aliquo seu benedictionis auctore. Et Moses Deut. 29: 19. ubi explicatur, *dicere, pax mihi erit*. Sic Psal. 63: 11. *Vulpes*, alizque bestiz, metaphorice, ut in emblemate, capi possunt quod discimus ex Luc. 13: 23. *Dicite huic vulpi.* & Apoc. 18: 2. *avis impura.*

Et Eccl. 65: 4 *Edentes carnem porci.* & Psal. 22. *Canes, Tauri, Manacerates, Lea.* Sic Psal. 66: 15, licet nobis τὸ *Arietes* in figura intelligere pro iis fidelium, qui generosiores reliquis exemplo præeunt. Cujus metaphoræ fundamentum vide Jer. 50: 8.

§. XLIV. Et sic quidem sensus vocum indagatur, ipsi sermoni sacro inhærendo. Utile etiam est interdum extra eum abire, & conferre voces cum omni bonorum auctorum easdem voces usurpantium usu, & vulgari loquendi consuetudine; etiam cum linguis & dialectis affinis; quod imprimis usum habet in ἀπὸ λέγομένοις, & in vocabulis dialecti insolentioris; nam & his aliquando auctores sacros uti ac dictionem exornare videmus. In quibus nonnunquam prodest alias dialectos orientales in subsidium vocare. Exempla sunt, in voce כֶּלֶן / quam interpretes *pauperem* vertunt, Psal. 10: 8. In דָּשַׁן / *Da-num*, quod Arabicum est à دָשַׁן *gratias egit*, Psal. 72: 10. in voce צַד / quæ Psalm. 139: 17. ut & Jobi 36: 33. significat *cogitationem*. Sicut Chaldæis נִצַּח est צַד / & נִצַּח *cogitatio*, Dan. 2: 29. 30. & נִצַּח *voluntas*, Ezr. 5: 17. &c. Nec tantum linguæ, sed etiam artes ac disciplinæ exoticæ ad verborum interpretationem possunt utiliter adhiberi, per collationem nim. vocabulorum Scripturæ cum definitione & usu, quem habent in illis artibus, quæ agunt de rebus per illa vocabula denotatis. Nam terminos Geographicos, Astronomicos, Mechanicos, &c. si quos usurpat Scrip-

Scriptura, ex his scientiis; mere Theologicos ex ipsa Sacra Scriptura, optime intelligemus.

§. XLV. Postremo variae vocum acceptiones sunt tenendae ei, qui verum earum sensum ubique vult cognoscere. Considerandum itaque est, utrum voces accipiantur materialiter, an formaliter; vox formaliter sumpta utrum sit categorematica, an syncategorematica, an mixta; Collective sumatur, an distributive; in genera singulorum, an in singula generum; sitne vox propria, an appellativa; proprie veniat, an abusive; sitne finita, an infinita; singularis, an communis; univoca, an analoga, an æquivoca; late an stricte accipiatur.

§. XLVI. De voce infinita notandum, eam saepe æquivalere affirmationi contrarii; & quidem interdum nobilioris. Ut *וְיֵשׁ אֱלֹהִים* *non-lignum*, est Deus, Esai. 10: 15.

§. XLVII. De voce anagola absolute posita in oratione hæc est regula: *Analogum absolute positum accipitur pro principali significatione.* Circa vocum ampliacionem & restrictionem tenenda hæc cautela: *Ne verba alicujus orationis facile restringas, si latiore eis significatione profunda auctoris sapientia concedat; nec alie interpretandi leges abnuant.* Qui canon præcipue locum habet in explicandis eloquiis Dei. Hujus enim, utpote summe sapientis, summeque boni & potentis, & verba, & opera, angusta potius & ampla, quam angusta & limitata sunt animo cogitanda.

§. XLVIII. Itaque in explicatione alicujus loci spectandus est usus & valor verborum, & quicquid significare possunt, illud ibi significant,

cant, si omnes circumstantiæ textus in illum sensum conspirent, & alibi iste sensus apertè prodatur. Nec enim tunc necesse est sensum verborum imminuere. E contrario vitium interpretationis est, ex iis quæ significari possunt, levissimum sumere, ad maiorem fideique analogum sensum excludendum. Vel sic: Emphasis verborum Spiritus Sancti retinenda est, nisi evidenter constet, ea infra emphasin & potestatem suam usurpari, vel eo ipso in loco, vel saltem alibi in simili compositione. Potest etiam aliter hoc modo. Non est minus in verbis Scripturæ exaudiendum, quam illa per usitatum eorum valorem ingerit animo recte & prudenter secundum analogiam fidei & intentionem Spiritus S. tum communem & universalem, tum proprium cuiusque pericopæ, omnia examinanti & ponderanti. Vel enim hoc statuendum, vel dicendum, Scripturam semper & ubique hyperbolice loqui. Atqui absurdum est, Scripturam ubique per meras hyperbolas paratragædiare, & inanes verborum formulas projicere; & Deo per Scripturam nos ad fidem informanti plane indecorum. Si enim Deus invitans ad fidem, hyperbolis uteretur, & quidem ubique conformiter, sic fidem & spem nostram inaniter inflando, deciperet.

§. XLIX. Nominatim 1. Verba absolute posita accipienda sunt in sensu augustissimo, quem analogia fidei docet. Ut, Beati, qui *lugent*, nempe propter id, quod luctum in filiis Dei concitare potest, puta diminutam gloriam Dei, peccata proximi ejusque exitium, &c. *Qui habet*

habet dabitur ei. Qui habet, scil. quod habendum est ab illo, qui vere aliquid habere dici potest, nempe Christum & fidem in ipsum, &c.
 2. Omnia nomina dignitatis, quæ Christo & hominibus sunt communia, tanquam *διαφορώτερα* de Christo sunt accipienda, ex Hebr. 1: 4. Tale nomen est Messia, vel Uncti, s. Christi, Matth. 16: 16. 3. Epitheton s. prædicatum, quod antonomastice, s. pro nomine alicui tribuitur, emphatice accipiendam est. Per *nomen* enim distinguimur ab aliis. Ita Eccl. 9: 5. *ἄνθρωπος* pro nomine *ὁ δυνάμει* accipiendum est. Nihil absurdius est, quam sine emphasi appropriare nomen in vulgari & tenuiori significato.

§. L. Nec tamen absolute dicimus verba Spiritus S. semper significare id omne, quod possunt significare, sed ubi nihil est, quod refragetur, & quatenus omnes circumstantiæ textus, tum reliquæ interpretandi leges id permittunt. Neque enim vocabula, quantumvis emphatica, semper capiuntur in sua plenitudine atque efficacia, sed à subjecta materia, scopo, antecedentibus & consequentibus, &c. varias accipiunt determinationes. Sic in Vet. Testam. sunt accipienda, ut suadet analogia promissionis, in N. Test. Evangelii. Sic phrasis *credere in Deum*, ut notum, hanc habet potestatem, ut fiduciam in Deo nixam Testamento significet. Neque id tamen obstat, quò minus etiam ibi adhibeatur, ubi hæc fiducia non significatur. Sic Jon. cap. 3: 5. Cui similis est locus, *Crediderunt in verba ejus.* Et festinanter obliiti sunt,

E

&c.

&c. De quibus alibi dicitur, *Non crediderunt Deo, & non confisi sunt salute ipsius.* Ut phrasis illa Jon. 3. nihil aliud significet, quam vel simpliciter, crediderunt Deo, vel etiam, non desperarunt de clementia Dei, & quovis modo ad eum, ad remissionem plagæ confugerunt. Add. sup. Art. XIX.

§. LI. Porro de late & stricte accipiendis hic tenendum, quæ generaliter dicuntur in Scripturis, ea posse late, ut multis analogice vel æquivoce, & stricte, ut paucis vel uni conveniunt, explicari; quæ autem expressius & specialius dicuntur, ea minime esse per generalem & laram explicationem, quæ ostendat subiectum, cui dicta quovis modo & tantum non competunt, extenuanda. In eo genere est Psalmus 45. qui adeo est *ἰμψατῆρος*, ut nisi contorte & coacte & cum multiplici extenuatione, ad alium regem, quam Christum, non possit accommodari.

§. LII. Denique notandum est, verba nominaque nonnunquam ita accipi, ut aliquid merum significant, sive cum exclusione contrarii. Verbi gratia, Esai. 1: 4. *peccans est, qui tantum facit malum.* Sic *ἀμαρτάνων* Heb. 10: 26. 1. Job. 3: 9. Nam alioqui nemo est justus in terra, qui non peccet. Eccl. 7: 10. 1. Reg 8: 46. Sic homo *ψυχρός*, in quo nihil est, nisi anima regens & movens. Sic caro simpliciter homo, in quo non est Spiritus Dei, sed tantum appetitus à membris excitatus.

§. LIII. Vocum singularum significatione perspecta, integer totius orationis sensus super
est

est investigandus. Hic primo occurrit, ut omnis orationis ab auctore sapiente & bono prolata, sic *Spiritus Sanctus*, non nisi unum verum esse, & ab ipso intentum orationis sacra sensum. Ratio est, quia sapiens & bonus auctor abstinere à mendacio & ambiguo, quorum alterutrum vel utrumque in oratione esset, si multiplicem ea sensum haberet.

§. LIV. Nec tamen interim mirabimur, ad infinitam Dei sapientiam respicientes, Deum sæpenumero sub unico ac simplici sensu literaliter verborum, occultasse allegoricum ac spiritualem rerum his verbis significatarum.

§. LV. Quin etiam fieri interdum potest, ut *Spiritus Sanctus* plures sensus literales comprehenderit eodem circuitu verborum, & affectaverit ambiguitatem. Id factum agnoscimus, ubi analogia fidei cæteris paribus omnes interpretationes admittit: Et fieri posse intelligimus, vel ad faciendum ænigma, vel ad amplificandum intellectum. Hujusmodi est ἀμφοβολία in locis 2. Sam. 23: 5. Psalm. 110: 1. & 2. Esai. 6: 9. 10. varios & congruos sensus lectori s. auditori suggerens. In his & similibus locis ambiguis interpretatio non debet esse contentiosa, scil. ut sic concludamus: Scriptura potest significare hoc, quod mihi videtur, Ergo non significat, quod tibi videtur. Potius conjungenda sunt diversa significata, modo ne invicem pugnent. Qua de re monet alicubi Augustinus, cujus hæc est regula: *Ambigua in S. Literis, si explicari non possunt, in utramque partem intelligi possunt, si fidei regula non obstat.*

§. LVI. Quamvis autem sic sit unicus unius

orationis sensus, variæ tamen ejus differentiæ possunt notari, quatenus aliquid intelligitur vel in actu signato vel in exercito, in sensu diviso vel composito, identico vel formali, &c. de quibus apud Logicos abunde præcipitur.

§. LVII. His igitur missis videamus, quomodo ille unicus cujusque orationis sensus in textu sacro sit indagandus. Primo dispiciendum, quomodo Spiritus Sanct. ex verbis propriis & per semet ipsum explicetur. Id faciemus 1. Si in eodem, qui oculis observatur, loco persistendo, attendamus constructionem syntacticam, orthographiam sermonis, & veram interpunctionem; si varias lectiones dignoscamus, ac denique sermonis ordinem & verborum coherrentiam ratione antecedentium & sequentium probe observemus.

§. LVIII. Circa constructionem verborum notanda hæc regula: A simplici constructione non est discedendum, nisi ratio cogat. Nam & ellipses, aliæque enallagæ, nec adhibentur, nec rationabiliter adhiberi possunt, ubi non sensus statim vel ex evidentibus argumentis concipi potest, aut ubi nascitur periculosa ambiguitas. Ex gr. Psalm. 45: 7. verba illa, אלהים / אלהים ne Messias ex his arguatur esse verus Deus, ita construunt Judæi; Saadjah, suppleto verborum כִּי constabilet. Sed hoc supplementum frivolum est. R. Aben Esra, subintelligendo nomen כִּי, hoc modo, אלהים / אלהים *Solum tuum est solum Dei.* Sed ita nascitur ambiguitas, qua honor Dei incompetens adscribitur mortali; qua ambiguitate nihil est periculosius.

§. LIX.

§. LIX. Hebraice autem, nomen agentis s. subjecti, sæpe omittitur, imprimis quando notum est, de quo sit sermo; vel quum impersonaliter non indigitatur certum agens; vel quum certum agens sub figura innuitur. Sepe etiam prædicata indicant sua subjecta. Primæ & tertiæ rationis exemplum est Psalm. 7: 3. *Ne prædetur vel, laniet tanquam leo animam meam.* Ubi Saul sub figura leonis significatur; quem Æthiopem Benjaminitam jam in titulo, nominaverat. Ibidem rursus vers. 13 *Si non resipiscet,* tectè Saulem innuit. Sic Hof, 8: 1. *Ut aquila est super domum Domini.* h. e. Babylonius similis aquilæ domum Domini passis alis occupabit, vel imminet ei, ut tanquam lepusculum auferat ex loco suo. Ita alibi sæpius.

§. LX. De Hebraicis accentibus, seu notis interpunctionis, hic observandum, quod non respondeant distinctionibus Græcorum & Romanorum. Ita 1. Athnach non tantum inter membra distinguit, ut colon, sed aliquando finit periodum; aliquando, quæ uno membro includuntur, ut subjectum & prædicatum, vel descriptionem aut affectionem alterutrius, disternat. Ita Psalm. 76: 7. *Ab increpatione tua, o Deus Jacobi, (hic Athnach) soporatur & currus & equus.* Vide etiam vers. 10. Item Psal. 77: vers. 11. Imprimis id tum fit, quando præcessit. Merka cum Jethif, supra præcedentem Syllabam posito, ut Psalm 75: vers. 9. 2. Ut Athnach nonnunquam finit periodum; ita Soph pasuk non semper eam finit. Sic Psalm. 79. vers. 9. 10. *Ex cælo fecisti audiri iudicium.*

(Hic Atnach finiens periodum,) Terra extimuit & conquievit, (Hic Soph pasuk) *quum surgeret ad iudicium Deus*, (hic iterum Atnach) *ad salvandum omnes mansuetos terra.* Job. 38: 24. 25. 36. 37. Es. 3: 18. 24. 6: 12. 7: 21. 22. 23: 11. 12. 28: 2. ubi est atnach nihil distinguens. 28: 15. 16. 30: 3. 4. 65: 6. 7. Jer. 2: 26. 27. 4: 1. 2. 5: 12. 13. 23. 24. 6: 22. 24. 7: 9. 10. 10: 3. 4. 15: 15. 16. 18: 15. 16. 21: 4. 5. 26. 4. 5. 25: 32. 33. 27: 19. 20. 29: 1. 2. 3. 16. 17. 17: 22. 23. 19. 20. 32: 3. 5. 11. 12. 37. 40. 33: 4. 8. 10. 11. 25. 26. 34: 6. 7. 10. 11. 17. 20. 35. 3. 4. 37: 11. 12. 16. 17. 39: 6. 7. 40. 11. 14. 41: 4. 5. 11. 12. 16. 18. 42: 1. 3. 13. 16. 19. 20. 43: 1. 3. 5. 7. 47: 2. 4. 48: 20. 24. 50: 41. 42. 51: 20. 24. 52: 6. 7. coll. 29: 2. 52: 31. 33. Ezech. 41: 9. 10. 3. In Psalmis creberrimum est, ut ante vocem, quæ Silluk habet, ponatur accentus continuans Merca vel Munach, & cum antepenultima Tiphcha, etiamsi illæ voces, quæ præcedunt ultimam, magis sensu cohæreant, quam ultima & penultima. Exemplum vid. Ps. 9: 3. Hoc appellari potest metathesis accentuum.

§. I.XI. De variis lectionibus est hæc regula, ut meliorem dignoscamus, ita tamen, ut omnes admittantur tantisper, dum cum veritate rei consentiunt, neque contradictionis aut absurditatis auctorem arguunt. Sic contingit etiam, distinctas lectiones nobis offerri à Judæis, per quorum & manum & *אֱלֹהֵינוּ* Deus voluit nobis tradi verbum suum. In his non putandum est, nos coarctari in eas angustias, ut non possimus eligere lectionem conveni-

venientem. Si quis tamen putet, utramque lectionem habere utilem sententiam & commodam expositionem, nos quidem minime intercedemus, quo minus utraque liceat uti.

§. LXII. 2. Sensum orationis Spiritus Sancti ab ipso Spir. S. cognoscemus, si loca Scripturæ una cum aliis conferendo videamus, quomodo locus specialior generaliore, prolixior brevior, similis similem, imo contrariis quandoque contrarium, atque in universum clarus obscuriorem interpretetur. Sic multa in Vet. Testam. latent, ubi tantum leviter adumbrata, quæ in Novo patent, luculentius atque uberius exposita. Unde Vetus Testamentum cum Novo conferre solemus. Sic loca Vet. Testamenti de sacramentis Novi fœderis agentia declarantur ex locis Vet. Testamenti, quæ de sacramentis antiqui fœderis tractant, & è contrario. In hac potissimum collatione consistit *σύγκρισις πνευματικῶν* laudata Apostolo, & suo exemplo ad intelligentiam eorum, quæ Deus est nobis gratificatus, commendata, 1. Cor. 2:12.13. Et quoniam maxima pars interpretationis Scripturæ ab collatione ista pendet, paulo diligentius est ratio illius hic nobis explicanda.

LXIII. Hæc ratio tum commode intelligatur, ubi prius aliquid dixerimus de methodo Scripturæ, & habitudine ac respectu inter sese partium ejus priorum & posteriorum. Hic veto opportunum est, quod observat Apostolus, *Mosen fuisse fidelem in tota domo Dei ut ministrum:* (Confer Num. 12: 7. ubi Deus Mosen hoc elogio insignivit) quodque explicans ait, *fidelem ser-*

servum extitisse in testimonium eorum, quæ in futurum dicenda erant. Heb. 3: 5. Unde discimus, Moſen ministerium ſuum in tota domo Dei obiiſſe, 1. *teſtando* ea, quæ domui Dei, id eſt Eccleſiæ poſſent eſſe uſui. 2. quæ teſtatus erat, ad perpetuam memoriam literis tradendo. Hoc enim neceſſarium erat, ut in poſterum teſtimonium ejus poſſet audiri. 3. omnia teſtando, & ſcribendo, quæ Eccleſiæ omni tempore poſſent inſervire, utiliaque ac neceſſaria ſcitu & creditu ad ſalutem videri. Quippe aliter non potuit eſſe *ſervus*, nempe ut teſtis, in tota domo Dei. Significatur enim hiſ, Moſen teſtimonio ſuo miniſtraviſſe toti Eccleſiæ, præſenti, & futuræ omnium ſæculorum, uſque ad finem mundi. Nec de univerſalitate temporis id tantum intelligendum, ſed etiam de univerſalitate ſubjecti, ſive toto corpore ipſius Eccleſiæ, ita ut nulli ejus parti defuerit, quam non convenienti ſibi perfectione inſtruxerit atque exornaverit. 4. diſcimus, Moſen conſtitutum eſſe *teſtem eorum*, quæ ſupererant dicenda, & audienda, in Eccleſia: ita ut, qui ipſum excepturi erant, ſive prophetæ, ſive doctores, nihil dicere potuerint novi, quod non Moſes antea teſtatus fuiſſet, & cujus non teſtimonium in ſcriptis ejus exſtaret. Quod quidem nobis conſideratu digniſſimum, & ad methodi ſcripturæ, & habitus partium ejus, cognitionem, ipſamque interpretationem ſcripturæ, perutile videtur.

§. LXIV Sequitur enim ex dicto loco quam evidentiffime, S. *Scripturam in iſ, quæ dicenda fuerunt, eſſe quodammodo & in ſuo ge-*
nero

nere demonstrativam, id est, ea, quæ in posterioribus proponuntur, à prioribus scriptis, ac præsertim Mosis, ita suspendi, ut nihil contineant, quod non testimonio Mosis fulciatur, ab eoque omnem vim & auctoritatem ad obedientiam fidei & assensus mutuetur. Quemadmodum enim in scientiis demonstrativis ea, quæ primo loco ponuntur, nulla sequentium ope, ut intelligantur vel admittantur, indigent, sed à se ipsis digna sunt, quibus assensus accommodetur, sequentia autem ab his solis ita pendent, ut per & propter ea fidem mereantur; ita se res habet cum iis, quæ in S. literis dicenda fuerunt. Quæ enim in iis primo loco ponuntur, & per Mosen edita, Ecclesiæque commendata fuerunt talia sunt, ut per se sint *authoritative*, & auctoritatem Divinam se solis, utpote immediate ex ipso ore Dei, aspectante & auscultante toto populo, accepta, procul omni dubio habeant. Quæ autem sequuntur omnia & singula, tam quæ à Christo & Apostolis dicta post Mosen & Scriptis tradita fuerunt, talia sunt, ut auctoritatem divinam, nisi per & propter Mosis testimonium non habeant, adeoque non nisi hujus vi testimonii Mosaici ullam conscientiam ad fidem aut obedientiam obligent. Id, inquam, ex verbis Apostoli tam est manifestum, ut nihil possit esse clarius. Qui enim constitutus est *in testimonium eorum, quæ post dicenda erant*, absque ejus scil. testimonio hæc pro non dictis habenda sunt. Ergo si sint pro dictis habenda; utique per & propter testimonium illius fit, ut pro dictis habeantur; ipsum vero testimonium

per se stat, fidemque & assensum meretur. Ubi autem & quod fidem & auctoritatem conciliat alteri, per se est fide dignum, & quod sequitur, ita ab eo suspenditur, ut non nisi propter illud assensum consequatur, ibi imaginem quandam ac speciem esse Methodi demonstrativæ constat omnibus iis, qui naturam veræ ac scientificæ demonstrationis cognitam habent.

§. LXV. Nec id etiam à mente & stylo Apostolico abludit. Hinc sermonem suum & prædicationem suam non fuisse factam ait persuasivis sapientiæ humanæ verbis, sed *demonstratione spiritus & potentiae*, 1. Cor. 2: 4. innuens, se nihil predicasse, quod non testimonio Moysi & Prophetarum confirmasset; & quod sic confirmatur, vim habere *demonstrationis*.

§. LXVI. Moysi vero hanc auctoritatem veluti primoprimum etiam commendant S. literæ, ipsaque adeo Scriptura Veteris Testamenti. Hinc si quis post Moysen propheta in populo existeret, ante omnia id, quod afferebat, cum lege Moysi erat conferendum, ac videntum, num ab ea testimonium haberet. Ita enim diserte Moyses Deut. 13: 1. 2. 3. *Si extiterit in medio tui propheta, aut somnians somnium; & dederit tibi signum aut prodigium; & evenerit signum illud aut prodigium: Siquidem dixerit tibi: Eamus post Deos alienos, quos non novistis, scil. ex institutione Moysi, & colamus eos: Non auscultabis verbis prophetae illius, &c.* Conf. Deuter. 18: 20. Quod si cum lege Moysi ei conveniret, nec alios Deos aliamve religionem propheta ille homines abduceret, siquidem boni quid promitteret, exspectan-

ſpectandus quidem erat eventus , Deut. 18: 21. 22. Coll. Jer. 28: 9. cum eo tamen , ut ſimul ac divinas promiſſiones in lege Moſis exſtantes reſpiceretur : Quippe videndum erat, num Prophetæ ille conſueret culcitraſ ſuis prophetiis , quas ſupponeret ſcapulis hominum in peccatis confirmatorum , Ezech. 13: 28. Id vero non ſine reſpectu ad legem Moſis , & bona quidem , at non niſi piis , promittentem , cognoſci poteſt. Deinde conferendæ erant ſpeciales prophetiæ in libris Moſis exſtantes , ex quibus , num tale quid his temporum , ſubjectorum , locorum , &c. circumſtantiis conveniret , ſaltem ad ſpem faciendam , & exſpectationem adjuvandam , cognoſci potuit. Sic haud dubium eſt , Davidem Samueli prophetanti de regno & bono Iſraelis credidiſſe, quum exſtaret promiſſio de regno tribui Judæ dandæ , cum eaque promiſſione prophetiam Samuelis contuliſſet. Ita Iſraelitæ quum toto corde converſi eſſent ad Deum , & Haggæo ac Zachariæ prophetantibus de felici ſuccellu ædificationis templi crederent , ſimiles conſolationes in ſcriptis Moſis invenire potuerunt.

§. LXVII. Nec abſimiliter iudicandum , ſi quid mali peccatoribus impœnitentibus in nomine Dei prædicerent prophetæ. Nihil enim mali his denunciari poteſt , quod non in lege Moſis ſit prædeſcriptum , atque etiam in particularibus prophetiis ſuo ordine ac loco prædictum. Hinc Eſaias nos revocat ad *librum Dei* , eumque à nobis vult conſuli , quod attinet iudicium Edomi , Eſ. 34: 16. & Moabi Eſ. 16: 13. David Pſalm. 149: 9. *iudicium ſcriptum*

tum commemorat, quod sit *faciendum* de nationibus ac regibus, qui non obediverint Christo: Proculdubio ad scripturam Moſis reſpiciens. Ita & Dan, cap. 7: 10. vidit, *libros apertos eſſe, ut iudicium exerceretur*, Jeremias ipſa verba Moſis repetit, ut ſcilicet vaticiniis ſuis hinc fides eſſet. Jerem. 22: 8.9. *Et tranſibunt gentes multæ præter urbem hanc, & dicent quiſque ad alterum; Propter quid fecit Jehovah ſic urbi magnæ huic: Et dicent: Propterea quod dereliquerunt fœdus Jehovæ Dei ſui, & adorarunt Deos alios & ſervierunt illis.* quæ ſumta ſunt ex Deut. 29:24--28. Imo obſervare eſt, Zachariam & alios Prophetas ſæpe alludere ad Moſis & aliorum Prophetarum oracula, & de iisdem rebus loquentes præſupponere ea, quæ ab illis dicta ſunt, ad quæ digitum intendere ſatis habent. Sic denique Chriſtus negat, ſe accuſaturum eſſe Judæos apud Patrem. Quum jam Moſes ipſos accuſaverit infidelitatis & rebellionis, & Moſes de ſe ſcripſerit. Joh. 5: 45. 46. Conf. inf. Part. II, Art. 5. & 9.

§. LXVIII. Inprimis huc pertinet locus Deut. 4: 2. in quo monentur Iſraelitæ, *ne adderent ad verbum illud, quod Moſes præceperat ipſis, neque detraberent de eo quicquam.* Quo ipſo verbum Moſis proponitur ut regula & Canon omnis doctrinæ, adeo ut quicumque in nomine Dei veniret ad populum, quicquam locuturus, eum oporteret ea dicere, quæ dictis Moſis confirmarentur, non autem illis derogarent quicquam, vel ſuperadderent. Hinc *Canticum*, Moſis imo totus *liber legis* ab eo deſcriptus, *deponendus erat ad latus arce fœderis Jehovæ, ut eſſet*

set ibi in *Judaos* deficientes in *restem*; Deut. 21: 31; 19. 21. 26. Ad quem locum non dubito Apostolum in l. c. Hebr. 3. respexisse. Neque aliam ob causam Malachias ultimus prophetarum velut obsignans prophetiam V. Testamenti, legem Moſis Iſraeli, ut perpetuam regulam fidei omnisque doctrinæ commendat, Mal. 4. 4. quam quod ſciret, omnem doctrinam, omnemque prophetiam ad præſcriptum legis Moſis exigendam eſſe atque æſtimandam,

§. LXIX. Et ſic quidem probatur, ſcripta Moſis in ordine ad reliquam Scripturam ſe habere ad inſtar primorum quorundam principiorum, reliqua vero ad inſtar *ποριſματων*, doctrinarum, concluſionum, quæ ex iis deducuntur, ab eorumque conſenſu & teſtimonio omnem ad fidem obligandam vim & auctoritatem accipiant. Atque adeo elucet S. literas eſſe in ſuo genere demonſtrativas, ſive methodo gaudere *ἀποδεικτικῇ*, ſiquidem iis quæ dicta ſunt, habeant id omne, quod ad naturam demnoſtrationis intelligimus pertinere.

§. LXX. Jam vero cum conſtet non primum ad Moſen ſermonem Dei factum eſſe, ſed jam multis ante ipſum ſæculis, imo ab hominis ipſius primo ortu & creatione vigiſſe in mundo; cumque ſermonem non ut ſibi primum, ſed ut patribus revelatum, Moſes expoſuerit, antequam ad ea, quæ ſibi ſpeciatiim ac toti populo revelata fuerunt, explicanda progredia-
tur, nec minor ſit ratio prioritatis ac poſterioritatis, nec minus notabilis temporis intercapedo inter Moſen & Adamum, quam inter Moſen

& Christum ; quæri potest , an , ut Scriptura Mosis in universum sese habet respectu sequentis , ita sermo Dei , qui viguit ante Moysen , sese habeat ad sermonem in specie Moysi revelatum ; ita ut , quemadmodum Scriptura Moysi data est ad testimonium perhibendum iis , quæ in posterum dicenda erant , ita sermo , qui fuit ante Moysen , sermoni Moysi attestari ac fidem facere debuerit ? Occasionem hoc quærendi suppeditat natura demonstrationis , & ἀποδείξεις . Cum enim S. literas priores ac posteriores inter sese imaginem habere demonstrationis jam sit dictum , & natura demonstrationis ea sit , ut non tantum libri libris , sed etiam propositiones propositionibus attestentur ac fidem faciant ; & hætenus quidem constat de libris Moysi , quod sequentium demonstrationi inserviant , libri autem Moysi diversos sermones contineant , tam illos qui ante ipsum tanto tempore obtinuerunt , quam qui ipsi speciatim patefacti ac toti populo traditi fuerunt : Merito de his etiam , ut supra , quæri potest . Præsertim quia , cum sermones ante Moysen toto genere à sermonibus Moysi factis discrepare videantur ; illi enim promissiones continent mere gratuitas , hi instar habent legis operum , vitam & omnia quidem felicia promittentis , sed sub conditione exactissimæ obedientiæ , cæteroquin inevitabili maledictioni transgressores subicientis , unde & nominibus *promissionis* & *legis* ab Apostolo distinguuntur , Gal. 3: 17- 21. absque huius solutione quæstionis incerti cogimur esse , fuerintne secundum illos , an secundum hos , quæ post Moysen dicenda erant ,
demon-

demonstranda, & à quibusnam testimonium habere debuerint, cum utrosque sermones in libris Moſis explicatos, & Eccleſiæ demandatos videamus.

§. LXXI. *Reſpondeo, idque iterum, verbis Apoſtoli Gal. 3: 17-24. Teſtamentum, id eſt voluntatem Dei gratuitam verbo promiſſionis explicatam, ante ratificatum, fide acceptantium teſtamentum, Lex, qua poſt 430. annos lata eſt, non facit irritum, ut aboleat promiſſionem. Si enim ex lege eſſet hereditas, bona teſtamento decreta, non amplius ex promiſſione. Abrahamo autem per promiſſionem, teſtamenti indicem, largitus eſt Deus. Quid igitur Lex? Propter transgreſſiones nondum expiatis, ad eas damnandum & commemorandum ſcil., ad oſtendendum, quæ impoſſibilitas carnis ad ſe ſe ſubjiciendum Deo, quæ vis peccati ad operandum iram &c. addita eſt; donec veniret ſemen, cui promiſerat &c. Numquid igitur lex eſt contra promiſſiones Dei? Abſit. Si enim data eſſet Lex, qua poſſet vivificare, vere ex lege eſſet juſtitia: atque ita lex eſſet contraria promiſſioni, eamque ſubverteret. Sed concludit Scriptura, auctor Scripturæ ac legis Moſaicæ ſpiritus, omnia ſub peccatum, ut promiſſio ex fide Jeſu Chriſti daretur credentibus. Antequam vero veniſſet fides, ſub legem cuſtodiebamur, concluſi in fidem, quam futurum erat revelari. Itaque lex pedagogus noſter exſtitit in Chriſtum, ut ex fide juſtificaremur. Quo ex teſtimonio, quod ſane luculentiffimum eſt, diſcimus. Primo ſermonem legis Moſaicæ non fuiſſe contrarium ſermoni promiſſionis antehac à patribus audito,*

to. Sed secundo illi potius subordinatum fuisse, eique inservisse, efficiendo, ut magni fieret promissio, ejusque repræsentandæ, & consequenter fidei, quam exhibita re promissa futurum erat revelari, ipsiusque Christi eni-
xiore desiderio fideles tenerentur: Quod faciebat sermo legis commemoratione peccatorum, execrationis, &c. Et per consequens Tertio sermonem legis juxta sermonem promissionis intelligendum fuisse; sive, quod idem est, ita fuisse intelligendum, ut ab eo testimonium haberet. Propter quod quid enim institutum est, usumque habet, id ab eo ut tale sit, neque aliter se habeat, determinatur, & an ita se habeat, ut oportet, testimonium habet.

§. LXXII. Quæ cum ita sint; Cum, inquam, Scriptura Mosis in universum sit proposita ad hoc, ut testimonium perhibeat reliquis Scripturis; cum etiam Scriptura legis, quatenus per Moysen lata, & post verbum promissionis explicata est, ab illo verbo condignam sine ac scopo suo, in quem introducta est, intelligentiam & usum mutuetur, colligitur. Primo verbum promissionis, ut à patribus auditum ante Moysen, toti S. Scripturæ vicem præstare primorum quorundam scientiæ ac sapientiæ sacre principiorum, & axiomaticum, sive sententiarum per se fide dignarum, quæque nulla sequentium ope, ut pro certis ac divinitus revelatis habeantur, indigeant, at contra quibus reliqua omnia ita sint accommodata, ut nisi ipsis convenient, ab iisque testimonium habeant, pro non dictis, nec revelatis, sint habenda. Atque hinc, quod intendebamus,

mus, sequitur Secundo, Totam S. Scripturam, prout à principio ad finem decurrit, non ratione tantum librorum, sed etiam ratione veritatum ac sententiarum, quatenus unæ post alias revelatæ, & à patribus receptæ, vel toti populo traditæ, unæque post alias conscriptæ fuerunt, esse in suo genere demonstrativam, & præcedentia omnia & singula iis, quæ sequuntur, lucem, auctoritatem, & veritatis testimonium conciliare.

§. LXXIII. Nec repugnat, quod multa post Mosen particularia & nova audita & cognita fuere in Ecclesia, quæque nullam in scriptis Mosis videntur testimonii auctoritatem habere: Item in N. Testam. fuisse multa revelata, quæ in Veteri ignorabantur. Nam 1. non tantum id debet videri Moses dixisse, quod apertissimis verbis ab ipso pronunciatum est, sed & omne id, quod cum iis, quæ ab ipso pronuntiata sunt, necessariam connexionem habet; licet forte post illum hæc connexio demum sit patefacta. 2. Quæ indefinite, nec secundum omnes circumstantias, aut 3. in ænigmate dicta sunt, possunt accedente postea uberiori explanatione declarari; non tamen idcirco vel nova dogmata, vel nova mysteria veteribus superaddi. Nam ipsa mysteria uberius postea patefacta debuerunt habere testimonium in Mose, licet ænigmaticum, ut suo tempore veritas ex testimonii Mosaici analogia deprehendi posset, & quæ indefinite, aut ænigmatice, dicta sunt, accedente postmodum clariore expositione, suoque tempore historia verba implente, debent prodefinite, secundum omnem modum historiarum, dictis haberi.

G

§. LXXIV.

§. LXXIV. Exemplis res illustretur. Moses dicit ex ore Jacobi, Gen. 49: 8. *Judam adoratores omnes filios patris sui.* Quandoquidem adoratio est civilis, quæ regibus exhibetur: quis dubitet, eum locutum esse de regno Davidis & Solomonis, quibus duodecim tribus fuerunt subditæ? etiamsi non sit dictum à Mose, quot & qui reges essent ex Juda prodituri. Item, quialiqua adoratio est religiosa, & filiativa quædam spiritualis ac promissionis, quis dubitet intelligendum esse dictum hoc de Filio Judæ, qui sit Filius Dei, auctor justitiæ & salutis, objectum fidei & obedientiæ omnium filiorum Dei? quæ à prophetis declarata sunt. Item, quis dubitet, per *Siloh*, cui sit obedientia *populorum*, intelligendum esse Messiam, cui dandum erat regnum in populo & in gentibus? Item, eum esse Jesum, in quo hæc & omnia alia conspiciuntur: etiamsi is nominatus non sit? Item, obedientiam illam esse fidei non in servitute, quia is *Siloh*, Tranquillator? Item, quum dicit, *sceptrum non abiturum à Juda*, eum prævidisse sceptrum aliud in X. tribubus ortum & amotum? Et cum dicit: *Non recedet sceptrum & legislator*: quod aliquam habet ambiguitatem, utrum scil. debeat intelligi, *Neutrum recessurum ante adventum Siloh*; Non vero, *Non utrumque simul recessurum*: quis dubitet, quando aliis prophetiis id præsignificantibus, evenit, ut *sceptrum*, quod apud Judam, post ablatum sceptrum domus Israel, aliquamdiu manserat, in captivitate Babylonica recederet, sed *legis doctor & exactor non recederet simul*; eam mentem Spiritus S. per Jacobum & Moysen loquentis fuisse?

§. LXXV.

§. LXXV. Gen. 14. agitur de Melchisedec sacerdote, qui Abrahamo benedixit. Psalmus 110. docet, eum, *cujus sceptrum esset à Sione, quique dominaturus esset inter hostes suos, & eos omnes subiecturus pedibus suis, quique esset exaltandus in cælum ad dexteram Dei* (quod non de Abrahamo, ut vult auctor Nizzachon, sed tantum de Messia filio Abrahami & Davidis intelligi potest) fore *sacerdotem secundum ordinem Melchisedecæ*. Quis dubitet, Spiritum sanctum loquentem per Moysen in animo habuisse expositionem Davidis? & per Davidem innuisse expositionem Pauli in Epist. ad Hebræos cap. 7. typo accommodatissimam.

§ LXXVI. Abraham pater benedicendorum ex duplici uxore filios habuit, serva & libera: dictumque ei, *in Isuaco, filio liberæ vocatum iri semen*. Esaias cap. 54. prophetat *de sterili plures filios habitura præ maritum habente*. Quis dubitet, in historia Abrahami esse typum *duplicis testamenti & duplicis Hierusalem ac filiorum utriusque*, ut est in Epistola ad Galatas explicatum?

§. LXXVII. Manna, de cælo descendens eibus, ad vitam corpori utilis, Israelitis fuit fastidio; puniti sunt serpentibus; serpentis in furca erecti aspectu servati sunt. Num. 21: 5. 6. 8. Hæc nihil significasse, dici non potest. Quid igitur significarent, nisi unicum fidei & salutis mysterium? nempe de cælo venturum, in cuius communione vitam haberent homines. Eum Israelitis fastidio fore. Ideo à Diabolo & angelis ejus vexatum iri: exceptis iis, qui ad eum in similitudine carnis peccati exaltatum in cruce

G 2

respi-

respicerent. Et quis dubitet, Moſen, accedente interpretatione Chriſti & hiftoria, & præſuppoſita veritate myſterii, alibi ab ipſo Moſe explicata, quaſi tantundem, quoad vim & valorem typorum, dixiſſe? Atque ita veriſſimum eſſe, quod Iſraelitæ tentaverint Chriſtum ſe ipſum per manna adumbrantem? 1. Cor. 10; 9. De ſimilibus ſimile iudicium eſt.

§. LXXVIII. Unum jam memoratis adjungo. Eſaias cap. 16. iudicium de Moabo prædicens partim veteri prophetia illud confirmat, partim novam veteri prophetiam ſuperaddit. Dicit enim, *Hoc eſt verbum, quod locutus eſt Jehovah ad Moabum olim.* verſ. 13. ad prægreſſas prophetias, verbi cauſa Moſis, Davidis, reſpiciens. *Et nunc locutus eſt Jehovah, dicenda*: recentem prophetiam veteribus adjungens. Addita autem eſt tantum temporis circumſtantia. Subjungit enim, *Tribus annis, quales ſunt anni mercenarii, vilis fiet gloria Moabi*, &c. verſ. 14. Quis dixerit, propterea aliquid novi ab Eſaia prædictum eſſe, quod non à Moſe testimonium haberet; quum nulla nova res reveletur, ſed tantum modus aliquis & circumſtantia rei jam olim prædictæ, in eaque latens, explicetur.

§. LXXIX. Et quidem, cum Prophetæ ſic viderentur afferre aliquid ſingulare, neque ordinaria vel inſtitutione vel increpatione uterentur, dicuntur loqui ut *legati Dei in legatione Dei*, h. e. verbis Dei. Sic poſt capt. Bab. tempore Haggæi aliquid ſingulare erat, quum ſignificandum fuit populo, jam illud tempus eſſe, quo templum perfici deberet. Nam
Daniel

Daniel quidem ab edicto ante perfectionem templi numerat septem septimanas, & simul indicat, fore tempora in angustia subinnuens, lentè perfectum iri templum; & quidem ob culpam ipsorum Judæorum. Haggæus primus quum denunciaret, tempora illa angustia jam esse finita, quoad vastitatem templi, prospectiora jam esse expectanda, & templum perfectum iri, dicitur *legatus Jehovæ ad populum dixisse in legatione Jehovæ, Ego vokiscum sum, ait Jehovah.* Hagg. 1: 13.

§. LXXX. Dices: Moses amandavit ad Christum. Resp. Moses non amandavit ad Christum, ut locuturum alia, sed ut locuturum eadem, quæ Moses locutus erat; cum illo tantum discrimine, quod Moses *ex terra*, sine auctoritate propria locutus est, sed Christus, ut, *Dominus omnium ex cælo*, Verba Dei, ut sua. Alioqui enim Christi doctrina non potuisset examinari ad Canonem Moïsis, & Moïses ante Christum non fuisset testis de illis, quæ loquenda erant.

§. LXXXI. Ex his jam patet 1. non posse quem feliciter versari in interpretatione Sanctæ Scripturæ, nisi per jam dictam *σὺχριστιν πνευματικῶν*, *comparationem spiritualium*, id est, nisi verba & sententiæ Spiritus S. priores & posteriores inter se studiosè ac diligenter comparentur. 2. Hanc *σὺχριστιν* ita instituendam esse, ut factò à primis veritatibus interpretationis initio, inde ad sequentes ordine progrediamur; ita 1. ut semper & ubique priorum ratio habeatur, earumque luce, au-

toritate, ac testimonio ad sequentium tum ἐπίλυσιν & intelligentiam, tum veritatis Divinaeque auctoritatis confirmationem utamur. Talis enim comparatio & progressus convenit dispositioni spiritualium jam demonstratae. Ejus enim hæc est ratio, ut ea, quæ antecedunt, testimonium perhibere sequentibus debeant. Quod non aliter, nisi modo & ordine jam explicato, fieri posse, per se est manifestum.

§. LXXXII. Simul ex dictis intelligitur, quid sit *clavis cognitionis*, Luc. 11. 52. quid *analogia fidei*, secundum quam prophetandum esse monet Apostolus, Rom. 12: 6. Nempe nihil aliud est *clavis cognitionis*, & *fidei analogia*, quam primæ quædam veritates admodum claræ & simplices, quas Deus ante reliquas revelavit, & voluit legi in S. literis, nominatim omnes, quæ continentur libris Mosis, ut essent reliquarum omnium, in posterum vel revelandarum vel explicandarum, ut primum essentia & quasi substantiæ principium, radix & fundamentum, sic interpretationis & probationis certissimus modus, formula, canon & mensura. Tales sunt ex. gr. Promissio prima, æternum Testamentum gratiæ explicans de positione inimicitia inter sceminam & serpentem & inter semen utriusque; quæ promissio omnium prophetiarum matrix est, & ad quam omnis διδασκαλία est referenda; Præceptio amoris Dei, ἢ μετανοίας & conversionis ad Deum, toties iterata in Mose & Prophetis, quæ omne præceptum contineri facile intel-

intelligimus, & ad illius vel explicationem vel suasionem pertinere omnia, quæ in Divinissimis S. Literarum scriniis continentur.

Inprimis, quod capita doctrinæ attinet, notabile est dictum. Gen. 15: 6. *Et credidit Abraham Deo, & reputavit hoc ipsi iustitiam*, quod sæpe citatur ab Apostolo, & reverà est clavis cognitionis. Item quod nihil legimus de institutione sacrificiorum ante legem Moïsis; quod etiam animadvertit Jer. 7: 22. & prodest tum ad explicationem multorum locorum Scripturæ, ut Gen. 7: 2. & sim. tum ad confirmationem ejus, quod suprà observatum ex Apostolo, Gal. 3: 21. omnem Legem, quam repetivit vel tulit Moïses, imò & promissiones temporalium honorum, esse subordinatas, & sic accipiendas, ut subordinatas Testamento gratiæ, quo Deus præparavit vitam æternam filiis suis, quod Testamentum per promissionem patribus erat declaratum, non vero ei esse oppositas. Quæ observatio dici non potest quantum lucem afferat legi Moïsis, & reliquæ Scripturæ. Nam quum inter Promissiones patribus factas etiam sit promissio Christi, & seminis, in quo benedictio gentium, & sic promissio hæreditatis gentium, & porro filiatio, & effusio Spiritus filiorum: Consequitur, legem omnem sic accipiendam esse, ut credamus, accusationem ejus non valere contra benedictos, justificationem non esse nisi ex eo, in quo est benedictio; benedictionem obtingere in gradu nobiliori Israëlitis & gentibus simul, nim. ut filiis, non ut servis, sine commemoratione peccati; in ~~valente~~ ^{valente}, non amplius in umbrâ; ut uni,
non

non ut duobus. Hinc patet, quid sit respondendum Judæis, qui valde urgent æternitatem Legis. Nim. stipulationem fidei primo Promissionis, deinde Evangelii de promissione exhibita, æternam esse, à paradiso usque ad ultimum judicium: præcepta Decalogi esse perpetuam regulam sanctitatis, & formulam pœnitentiæ; instituta cerimonialia quemadmodum Patribus imposita non fuerunt, ita etiam non debere imponi illis, qui sunt filii patrum, quos Deus liberavit, & quibus fœdus novum contrahit. Interim illa manere, ut doctrinam ænigmaticam sive symbolicam de Christo & justitia ejus.

§. LXXXIII. Talia multa particularia possunt usu observari. Ut quod semper Spir. S. in nuncupatione *Deus meus, noster, &c.* docet respicere ad promissionem, *Ero Deus tuus & seminis tui post te.* Quod loco Moïsis Deut. 33:5a ubi *Jehovah* dicitur *Rex factus*, fortasse soli, debet originem phrasos Prophetarum & Christi atque Apostolorum, per *Regnum Dei* intelligentium statum Ecclesiæ sub Christo exaltato, sine accusatione Legis & servitute elementorum mundi. Quod multa dicuntur universaliter & indefinite in reliqua Scriptura, quæ juxta legis mentem sunt explicanda. Ut *pignora capta* improbantur universaliter Amos. 2:8. quod tamen secundum legem Exod. 22. 25. 26. Deut. 24: 12. 13. de pignore injusto, & à pauperibus capto explicandum est. Non mirum igitur, si *jurare* dicatur, *qui juramentum non veretur*, & quodammodo juramentum omne vetetur, quod more sæculi vix aliter, quam temere

mere & sine fide ac cum hypocrisi fiebat. Matth. 5: 34. Jac. 5: 12. similiter quod Psal. 15: 5. & Ezech. 18: 8. 17. de *usura* dicitur indefinite, juxta legis sensum accipiendum est.

§. LXXXIV. Sic ad explicationem omnium locorum, quæ de *die Domini* agunt, notandum est, Prophetas respicere ad tempora gratiæ & judiciorum Dei designata jam ante à Mose. Ideoque quemlibet Prophetam, *qui diem Domini* imminentem nominat intelligendum esse, principaliter quidem de adventu Christi in carne; cum judicio in incredulos; sed præterea etiam ante-ambulone illius diei proximo. Verbi causa, Zophonias cap. 1. vers. 7. loquitur post deportationem X. tribuum. Igitur intelligendum est, approximare diem illum, quo Filius Dei appariturus erat populo suo: atque ita jam instare præcursores aliquem tubicinem diem alium, nim. judicium in incredulos & deletionem scandalorum ex loco illo, in quo Salvator debeat apparere: quæ repurgatio per captivitatem Babylonicam erat facienda. Quod & Moses & anteriores prophetæ præsignificaverant. Sic ubi prophetæ loquuntur de temporibus sequentibus adventum Christi, si meminerint diei Domini, erit dies judicii novissimus vel in se, vel etiam ut in præcedentibus judiciis præobsignatus. Qualis dies antecedaneus est dies deletionis templi & reipubl. Judaicæ, Reformationis Ecclesiæ, Castigationis Ecclesiæ, Ruinæ Antichristi. Qualia tempora, ceu tubæ præcedanæ, adventum Domini ad regnum universale & ei connexum ultimum judicium denunciantes, descripta sunt in Apocalypsi,

calypsi , post prophetias Mosis & Prophetarum.

§. LXXXV. Neque obstat, quod multa ex iis , quæ tradit Moses , sint metaphorica & ænigmatibus involuta , & propterea claritatem principiorum non videantur posse habere. Nam de ænigmatibus Scripturæ notanda necessaria admonitio , ea neutiquam facere ad celandam veritatem , sed magis ad eam declarandam ; dummodo animus docilis memor sit eorum , quæ didicit , & *αναλογίαν* servet ubique. Clara enim sunt plurima , licet metaphorica & parabolica sint. Quid clarius potest fieri prima promissione , quæ in Paradiso proposita est ? Deum positurum inimicitiam inter fœminam & serpentem illum seductorem , h. e. Diabolum. Nam quæ potest esse positio inimicitiae , inter fœminam & diabolum , nisi sanctificatio ad libertatem à servitute Diaboli , quam peccato contraxerat , & odium peccati & amorem justitiæ ? Rursus , Semen ejusdem sanctificationis particeps Deum elegisse ? Item , semen aliquod contritum caput Serpentis , h. e. ipsius opera destructurum , & quidem patiendo morsum calcis. Itaque eum , qui positurus erat inimicitiam sanctificando , etiam victurum esse Satanam merito & efficacia. Denique Deum sanctificantem semen mulieris , h. e. hominem exstiturum ? Quid , inquam , clarius ? licet nonnihil ænigmatis sit in voce Serpentis , qui est Seductor. Accedat promissio Abrahami , Ero Deus tuus & seminis tui : In semine tuo benedicentur & benedicent sibi omnes gentes : Patrem multitudinis gentium dedi te. *Quæ pro*

promissiones tum singulæ, pro se, tum inter se comparatæ clarissimæ sunt attendentibus : quamvis negligentibus aut vanas cogitationes somniantibus obscurissimæ videri possint.

§. LXXXVI. Quamvis autem sic veritates omnes, quæ libris Moſis continentur, in ordine ad ſequentes reliqua Scriptura, id tamen non obest, quo minus etiam inter eas, quæ ſequuntur hic ordo obſervetur, ut priores quæque ſint poſteriorum principia & clavis cognitionis. Hinc non tantum Moſes, ſed etiam reliqui Prophetæ *teſtes* appellantur, quos in rebus dubiis & controverſis unusquiſque producere jubetur, Ef. 43: 9. *Dent teſtes ſuos & juſti ſint.* Conf. Apoc. 11: 3. Et Deus proſitetur apud Jeremiam, prædictionibus ejus ut canone judicii uſurum in terram Chaldæorum, & omnes gentes. *Et adducam ſuper terram illam omnia verba mea, quæ locutus ſum ſuper eam, omne id quod ſcriptum eſt in libro hoc, quæ vaticinatus eſt Jeremias ſuper omnibus gentibus ?* Jer. 25: 13. Conf. Aët. 3: 21. 24. item Ef. 16: 13. & add. inf. P. II. Art. 9. Sic locus Pſal. 2: 7. ubi Filius introducit loquens in nomine Patris, eſt clavis interpretationis ſimilium. Ut Amof. 2: 8. ubi introducit Dominus proferens ſententiam, cujus nominat auctorem Dominum Deum exercituum. Et ſic paulatim poteſt amplificari clavis cognitionis, non tam novarum veritatum adjectione, quam veterum indefinitius poſitarum arctiori deciſione, vel etiam per implementa hiſtorica deſcriptione. Quæ poſita deſcriptione ac determinatione ſententiarum per arctiores clauſulas vel per implementa non

tantum sequentibus veritatibus, sed etiam anterioribus & principalibus nova quasi lux affunditur, atque interpretatio tanto proclivior, illustrior, ac plenior evadit. Atque ideo, quamvis eadem semper exstat fidei analogia, si solæ antiquissimæ veritates spectentur, si tamen cum secundis ac tertiis, facile intelligemus, nonnullas ex iis esse, quæ nunquam aliter se habent, alias, quæ varietatem aliquam recipiunt, prout nimirum vel in sua generalitate, vel, ut postea definitæ, considerantur. Unde semper quidem verba Spiritus Sancti sunt accipienda secundum analogiam fidei, sed tamen aliter secundum analogiam fidei Promissionis, aliter secundum analogiam fidei Evangelii. Et de similibus simile iudicium esto.

§. LXXXVII. Σύγκρισιν πνευματικῶν, hoc modo factam, excipit ἀπόδειξις demonstratio, & φανέρωσις τῆς ἀληθείας τὸς πάντων συνείδησιν manifestatio veritatis ad omnem conscientiam, sc. eorum, qui priorum veritatum jam periti, memores sunt eorum, quæ didicerunt. Nihil enim aliud hæc est demonstratio, & manifestatio veritatis, quam deductio eorum, quæ sequuntur, ex iis, quæ antecedunt, quæque iis testimonium debent perhibere veritatis. Itaque Apostolus sermonem suum exstitisse ait ἐν ἀποδείξει in demonstratione, 1. Cor. 2: 4. καὶ φανερῶσει τῆς ἀληθείας τὸς πάντων συνείδησιν 2. Cor. 4: 2. Conf. Actor. 17: 2. 3.

§. LXXXVIII. Hanc vero ἀπόδειξιν vocat πνεύματος, demonstrationem Spiritus, quia sc.
ex

ex comparatione spiritualium resultat. Spiritus enim hæc est demonstratio, quæ fit per verba ipsius, quorum una aliis attestantur. Non enim demonstrat aliter quam verbis suis. Et propterea quæ sic per comparationem spiritualium demonstrantur, *Deus ipse nobis revelare* dicitur *per Spiritum suum*, 1. Cor. 2: 10. & quæ sic demonstrando loquimur, dicimur *loqui verbis doctis à Spiritu Sancto*. 1. Cor. 2: 13.

§. LXXXIX. Et his quidem modis Spiritus Sanctus, tum eisdem in locis, de quorum significato laboramus, tum etiam aliis, mentem verborum suorum declarat. Quibus addi potest, quoniam actibus quandoque & gestibus externis sermonem juvare solemus, horum quoque considerationem sensum orationis sacra interdum dare. Fuisse hunc morem usitatum Christo colligimus ex Joh. 20. Ubi discipulis ostendit manus & latus suum, simul alloquens eos: Ita ironicam orationem vix assequaris, nisi perorantis gestum aut videris ipse, aut aliunde collegeris. Sic verba Psalmi 51. vers. 20. sono pronunciantis adjuvanda sunt, ut sensum suum nobis exprimant. *TUNC in altare TUUM ascendent VITULI!* q. d. longe alii vituli tibi offerrentur tunc, atque nunc ad altare manufactum immolantur.

§. XC. Præterea observandum, non solum censeretur ea Spiritum Sanctum dixisse, quæ *αὐτολεξεί*, i. e. totidem verbis, in Scriptura exprimuntur, sed etiam ea, quæ per legitimam consequentiam ex verbis ejus deducuntur. Revera enim & illa, quæ ex dictis consequuntur, dicit Scriptura: adeo ut is, qui id,

H 3

quod

quod consequitur, ignorat, dicatur *ignorare Scripturam*, Matth. 22: 29. Et quod consequitur ex vero, verum est. Mendacium enim ex vero non est. 1. Joh. 2: 21. Ergo &, quod ex divinitus revelato sequitur, id & verum est, & quia propter revelationem innorescit, est verum revelatum, & fide recipitur.

§. XCI. Neque omittendum silentium quandoque esse significativum. Ita Christus silentio respondit ad calumnias ipsi objectas. Matth. 26: 63; 27. 12. Item ea, quæ dicuntur de Melchizedeco, & quæ non dicuntur rerum maximarum esse significationes, discimus ex Hebr. 7.

§. XCII. Hactenus ostendimus, quot & quibus modis Spiritus Sanct. semet ipsum interpretetur. Superest, ut quomodo per alios explicetur, videamus. Hic vero in considerationem veniunt 1. Versiones. 2. Commentarii aliorum. Quamvis enim ad sensum inveniendum præstet libros authenticos legere, & commentarios potius, adhibitis demum reliquis interpretandi adminiculis, quam initio statim, consulere, nam haud raro alias præjudicia interpretum nos turbant, tamen versiones varias, & commentarios virorum doctorum inspicere, ad eundem finem suam quoque utilitatem habet. Adde, quod, ubi consentiunt, rectæ interpretationis, & consensus ac profectus Ecclesiæ, sint magnum argumentum, fideique præsidium; ubi dissentiunt, acuunt diligentiam, tum ut adhibita scrutatione, utra interpretatio sit melior, dignoscamus, tum ut quæ ipsi videmur advertisse, eo accuratius demonstre-

monstremus. Ante omnia autem cavendum, ne quam versionem aut commentationem textui authentico æquiparemus.

Et ex commentariis quidem veræ hypotheses accipiendæ sunt, falsæ autem applicationes revincendæ. Versionum autem illa semper optima est judicanda, quæ ad proprietatem linguæ authenticæ, & ad mentem Spiritus Sancti quam proxime accedit. Sic autem cum illis est comparatum, ut si observaverint proprietatem, si non, id satis intelligi non possit, nisi comparato originali textu. Cujus comparatione tum corriguntur, tum intelliguntur, & sic demum vicissim fonti lucem fœnerantur.

§. XCIII. De versione Græca LXX. interpretum, ut & Chaldaica, notandum. 1. Quod non semper servant proprietatem linguæ. Vid. ad Psalm. 6: 4. 2. In iis esse quædam vestigia dubitationis interpretum, ut quomodo legerint textum Hebraicum, vel legendum esse judicarent, dicere non possis. Vid. ad Psal. 7: 12. f. Psal. 4: 3. Es. 4: 2. Quæ observatio eo facit, ut si maxime aliqua antiqua versio discedat à sententia, non magni faciamus ejus præjudicium; nec propterea lectionem sollicitandam putemus. Constat enim eo sæculo, quo illi interpretes exstiterunt, cognitionem Dei & Scripturæ fuisse in populo Dei, maxime inter Græcanice loquentes, levissimam. Quum Pharisei occultassent clavem cognitionis, & homines, neglectis Scripturis, *παρὰ νόμον* in hærent: adeo ut etiam Pharisei nescirent, quid sibi vellet promissio fœderalis, *Ero Deus tuus & seminis tui post te.* &, *Deus Abrahami,*

mi, Isaaci, & Jacobi : & , quare Christus dicatur Dominus Davidis. Præterquam quod nondum per Evangelium omnia ænigmata Scripturæ de Christo in plano collocata fuerint. Et LXX. illos in multis fuisse hallucinatos. Addeoque ante adventum Christi promissum fuisse Eliam , qui reduceret cor filiorum ad Patres. Mal. 4: 5. 6.

§. XCIV. Apostoli tamen in N. Testamento sæpe ponunt verba Græca , ut habentur in versione Græca τῶν LXX. Ex gr. Paulus Rom. 9: 27. 28. citans locum Es. 10: 22. 23. Id fecerunt non ignorance textus originalis , (Nam & videmus Apostolos , ubi necesse esset , propiora Hebræis expressisse , desertis LXX. interpretibus) sed quod sensum integrum ista Græca exhiberent : quem ipsi intendebant. sive etiam ut per eam versionem ad originem scrutandam lectores revocarent.

§. XCV. Insuper notandum , quando Apostoli non allegant versionem LXX. interpretum , in ipsorum verbis esse explicationem non tantum vocum , sed & sententiæ. Vid. Matth. 13: 35. coll. Ps. 78: 2.

§. XCVI. Accedat denique & hoc , multa esse , quæ translata in aliam linguam , non more istius linguæ , qua fit interpretatio , sed ejus , cujus fit , sint accipienda. Ideo scil. quia pauca reperiuntur vocabula in diversis linguis idem adæquate significantia. Sic si quis Hebræorum יֵשׁוּעַ Græce vertere velit , dicet αἰ' vel ἁλνθῶς. Sed hoc ipsum non jam more Græcorum , sed Hebræorum explicandum

dum. Vid. Matth. 5: 18. Sic quia solent interpretamenta arctiora extendi ad latitudinem interpretati, posset dici, Actor. 2: vers. 24. *ἐκδίδω* significare laqueos, propter amphiboliam Hebr. *הַכְלִי* / Et sic de cæteris.

§. XCVII. Præter hætenus dicta, ut supra vocum singularum, ita conjunctarum, h. e. integrarum orationum, variæ possunt notari differentiæ, ut quod oratio alia sit propria, alia figurata; enunciativa vel non; perfecta vel imperfecta, i. e. defectu, abundantia, aut transpositione laborans; exprimens copulam vel occultans; finita vel infinita; definita vel indefinita; simplex vel composita; conditionalis, copulata, discreta s. adversativa, disiuncta, vel relativa; comparativa, exclusiva, exceptiva, vel restricta, quæ ultimæ propter majorem obscuritatem Exponebiles appellari consueverunt. De orationibus, Figurata, & Non enunciativa, hæc est regula, ut, si sint obscuriores, reducantur, illa ad Propriam hæc ad Enunciativam: De Conditionali, quod, si conditio sit impossibilis, æquipolleat categoricæ simpliciter neganti: De exclusiva, quod non excludat concomitantia, sed opposita. Reliqua non explico, quia satis aliunde nota supponuntur.

§. XCVIII. Id solummodo hic occurrit, quando ea, quæ conjungenda sunt, ab hominibus separantur, solere Scripturam meliorem partem eligere, & minorem quasi absolute rejicere; scil. in tali separatione. Ut Hos. 6: vers. 6. *Pietatem volo & non sacrificium*, nempe sine pietate. quanquam hoc etiam
I illam

illam notionem habet, ut ostendatur, Deum aliquando simpliciter rejecturum sacrificia. Prov. 8: 10. *Accipite disciplinam & non argentum*: Illud sine hoc, non hoc sine illo. Hæc Drusus ponit. Add. 1. Joh. 3: 18. 1. Cor. 1: vers. 17. *Non baptizare, sed prædicare*. Non dedit me Diaconum, sed Apostolum; si αὐτοπρία Baptismi separanda esset ab Evāgelizatione, hoc me voluit facere, non illud. Ad illud vero alios constituit. Hebr. 8: 11. *Non docebit quisque fratrem*. scil. ita, ut Deus non doceat hoc ipsum, quod frater docet, in verbo suo & per Spiritum fidei & discretionis jam datum. Conf. 1. Joh. 2: 27. *Non habetis opus, ut quis vos doceat, nisi ut unctio vos docet de omnibus*. Sic Joel 2: 13. *Lacerate cor vestrum, & non vestes*.

§. XCIX. Huc refer istud loquendi genus, quo negari videtur bonum aliquod fidelibus Vet. Testam. quod non eo gradu & efficacia iis concessum fuit, quo conceditur fidelibus Nov. Testam. quo de genere vid. Celeb. Wittichii, mei quondam Præceptoris charissimi nunc Amici honorandi, Theol. Pacif. Art. 277. f. & seqq.

§. C. Et speciales quidem tum vocum tum sententiarum sacrarum exponendarum leges ita se habent. Clausulæ loco generalia quædam interpretandi adminicula his adjungamus. Horum primum est, quod in interpretatione debeamus esse contenti eo, quod promptissimum est cogitare, quoque intentioni loquentis & analogiæ fidei satisfat. Huic opponitur interpretatio audax; cujusmodi est Rabbino-
rum

rum consentium, Gen. 7: vers. 2. Denm docuisse Noachum legem Moſis, quia ſcil. ibi eſt mentio animalium purorum & impurorum. Non enim eſt neceſſe, ut dicamus, Deum Noacho ſignificaffe, quam legem aliquando hominibus eſſet impoſiturus. Deum ante Moſen diſcreviſſe inter animalia ratione ſacrificiorum non legitur; & cum Noacho permiſſus fuerit eſus omnium animalium, fieri non poteſt, ut impuræ pecudes intelligantur, quarum eſus fuerit veritus. Sufficit cogitare, quod quum lex Moſi data diſcernat animantes puras & impuras, hoc poſſit accipi tanquam actum & dictum per proleptin, hoc modo ſcil. quod Deus adducturus erat ad Noachum animalia omnis generis, & ipſi ſignificaturus, de quibus animalibus ſeptem, de quibus item duo deberet in arcam recipere: & quod eſſet in illis, propter quod pura dici poſſint, nimirum propter quoddam ſimulachrum boni; & in his, propter quod impura, propter quoddam ſimulachrum mali.

§. Cl. 2. Id ſemper agendum, ut Scripturæ tanquam lucidæ, & candidas atque minime contortas aut coactas ſententias habenti, omnibuſque ſuis partibus ſibimet conformi, & per totum corpus ſacrorum oraculorum refulgenti, ſecundum Teſtamenti divini ſinceritatem & veritatem, quæ eſt in Chriſto Jeſu, attendamus, donec lucidiſſimus ſenſus conſcientiam exſatians, per verba Spiritus S. in nobis exoriat. Vel ſic: Expoſitor debet verba Spiritus Sancti. tantisper animo verſare, donec eum ſenſum reperiatur, quem aliis ver-

bis dictum esse jure non possit optare, & in quo plene acquiescere possit propter conformitatem fidei & connexionem cum fundamento & fidei ac charitatis ædificationem. Quæ regula & Augustini est. Videl. 3: de Doctrina Christ. cap. 15. & 24.

§. CII. 3. Quandoquidem omnis Scriptura Christum & justitiam & regnum ejus indigitat, contendenda & comparanda sunt omnia ea, quæ passim à Spiritu S. dicuntur; inque ea comparatione perseverandum, donec omnes partes mysterii universali totius chori prophetici suffragio perdiscamus. Et plena institutio ea demum censeri debet, quæ omnium virorum Dei sit vox, *συμφωνία & ὁμόνοια*.

§. CIII. 4. Dubia in eam semper partem sunt accipienda, quæ nullam involvat absurditatem, Conf. sup. Art. XIV. & LV.

§. CIV. 5. In incertitudine Genealogiæ & Chronologiæ, & similium, quæ nullis regulis Hermeneuticis possunt satis expediri, animadvertenda est regula Apostolica: Non esse sine termino persequendas, neque urgendas ad quæstiones non necessarias. 1. Tim. 1:4. atque ut interea quod simplicissimum & facillimum est, in his eligamus, ex reg. I. de quâ diximus paulo ante. Nim. ijs temporibus, quibus editæ sunt genealogiæ & chronologiæ, omnibus perspicuum fuit, eas veras esse, & quo tempore veræ fuerint. Alioqui enim nemo hominum illius temporis, quo res sciri potuit, eas recepisset. Sed noluit Deus nos in iis hædere: ideoque reliquit posteritati multa indeterminata. Quæ quidem perplexa esse videntur?

dentur; attamen contradictionem non habent, quum possint hoc vel illo, imo multis sæpe modis verificari. v. c. quando Sorobabelis pater dicitur fuisse Sealthiel, Hagg. 1: 1. & Pedajah, 1. Chron: 3: 18. incertum est, utrum Pedajah fuerit frater Salathielis & excitaverit fratri illiberi semen: an fuerit filius; & sic filius dicatur, qui nepos fuit: an denique filius Salathielis dicatur, quia ab ipso educatus, & ei in principatu populi successerit. quemadmodum 1. Chron. 3: vers. 15. Zedekias filius Jechoniæ dicitur, qui patruus fuit, quia successor.

§. CV. Sic ad Gen. 11: 27. quæri solet, an Abram fuerit primogenitus Tarach? Quod non est verisimile. Nam si Abraham fuit primogenitus, Tarach; & quinque & septuaginta annos habens ex Charan profectus est, Gen. cap. 12: 4. sequitur, eum deseruisse patrem suum in Charan, & eum 60. annis vixisse, postquam Abram & Lot ab ipso discessissent. At legimus Gen. 11: 31. quod acceperit Abram filium suum, & Lot nepotem suum, & profectus fuerit ex Ur Chaldæorum animo eundi in terram Canaan. Deinde Moses non facit prius mentionem profectionis Abram ex Charan, quam dixisset, Tarach ibi mortuum esse. Conf. Actor. 7: 9. Et certis aliunde rationibus constat, Abramum quinquennio Charis habitasse. Quare probabilior sententia est, Terach quinquennio ante mortem ex Ur Chaldæorum exivisse: qui mortuus est anno ætatis 205. à quibus si detrahas 75. comperietur Abram esse natus anno Terachi 130. Ergo non

Abram, sed potius Nachor. pro primogenito Terachi est habendus. Sunt qui alias rationes conciliandi extogitant; ut D. de Dieu. qui vid. ad Actor. 7: 9. Sed Deus non voluit Chronologias & Genealogias esse ita expeditas; tum, quia fidelibus opus non est eas *ὡς ἀκριβέστατα* cognoscere; tum quia voluit præbere materiam ingeniis partim inquirendi, partim altercandi, Hominiis pii est, in illis libenter aliquid ignorare; hominis vani, in talibus se jactare; & præ se alios propter quandam scientiam contemnere. Ideo his ipsis difficultatibus monemur, ne sectemur *γενεαλογίας ἀπεράντας*. 2. Tim. 1: 4. Similia vid. ad Pl. 88: 1. & 89: 1.

§. CVI. Sic Gen. 14: 14. dicitur Abram *persecutus esse usque ad Dan*. Est *πράληψις*. Nam postea demum ille locus nominatus est Dan. Ne Moïsis quidem tempore vocabatur Dan, sed sub iudicibus hoc nomen accepit. Vid. Jud. 18: 29. quod ipsum anticipate narratum est Jos. 19: 47. Hæc difficultas (atque eadem est ratio similium) ita potest tolli. Historiam Patriarcharum fuisse tempore Moïsis notam, & in Spiritu Dei à Moïse dictatam; eique postea insertam esse legem à Moïse scriptam; & imprimis Samuelem, qui Prophetarum post Moïsen primus dicitur, operam conficiendi libri Dei, sive historiarum tum Patrum tum traditæ legis, tum occupatæ terræ Canaan usque ad sua tempora, summis; & alios deinde Prophetas eam historiam continuasse usque ad captivitatem Babyloanicam. Ut & *σύνοψαι* omnium temporum ab auctore Chronicorum editam

editam esse. Igitur & in recitatione hac non oportet nos tantum cogitare, quomodo Moses vivus potuerit hunc locum appellare; sed etiam, quomodo potuerit is, qui hos libros composuit, illum locum nominare.

§. CVII. 6. De temporibus Judicum & Regum notandum. 1. Anni numerati in S. historia non sunt ejus rei gestæ quæ ultimo commemoratur; sed totius historiæ: & incipiunt à clausula numeri præcedentis. Sic ultimus numerus præcedens historiam Judicum sunt 40. anni acti in deserto. Inde sunt 40. anni ad mortem Othnielis. Sic deinceps. Ita omnia salva & facilia sunt. In versione autem sic dicendum est verb. g. *quievit terra quadraginta anni.* q. d. sic ista rerum serie absolvuntur 40. anni. Non: *quievit terra 40. annis.* 2. Anni Regum non semper concurrunt æqualiter: sed annus verb. gr. regis Israelis participat de duobus annis regis Judæ. 3. Anni regum diversimode nonnunquam numerantur; scil. vel ab inauguratione vel ab administratione; sive à regno accepto vel administrato ante obitum præcessoris, aut ab obitu illius & similiter.


§. CVIII. 7. Cogitandum, prophetas scripsisse ita, ut continuaverint librum Dei & historiæ populi Dei, & in illa historia respexisse ad æram notabilem proximam, quæ distincta sit ab annis regum, quum annos regum etiam exulantium ab illo computo distinguant. Ex. gr. Es. 7: 8. dicitur: *Dum labuntur sexaginta quinque anni, consternatus erit Ephraïm infra populum.* Et notatur æra notabilis in regno X. tribuum nempe à morte Jeroboami secundi, qui fuit ex
posteris

posteris Jehu. Item Ezech 1: 1. notatur tempus primæ visionis oblatae Ezechieli prophetæ, nempe annus quintus exilii Jojachimi. Simul indicatur, quod is annus fuerit annus trigessimus. nempe, ut ex historia sacra cognoscitur, ab anno Octavo decimo Josiæ, quo Pascha celebratum & fœdus cum Deo renovatum est. Vid. 2. Reg. 23: 23. 2. Chron. 34: 8. 27. 28. 29. 30. 31. 35: 19. Quippe negari non potest, eam æram notabilem fuisse & memorabilem Judæis.

§. CIX. Denique 8. interpres & expositor Divini sermonis debet studere, ut clare & perspicue loquatur. Et 9. non est opus ex profanis Poetis similes profanas voces iis, quæ in S. literis dicuntur, colligere. Quod fecit Grotius. Ex gr. ad Ef. 22: 13. Sed potius, secundum id, quod supra observatum Art. XIII. considerata est ipsa animi inductio & opus ipsum; quæ esse possunt, ubi voces istæ non audiuntur.



HER-



HERMENEUTICÆ SACRÆ

Pars posterior

De interpretandis Prophetiis.

§. I.

QUamvis, ut priori parte est ostensum, omnis sermo de re quacunque, qui non studium & indagationem hominis, sed Deum proxime & immediate auctorem habet, in S. literis נְבוֹיָה & προφητεία *Prophetia*, appelletur; usus tamen obtinuit, ut pars illa Divini sermonis, qua res futuræ in antecessum explicantur, hoc potius nomine indigitetur, tum quia etiam hæc à Deo proficiscitur, tum quia magis adhuc, quam quævis alia, Deum auctorem arguit, & præfert notas insignes Divinitatis. Quod adeo est clarum, ut & Deus ipse ad hunc potissimum characterem Divinæ gloriæ sermoni suo quasi digito suo impressum provocet, atque idolorum & falforum atque imaginariorum Deorum, illorumque, qui locum & spiritum Dei in Ecclesia peculiari modo sibi arrogant, hinc refutet vanitatem. Ita enim est Es. 41: 4. *Quis molitur & fecit? Vocans ætates ab initio; Ego Jehovah primus, & cum postremis idem sum.* Es. 42: 8. 9. *Ego sum Jehovah, hoc est nomen meum: & gloriam*

K

meam

meam alteri non dabo, & gloriationem meam sculptilibus. Prima ecce venerunt: & nova ego indico; antequam pullulent, facio vos audire. Es. 45: 4. 5. 6. Vocavi te nomine tuo, vocavi te, & non nostime. Ego Jehovah, & non est alius, præter me non est Deus: cingo te, & non nosti me. Ut cognoscant ab ortu solis & occasu ejus, quod non sit præter me: Ego Jehovah, & non sit amplius. & Es. 46: 10. 11. Qui indico à principio extremum, & antea, quæ non sunt facta: qui dico consilium meum stabit, & omnem voluptatem meam faciam. Qui voco ab Oriente volucres, à longinquo virum consilii mei; etiam locutus sum, etiam adducam illud; formavi, etiam faciam illud. Quibus locis Deus Israelis divinitatem suam, ut Es. 45: 4. 5. 6. etiam adversus sculptilia, ut Es. 42: 8. 9. & nihil esse, cui assimulari possit, adversus defectores facientes sibi imagines, ut Es. 46: 10. 11. & Christus æternam cum Patre Divinitatem, ut Es. 41: 4. probat ab eo, quod possit futura prædicere Item Es. 19: 12. Ubinam illi, ubi sunt sapientes tui? & indicent, age, tibi, & cognoscant, quid consuluerit Jehovah Deus exercituum super Ægypto. Es. 41: 22 23. Adducant & indicent nobis ea quæ eventura sunt: priora quæ sunt illa? indicate, & advertemus animum, & cognoscemus exitum illorum; aut ea, quæ veniunt, facite nos audire. Indicate, quæ veniunt postmodum, & cognoscemus, quod vos sitis Dei. Ibid. vers. 26. Quis indicavit ab initio, ut cognosceremus, & antea, ut dicamus justus? simul non est, qui indicet, simul non est qui faciat audiri, simul non est qui audiat dicta vestra. Item Es. 44: 7. Et quis ut ego vocat? & indicaret illud

lud & sifteret illud mihi, ex quo pono populum sæculi: & futura, & que veniunt, indicarent sibi. Quibus omnem auctoritatem alius, siue Dei, siue Petræ, siue Doctoris & Ecclesiæ, quæ Divinæ adjungitur; & falsorum prophetarum, imaginum cultorum, loquentium in Spiritu Sancto præsumtam infallibilitatem redarguit ab eo, quod sic futura prædicere non possint. Est & ubi tyrannorum ferocia, objecta ipsis quasi manu Dei, & signo sensibili præsentia ejus, prophetia, in qua immanitas ipsorum fuit ante depicta, reprimitur. Ut Es. 37: 26. *Annon audivisti quod à longinquo feci illud, à diebus priscis formavi illud? nunc adduxi illud, ut sit ad confundendum acervos ruderum urbes arduas.* Ut nim. fiant acervi ruderum.

§. II. Et quidem placuit Deo pro immensa sua sapientia ac bonitate hac quasi luce majestatis ac supereminentiæ suæ irrefragabili illustrare atque insignire verbum suum, tum fidei excitandæ & confirmandæ; ne quid de auctoritate reliquæ revelationis & fundamentalis doctrinæ dubitandi occasio esset, utpote ab iisdem Viris sanctis eodem numine afflatis, & eadem ubique præmissa Divini dictaminis formula consignatæ, & magnam partem ipsi prophetico sermoni intertextæ: Vid. inf. Art. X. Unde Petrus 2. Petr. 1: 19. 20. 21. *προφητικὸν λόγον, & προφητείαν γραφῆς* constituit firmissimum fidei principium, ejusque utilitatem lucem claram in cordibus orientem instar diei; & attentionem ad illam collaudat, & quomodo in illa scrutanda versari debeamus, ostendit. Tum

etiam defectionis coercendæ; ne magnifica Dei opera, quibus vel insigniter benefacit aut judicat hostes Ecclesiæ, more ingenii humani trahantur in occasionem peccandi, & firmitermentum falsæ religionis, quemadmodum sic olim Judæi per multiplices Dei benedictiones in terra coadducti fuerunt, ut Christum abnegarent. Hunc enim finem editæ prophetiæ facit Esaïas cap. 48: 3. 4. 5. *Prima pridem indicavi, & ex ore meo exiverunt, & faciebam audiri illa derepente feci, & venerunt. Quia sciebam, quod durus (sive intractabilis) esses, & nervus ferreus gervix tua, & frons tua area esset. Ideo indicabam tibi pridem, antequam veniret, feci te audire; ne diceres, idolum meum fecit ea, & sculptile meum, ac fusile meum. jussit illa. Vel etiam si possit doctrina, aut hypothesis ipsorum falsa, item opera & studia ipsorum, ex Scriptura prophetica demonstrari. Quo respicit Christus Joh. 5: 46. 47. Ne putate, quod ego accusaturus sim vos apud Patrem. Est qui accusat vos, Moyses, quo confiditis. Si enim crederetis Moysi, crederetis mihi. De me enim ille scripsit.*

§. III. Eodem consilio & fine Deus voluit oracula sua & promissiones ac minas rerum futurarum literis mandari atque in perpetuum conservari, ut rebus prædictis exstantibus possent cum his conferri, & quæ vera fides ac sana doctrina, quæ vera Ecclesiæ, quæ defectorix quis verus rex Ecclesiæ, quis adversarius, hinc posset omni tempore, nec tantum ex partibus doctrinæ, sed etiam ex operibus ac studiis & eventis ipsis rerum futurarum, agnosci ac demonstrari. Ita enim Deus ad Moysen: *Et nunc scribite*

Hermeneutica sacra pars posterior. 77

scribite vobis canticum hoc, & doce illud filios Israelis, pone illud in ore ipsorum, ut sit mihi canticum hoc testis in filios Israël. Et erit quum obtingent ei mala multa & angustiae, tunc respondebit canticum hoc coram ipso pro teste. Nam non tradetur oblivioni ex ore seminis ipsius. Deut. 31: 19. 21. Et David in Spiritu id futurum praesentens ita canit: Memorari faciam nomen tuum in omni aetate & aetate. Psalm. 45: 18. Praedicat scil. non tantum omni generationi nomen Christi, h. e. quis & qualis sit rex Ecclesiae, in hominum memoria fore, sed etiam mediante hoc Psalmo, cum similibus Prophetiis. Item Psal. 57: 10. Confitebor te in populis, Domine; psallam te in nationibus. Nam Christi gubernatione effectum est, ut hoc Davidis testimonium ad omnes gentes perveniret. Et Psal. 102: 19. Scribatur hoc in aetatem postremam, ut populus, qui creatur, celebret *Jah*. Scribi nim. Deus voluit promissiones rerum futurarum, & ipsam rei gestae, maxime in exhibitione Salvatoris, historiam. Finis scriptionis, ut sit instrumentum notificandi nomen Dei & decentiam ejus. Huc facit mandatum scribendi, quod est apud Esaiam: Nunc veni, scribe illud; in tabula apud ipsos, & in libro exara illud; & eris in diem postremum, in perpetuum, in saeculum. Necessitas scribendi: Nam populus inobediens ille est, filii abnegantes, filii qui non voluerunt audire legem Domini. Quia nim. opus est Scriptura vindice veritatis adversus inobedientes. Es. 30: 8. 9. Itemque apud Jeremiam: Scribe tibi omnia verba, quae locutus sum ad te in libro. Nam ecce dies veniant, ait *Jehovah*, & restitnam jacturas populi

populi mei Israel & Juda, dixit Jehovah; & reducam eos ad terram, &c. Jussit nim. Deus scribi verba sua, & voluit ea, in perpetuum conservare, ut postremo tempore recognoscerentur vera, & verba Dei fierent instrumentum convertendi infideles ad Deum. Jer. 30: 1. 2. Conf. Deut. 30: 6. Ez. 34: 27. item Dan. 12: 4.

§. IV. Quamvis autem sic dubitari nequeat, quin is sermo, qui continet prædictiones rerum non modo parvo tempore, sed etiam multis post sæculis futurarum, Deum peculiari quodam modo habeat ac probet auctorem, & qui eum sermonem, ut internuncii ac interpretes numinis apportant, sint accipiendi, quasi Deus ipse loqueretur de cælo: *Credite in Domino Deo vestro, & permanebitis; & credite prophetis ejus, & prosperamini.* 2. Chron. 20: 20. non tamen olim, antequam Prophetia esset in canonem relata, quivis afferens verbum Dei pro vero & genuino propheta erat habendus. Cautum enim est Deut. 18: 21. 22. eum demum prophetam, cujus verbum venerit, agnoscendum esse pro eo, quem Deus miserit: Quod apertum est non intelligendum esse de eo Prophetam, qui ordinaria increpatione impietatis & injustitiæ utitur, & non agentibus pœnitentiam judicia Divina, quæ in lege continentur, denunciat; sed de eo, qui bonum aliquod eventurum pronunciat. quemadmodum & Jeremias declarat, cap. 28: 9. *Propheta, qui exstiterunt ante me & ante te à saculo, vaticinati sunt de terris amplis, & de regnis magnis, de bello, & de malo, & de peste.* & hos prophetas nihil necesse erat habere aut proferre argumentum, quo

quo clare constaret , eos esse à Deo missos. Nam si in nomine Dei loquerentur , ut est Jer. 26: 16. & nihil aliud , quam peccata reprehenderent , & malum denunciarent ἀντιστοιχίαι τοῖς, erant recipiendi. Nam & hoc Deus ubique in lege sua agit. Qui autem nihil aliud dicit , quam quod Deus dicit , non cogitur probare suam missionem. Sed *Propheta , qui vaticinaretur de pace & quidem non secundum præcedens verbum Dei , cum venisset verbum Prophetæ illius , cognoscebatur Prophetæ , quem misisset Jehovah reverâ.*

§. V. Etiam si autem hoc ita sit , tamen non sequitur , nullam fuisse fidem eorum , qui bona nunciarent. Nam si ita esset , frustra viderentur mitti Prophetæ rerum bonarum & pacis. & temere fecisset David , quod credidit Samueli prophetanti de regno & bono Israelis : itemque Judæi , quod Haggæo & Zachariæ prophetantibus de felici ædificatione , templi paruerunt. Atqui non temere fecerunt. Contra peccassent , si non credidissent : & in fide Divinarum promissionum certamina ac discrimina subierunt. Quæres igitur , quibus argumentis agnosci potuerit divina missio alicujus prophetæ etiam boni quid prænunciantis ? Resp. In primis ne loquatur Propheta , nisi in nomine veri Dei , Dei , inquam , Israelis , & per doctrinam suam ne seducat ad alium Deum , aut aliud fœdus , aliamve justitiam. Deuter. 13: 1. 2. Deinde ne consuat culcitrâs suis prophetiis , quas supponat scapulis hominum in peccatis obfirmatorum , & pacem sibi , audita fœderali adjuratione promittentium , quum
in

in firmitate cordis sui ambulant, Ezech. 13: 18. Deut. 29: 19. Omnia igitur ad regulam Decalogi & legis à Mose datæ, si de moribus & iudiciis agatur, ad promissionem & fœdus patribus & Abrahamo datum, si de benedictionibus, prius examinentur, & quatenus non repugnant, non rejiciantur tanquam falsa, sed saltem in singularibus eventis, ut interpretatio quædam possibilis & probabilis Legis & promissionum ac comminationum recipiantur. Tum nihil temere occipiant homines propter quemvis, qui venit tanquam Propheta. Sed si homines conversi fuerint toto corde ad Deum, si existat Propheta, qui eos jubeat bona sperare, rectum est non desperare, sed hac promissione & consolatione roborari ad constantiam recti facti & patientiam afflictionis. Ita Israelitæ, quum promissionem haberent de reedificando templo, quumque ex toto corde conversi essent ad Deum, recte fecerunt, quod crediderunt Haggæo & Zachariæ felicem successum pollicentibus: David item quum exstaret promissio de regno tribui Judæ dando, quumque verbum Samuelis hætenus non cecidisset in terram, dum credidit Samueli, credidit Deo. Ita tempore Josaphati quum extitisset Propheta, qui eos, pœnitentiam agentes, juberet bono animo esse, merito populus in bonam spem erectus fuit, seque ad videndum magnifica Dei opera excitavit.

S. VI. Quod si præterea verbum ejus evenit, sive de bono, sive de malo, non est dubitandum, quin fuerit Propheta à Deo missus, & in reliquis quoque fides ei debeatur,

& hoc

& hoc quasi signaculo Divinæ missionis auctoritas ei Prophetica concilietur. Ita enim est Jer. 33:6-8. & Ezech 24:26.27. Nonne eo die, quo auferam ab ipsis sanctuarium meum, *veniet, qui effugerit, ad te veniet, ut audire faciat aures?* Illo die *aperietur os tuum apud eum, qui effugerit, & loqueris, & non obmutesces amplius, & eris ipsis in portentum, & cognoscent, quod ego Jehovah.* Item Ezech. 29:21. *Illo die faciam germinare cornu domui Israel, & tibi dabo apertionem oris in medio illorum: & cognoscent, quod ego Jehovah.* & Ezech. 33:21. 22. *Et factum est duodecimo anno . . . venit ad me, qui effugerat Hierosolymis, dicens, Percussa est civitas. Et mania Jehovæ fuerat in me vespere, antequam veniret evasor, & aperuerat os meum, & non mutus exstisti amplius.* Et vers. 33. Ibid. *Quum autem venerit (ecce venit) cognoscent, quod propheta exstiterit in medio ipsorum.* Non loquuntur scil. prophetæ, & muti sunt, quando & quamdiu de auctoritate illorum dubitatur; os suum aperiunt, & loquuntur, quum rebus exstantibus, quas prædixerunt, auctoritas ipsorum & Divina missio comprobatur, & Deus per ipsos loqui agnoscitur.

§. VII. Neque id mirum; quum primum & antecedens quodque implementum sit signum, obles, atque argumentum eventus reliquorum. Atque hinc est, quod Deus interdum per antecedentem aliquam prophetiam fidem faciat sequenti, & hanc illa quasi obsignet. Cujus rei exemplum exstat evidens apud Jeremiam cap. 44: 29. 30. *Et hoc vobis signum, ait Jehovah, quod ego visitem super vobis in loco hoc, ut cognoscatis,*

L scatis,

scatis, quod constitutura sint verba mea contra vos in malum. Vos nim. profligatum & occisum iri. Sic dixit Jehovah: Ecce ego do Pharaonem Hophra regem Ægypti in manum inimicorum ipsius; & in manum querentium animam ipsius, quemadmodum dedi Zedekiam regem Jude in manum Nebucadnezaris regis Babel, inimici ipsius & querentis animam ejus. Rex nim. Ægypti ab inimicis victus, & deinde occisus, signum debuit esse Judæis, & ipsos profligatum iri & occisum. Item Esaias cap. 8: 1. 2. 3. 4. confirmandis superioribus prophetiis addit signum, nim. prophetiam de nascituro sibi filio, cujus nomen, portendens eventum, in grandi volumine scribit. Adde Es. 37: 30.

§. VIII. Imo est, ubi in primo implemento tanquam exordio & signaculo executionis & eventus reliquorum jam omnia fieri dicuntur. ut Matth. 24: vers. 34. Ubi postquam Servator seriem rerum futurarum à bello Judaico usque ad finem mundi percensuisset, vers. 8--14. & 15--31. usum quoque prædictionum ostendisset, ut singula prædictorum animadvertentur, tanquam signa adventus Domini, magis maigisque appropinquantis, vers. 31. 32. hunc usum nobis promptum facit, affirmando, quod ætas ista non sit præteritura, *antequam hæc omnia fiant.* Non quod omnia ista ea ætate debeant consummari, sed quod eæ res inter se concatenatæ, & indivulsum contextum habentes debeant geri incipere, quodque priora sint quasi pignora sequentium, quasi illa jam facta essent, quia certum est, ea futura esse. Add. Ezech. 12: 23. 28. Quamquam id non sit

sit perpetuum. Nam vice versa haud raro accidit, ut per prophetiam aliquam consequentem, & vel proxime, vel longissimo postea intervallo implendam, de qua tamen jam antea constiterit Ecclesiae, fides fiat antecedenti, ac prius implendae alicui prophetiae. Exempla sunt. Deut. 30: 35. Ps. 79: 9. & 106: 44--46. adde Es. 7: 14. 37: 30. Interdum ex re vel facto aliquo praesenti, & iussu ac exhibitio divinitus, desumuntur signa, Es. 20: 2--4. 38: 5--8. Jer. 13: 11--14. 24: 1. & seq. 27: 2. 28: 13. 14.

§. IX. Prae caeteris vero non omittendum, ad veterem Prophetiam, si quae exstet, de cuius auctoritate constet nobis, recentem omnem, quae de novo affertur, referendam cum eaque contendendam esse. Ita enim quae posteriores Prophetae de rebus futuris loquebantur, Moysi praedictio atque auctoritate confirmari oportebat: neque admitti debuerunt, nisi quia cum ipso, saltem in generalioribus, atque in eodem ordine antecedentium & consequentium consentirent. Deus enim ex caelo Moysen & populum allocutus est in fidem eorum, quae postea debebant dici. Hebr. 3: 5. Ita Jeremias defenditur ex prophetia Michae, Jerem. 26: 18. conf. Es. 34: 16. Ipse Michas recitat verba Esaiae cap. 4. Zephaniae quasi ad Micham provocat cap. 4: 6. Sic passim Apocalypsis prophetarum verba fecit sua, agens de iisdem rebus, lectores quasi remittens ad integras eorum prophetias, tanquam ad fontes & commentarios. Immo hoc vel solo nomine, etiam si nullae aliae rationes superessent, de divinitate

L 2

nitate Apocalypseo Johannis possumus esse certi: quia hoc testatur de Christo, quod Prophetia Vet. Testamenti, quodque Christus & Apostoli locuti sunt: & quia ea, quæ præ-nunciavit, eadem sunt cum illis, quæ & Moses & David, & omnes deinceps Prophetæ in regno Christi futura præ-nunciarent; & quia ea nec testari, nec præ-nunciare ad eum modum potuit, nisi in Spiritu S. loquens.

§. X. Necessaria est autem meditatio Prophetiæ multis de causis: 1. Quia in ea continetur objectum fidei, quod est aliquid non visum, & aliquid speratum Hebr. 11:1. Nam fidei objectum in promissionibus continetur, promissiones autem pars sunt prophetiæ.

§. XI 2. Quia Christus per Prophetas, id est primum fidei objectum, tum ratione eorum quæ fecit, & passus est, tum ratione eorum, quæ dixit, h. e. tum veritas ipsius personæ, tum veritas doctrinæ, & potuit, atque adeo debuit cognosci & comprobari. In primis de sermonibus & doctrina Christi id est manifestum. Non enim propter præjudicatam auctoritatem Christi & Apostolorum ipsis debuerunt assentiri auditores vel Judæi vel gentiles, sed potentia demonstrationis ex Mose & Prophetis adducti & convicti. De Judæis id quidem apertum, est quam gentem Spiritus notavit elogio gentis dura cer-vice ac fronte ferrea, eam absque evidentissima istiusmodi demonstratione, ut Christo crederet, adduci nulla ratione potuisse. Et vero Moses & Prophetæ ipsis ut testes dictorum Christi erant commendati. Adeo ut nisi Christus dixisset ea, quæ Moses & Prophetæ dictu-

dicturum prædixerant, pro Christo non potuerit, nec debuerit, haberi. De gentibus vero dubitari potest. Quum enim Deus ipsis statuta sua ac judicia sua, id est scripta Moſis & Prophetarum, in quibus ea statuta ac judicia ſunt explicata, non dedisset, Solem vero tantum & ſidera ac totum hunc mundum aſpectabilem, unde cognoscerent Deum, ſi forte ſic palpendo ipſum ex operibus ipſius invenirent, iis impertuiſſet; fruſtra quidem auctoritas Moſis & Prophetarum apud ipſos allegari potuiſſe videtur. Enimvero Apoſtolus gentium hunc nodum ſolvit, Rom. 16: 25. 26. ubi de gentibus diſerte affirmat: quod *myſterium Dei olim tacitum, jam vero manifeſtatum ipsis gentibus notificetur per Scripturas propheticas.* Nihil ergo ex ſententia Apoſtoli, ne gentes quidem, & qui verbum Dei non habebant, niſi demonſtratum ex Scripturis propheticis admittere debuerunt.

§. XII. Idque etiam ſupra dictis de auctoritate Moſis, reſpectu eorum, quæ in poſterum erant dicenda, eſt apprime conſentaneum. Si enim Moſis teſtimonium debuit valere ad confirmationem eorum, quæ in poſterum dicenda erant, utique etiam ad confirmationem eorum, quæ per Chriſtum & Apoſtolos dicenda erant. Nihil ergo debuit dicere Chriſtus, quod non dixiſſet Moſes; & ex Moſe dicta Chriſti teſtimonium habuerunt. Quanquam in modo, quo id dixerat Moſes, & quo Chriſtus idem dixit, fuit permagna differentia. Moſes enim dixit ac teſtatus eſt, ut *Ἐπαγγέλιον, ſervulus in domo Dei*; Chriſtus eadem *incipit loqui, ut filius,*

86 *Hermeneutica sacra pars posterior.*

Heb. 1: 1. & ut *Dominus* in domo. Ibid. cap. 2: 3. Non enim potuit dicere Moyses, *Venite ad me, qui defatigati estis, & ego requiem dabo vobis*, quanquam potuerit dicere, ut testis, & famulus, fore aliquando tempus, quo Dominus hæc aut similiaverba esset locuturus. Hinc Christus passim provocat ad testimonium Moysis & Prophetarum, iisque doctrinam suam confirmat. Vid. Joh. cap. 5: 39. 46. 47. Luc. 16: 29. 31. & profitetur, se non aliam doctrinam asserre, quam eam, quam doctus esset à Patre, loquente nim. in Scripturis. Ita enim est Joh 8: 28. *Sicuti docuit me Pater, hæc loquor.* s. doceo. & Johan. 7: 16. *Doctrina mea non est mea, sed ejus, qui misit me.* q. d. non est nova, aut à me primum excogitata, sed maxime antiqua, & jam olim in Scripturis tradita per illum, qui misit me. Subjicit enim: *Si quis voluerit, quod ille vult facere, cognoscet de doctrina, an ex Deo sit, an vero ego à me ipso loquar.* Ergo omnibus integrum erat cognoscere de doctrina Christi, an ex Deo esset. Quomodo autem, nisi per collationem ejus cum Scripturis Prophetis, quæ solæ tum temporis pro verbo Dei habebantur. Conf. Joh. 5: 37. 38. Quo respicientes Judæi, docente Christo, mirabantur, *quomodo is literas (sacras) novisset, cum eas non didicisset?* Joh. 7: 14. 15. Ut sint revera ac dubuerint esse sermones Christi veræ *δemonστρεῖς* sive *demonstrationes*, non meræ *ἐπεφαιέναι*, definitiones; & habuerint *φανέρωσιν πρὸς πάντας ὡς εἶδεν*, manifestationem ad omnem conscientiam, 2. Cor. 4: 2. & sic fuerint potentes ac validæ

validæ ad convellendum omnem rationationem.

§. XIII. Si aliter est, ne quidem *Prophecia* erit *Prophetia* & prænuntiatio, neque promissio erit promissio, sed sermo obscurus, nihil docens, nihil demonstrans & Christi atque Apostolorum doctrina carebit testimonio. imo *Evangelium* non erit *Evangelium*: Cum enim *Evangelium* nihil aliud sit, quam annuntiatio eorum, quæ promissa, prædicta, sperata, expectataque olim fuerunt, huic Evangelicæ annuntiationi sive narrationi credere non est nisi illius, qui ea, quæ prædicantur, cum iis quæ prænuntiata sunt, contulerit, & horum cum illis convenientiam habuerit exploratam.

§. XIV. Eadem autem, quæ sermonum Christi, tum operum quoque tum passionum illius est ratio. Ex Scripturis enim prophetis debuit cognosci, quod in iis, quæ Christus faceret, peccatum non esset, & quod opera per ipsum facta essent opera Divinæ potentiae, non ad tentandum Israel, sed ad demonstrandum Servatorem comparata. Hinc Christus ex operibus suis miraculosis & beneficiis, quibus ad minimum se parem Moysi demonstrabat, collatis cum iis, quæ Moyses & Prophetæ de his testati erant, vult existimari & colligi, se esse Christum. Matth. 11. 4. 5. Jh 5: 35. Et passionem quod attinet, in ipsa historia ultimæ passionis Christi, ipsius verbis excitamur, ut recogitemus, an non passio Christi secundum omnes partes ita contigerit, quemadmodum ante descripta est. Vid. Matth. 26. 54. & 56. Conf. Act. 17: 2. 3. 26: 22. 23.

§. XV. Insigniter huc facit locus Matth. 5: 17 ubi dicit Christus *se venisse ad Prophetas implendum*. Ex quo intelligimus, promissiones & prophetias ad Regnum Christi pertinere; & Christum ex prophetiis debuisse cognosci, atque adeo fundamentum eorum; quæ Christus & Apostoli dixerunt, & quæ Christus fecit & passus est, imo etiam quæ de futuris prædicere, in veteribus prophetiis contineri, & nos docere, ut hoc ipsum demonstramus, si verè volumus Christum ut *πληρωτὴν τῶ νόμου καὶ τῶν προφητῶν* celebrare. Conf. Matth. 11: 13.

§. XVI. 3. Necessitas studii Prophetici ostenditur ab eo, quod Christus Judæos sui temporis damnet, ut stupidos, socordes, & sermonem Dei non habentes in se, quod ipsi non crederent, quem Deus miserat, neque signa temporum probarent atque animadverterent, Matth. 16: 2. 3. Luc. 12: 56. Idque facit Christus per eundem Spiritum, qui jam ante per Esaiam hanc socordiam atque ignorantiam Scripturæ Propheticae in visione ipsis exprobrarat, Es. 22: 11. *Et respicis illo die ad armamentarium domus sylve, &c. ad arma, munimenta & arces respicitis . . . At non respicitis ad eum qui hoc facit, & eum, qui id formavit à longinquo, non videtis.* Ad Deum nempe qui hæc per Prophetas fuerat prælocutus. Nam & Moses debebat fieri iudex incredulorum, & nominatim Canticum ipsius debebat fieri testis in ore ipsorum contra ipsos, Deut. 31: 19. item Es. 45: 11. *Ventura interrogaverunt me de filiis meis, Patres vestri, Prophetæ, Sancti*
serva-

scrutati sunt verbum meum, ut ex eo discerent, quales filios habiturus essem, & de operibus manuum mearum praecepta datis mihi. Vos scilicet qui non vultis Deum vestrum interrogare, & ad ea, quae Patribus respondi, non attenditis, me judicatis & damnatis, quod quæram perditas oves Israelis. Item Es. 48:14. 15 Congregamini omnes vos, oves meae, vocati mei, & audite: Quis ex illis immorigeris Judæis indicavit hæc? nempe quod is, quem Jehovah diligit, Filius Dei, Angelus Testamenti, faciat voluptatem ejus in Babylone, excindendo illos per Persas, & quod brachium ejus sint Chaldaei. Significat, sedentes, in cathedra Moïsis, & opinione infallibilitatis turgidos, se & opera sua antiqua ignorasse, & non indicasse, ne ex Prophetiis quidem. Add. Joh. 5: 45, 46.

§. XVII. 4. Quod magno constiterit Judæis hæc socordia, quia per illam factum est, ut non crederent, & opus Dei etiam videntes non viderent. Es. 6: 9. Act. 28: 26 & sic indurarentur, & in stupentes atque induratos severitas destillaret. Dan. 9: 27.

§. 18, 5. Quod Prophetia cum rebus gestis comparata cedat ad amplificationem gloriæ Dei, ut per totum orbem cognoscatur, præter Deum Israelis; nullum esse amplius Deum. Ita enim est apud Esaiam cap. 45. Sic dicit Jehovah unctio suo Cyro: ô tu, quem apprehendi dextra sua, ad subigendum coram ipso gentes, &c. v. 1. Ut cognoscat, quod ego sim Jehovah, Deus Israelis. vers. 3. Ego Jehovah & non est alius, præter me non est Deus: Cinge te, & non nosti me. vers. 5. Ut cognoscant, ab ortu Solis & occasu
M
ejus;

ejus, quod non sit prater me; Ego Jehovah, & non sit amplius. v. 6.

§ XIX. 6. Quod Prophetia insigni præbeat argumentum probandi Divinam Dei majestatem ac præcellentiam adversus Deos gentium in sculptilibus adoratos, utpote quâ Deus ipse adversus eos se efferat & gloriatur. Esai 42: 8. 9. *Ego sum Jehovah, hoc est nomen meum: & gloriam meam alteri non dabo, & gloriationem meam sculptilibus. Prima ecce venerunt: & nova ego indico; antequam pullulent, facio vos audire.*

§ XX. 7. Quod ex operibus Divinæ potentiae collatis cum prædictionibus demonstrari debuerit Judæis Christum denuo per os hæreticorum impugnantibus, quod Christus sit verus & æternus Deus. Id enim futurum hoc argumento Deus ipse his significavit apud Esaiam: *Silete ad me, Insule, & nationes renovabunt vires... Quis excitavit ab Oriente eum, cuius iustitia occurrebat ad pedem ejus? Dabat eorum ipso gentes, & reges subigebat? &c. Qui militatus est & fecit? q. d. Quæ putatis esse, & ποταμός censetis, qui ista non tantum deliberavit, sed & fecit, nec tantum fecit, sed & deliberavit? Supponit enim, eum, qui hæc fecit, eundem etiam ea antea decrevisse: atque adeo ante promississe. Respondet ipse tanquam formans conclusionem: *Vocans aetates ab initio; Ego Jehovah primus, & cum postremis idem sum. Es. 41: 1. 2. 4.**

§ XXI. 8. Quia arrogantia Papæ vicariatuum Christi in Ecclesia, & Episcoporum Spiritum Sanctum & infallibilitatem sibi adscri-

scen.

ſcientium & jaſtantium, non poteſt efficacius contundi, quam ex eo, quod neque poſſint futura prædicere, nec prophetias explicare. Quare etiam Deus hac ratione ſapius uti non dubitavit. Primo Ef. 19: 11. 12. *Quoniam dicitis ad Pharaonem, regem ſpiritualis Ægypti: Ego ſum filius ſapientum, ô fili regum priſcorum. Ubi nam illi, ubi ſunt ſapientes tui? & indicent, age, tibi, & cognoscant, quid conſuluerit Jehovah Deus exercituum ſuper Ægypto: Ignorant ſcil. quæ ſit Ægyptus in verbo Dei deſcripta, & neſciunt, quæ Deus ſuper ea conſuluerit, quæ partim facta erant, partim in futurum decreta. Ergo Epifcopi non ſunt filii & ſucceſſores ſapientum, Apoſtolorum & Prophetarum, & falſo vocatur Papa Rex Eccleſiæ, ſucceſſor Davidis & Salomonis, imo Chriſti vicarius. Item Ef. 41: 22. 23. *Adducant & indicent nobis ea, quæ eventura ſunt: priora quæ ſunt illa? indicate, & advertemus animum, & cognoscemus exitum illarum; aut ea, quæ veniunt, facite nos audire. Indicate, quæ veniunt peſſimodum, & cognoscemus, quod vos ſitis Dei, h. e. vicarii Chriſti, neceſſarii interpretes verbi Dei, & Prophetæ loquentes in Spiritu Sancto quales ſolent ἀγγελοι θωαί. Nempe ſi ſunt Chriſti vicarii, & Spiritus Sanctus in ipſorum pectore ſedet, debent poſſe explicare Prophetias, & oſtendere priora & poſteriora. Quum ergo id non poſſint, quis credet, eis eſſe revelatam veritatem non ſcriptam, vel ſenſum Scripturæ, quem ſine demonstratione dicent. Et verſ. 25: 26. Ibid. *Excitavi ab Aquilone & venit... Quis iudicavit ab initio ut cognosceremus, & antea,***

92. *Hermeneutica sacra pars posterior.*

ut dicamus justus? simul non est qui indicet, simul non est qui faciat audiri, simul non est qui audiat dicta vestra. Huc pertinet Es. 43: 9. ubi tam *gentes congregata*, h. e. Ecclesia gentium, quam *nationes*, h. e. tribus Israeliticæ Christum abnegantes. quæ similiter ac illæ, volunt habere regnum terrestræ, & regem adspectabilem, qui populum Dei contineat in officio, sistuntur fidelibus judicandæ, hac potissimum ratione: *Quis in illis indicabit hoc? & priora faciant nos audire.* Ad probandum scil. quod non detur alius rex in Ecclesia, qui vicem Dei gerat, sumitur argumentum ab ignoratione Prophetiæ, quod non possint indicare, vel quod Deus facturum erat, vel ipsa, quæ facta erant, ostendere ita debuisse fieri secundum verbum Dei. *Dent testes suos, Moysen & Prophetas*, quod de ipsis testati sint, ut veris regibus & Prophetis, *& justi sint, & audiant* potius, quid dicat Deus in verbo suo, *& verum dicant.* Sic Es. 44: 6. 7. Deus rejicit omnem auctoritatem, quæ Divinæ associatur, eo quod nemo, ut ipse, vocet populum. Quod probat, quia nemo est qui possit indicare s. ordine exponere, nedum sistere, illa omnia, quæ Deus format, imprimis quomodo ponat Deus populum æternum; & quia nemo potest indicare futura, & quæ imminet. *Sic ait Jehovah rex Israelis & vindex ejus, Jehovah Deus exercituum: ego primus & ego postremus, & præter me non est Deus. Et quis ut ego vocat? & indicaret illud, & sisteret illud mihi, ex quo pono populum sæculi: & futura, & quæ veniunt, indicaret tibi.*

§. XXII. 9. Quia adversus defectores facientes

entes sibi imagines est ostendendum, nihil esse, cui Deus assimilari possit, estque id faciendum inter alia à prædictione rerum futurarum, & præformatione omnium, quæ à principio ad finem fient; in quo Deus parem aut similem non habet. *Cui assimilabitis me & facietis æqualem: & comparabitis me & similes erimus? . . . Qui indico à principio extremum, & antea, quæ non sunt facta: qui dico, consilium meum stabit, & omnem voluptatem meam faciam. Qui voco ab Oriente volucres; à longinquo virum consilii mei; etiam locutus sum, & adducam illud; formavi, etiam faciam illud.*

§. XXIII. 10. Quia ex Prophetiis potest demonstrari Divinitas operis Reformationis, & sic veritas Religionis Reformatæ. Nam promittit Deus apud Esaïam, cap. 41:20. se hoc opus tam evidenter operaturum esse, ut facile omnes collatis vaticiniis possint intelligere, id opus suum esse, tanquam regis & vindicis Ecclesiæ: *Videant, inquit, & cognoscant, & advertant, & considerent una, quod manus Jehovæ fecerit hoc; & Sanctus Israelis creaverit istud.* Esse enim ibi sermonem de Reformatione Ecclesiæ, patet ex ipso v. 17. 18. 19.

§. XXIV. 11. Quia Antichristus suo tempore ex Prophetiis debuit agnosci: Ita Esaïas cap. 14: 16 17. dicit, Antichristum post casum suum fore spectaculo plurimis, qui ipsum consideraturi & contemplaturi sint diligentissime. *Videntes te, tibi intendunt, considerabunt te. An hic est vir ille, qui commovebat terram & regna? Qui ponebat frugiferam ut desertum, &c.* Hæc compleri non possunt nisi per scrutationem &

examinationem omnium, quæ de Antichristo ante dicta sunt, & historiæ illis convenientis. Item Ezech. 38:17. introducitur Deus ipse corripiciens Antichristum quasi in flagranti crimine, ex quo non possit diutius ignorari, deprehensum, cum admiratione, quod talis, à quo omnia alia fuissent expectanda, ausus sit implere omnia, quæ Deus olim per Prophetas suos de Antichristo prædixerat. *Au tu is es, de quo locutus sum per servos meos prophetas Israelis, qui vaticinabantur in diebus illis, annis, de adducendo te super ipsos,*

§. XXV. 12. Quia per claram intelligentiam atque explicationem Prophetiarum oportet confutari & explodi Antichristum; cui Deus tempus indulsit, quo tempore quamvis capter illorum præfagia, qui Scripturas Propheticas detorquent, & his se consoletur, tamen possit ad satietatem interrogari ex Scripturis, & nihil respondens exhibitari. Ita enim Esaias: *Et videbam, & non erat vir; & de his, & non erat consilium dans: & interrogabam illos, qui referrent verbum.* Es. 41: 28. *Defatigata es in multitudine consiliorum tuorum, consistent, age, & salvent te Astrologi, aspicientes stellas, notificantes in menses quicquam, de iis, quæ evincent.* Es. cap. 47: vers. 13.

§. XXVI. 13. Quia omnia, quæ prædicta, certo habitura erant suum eventum. Nam *Tempus faciendi, s. peragendi, quæ acturum se ante per Prophetas suos locutus est, quæque aliquot jam partibus fecerat, est Jehova.* Psalm. 119: 126. *Hoc est consilium initum super tota terra, & hæc est manus extensa in omnes gentes.*
Nam

Nam Jehovah Deus exercituum consuluit, & quis irritum faciet & manus ipsius quæ porrecta est, & quis eam retroaget? Esai. 14: 26. 27. Qui dico, consilium meum stabit, & omnem voluptatem meam faciam. Esai. 46: 10. Non avertetur feror iræ Jehovæ, quod fecerit, & quoad exstare feceris decreta cordis sui. Jerem. 30: 24. Imo jam inde à captivitate Babylonica acceleranda erat impletio omnium Prophetiarum. Fili hominis, quid sibi vult proverbium hoc vobis in terra Israel, nimirum: Prolongabuntur dies, & peribit omnis visio? Quapropter dic ad ipsos: Sic dixit Dominus Jehovah: Abolevi differium hoc, & non utentur eo amplius in Israele, sed (loquere ad ipsos) prope absunt dies, & verbum omnis visionis. Nam non existet amplius ulla visio temeraria & divinatio blanda in medio domus Israel. Nam ego Jehovah loquar, qualecunque verbum loquar, & fiet; non protrahetur amplius; sed in diebus vestris, domus inobedientiæ, loquar verbum & faciam illud: ait Dominus Jehovah. Et factum est verbum Jehovæ ad me, dicendo: Fili hominis; Ecce domus Israel dicunt: Visio, quam ille videt, est in dies multos, & in tempora longa ipse prophetat. Quapropter dic ad ipsos: Sic dixit Dominus Jehovah: Non protrahetur amplius tempus omnium verborum meorum; qualecunque verbum loquar, etiam fiet: ait Dominus Jehovah. Ezech. 12: 22... 28. Ut qualia illa sint, quæ prædicta, exstantibus implementis, jam facile possit indagari.

§. XXVII. 14. Quia fideles erant agniture, Deum obsignasse prædictiones suas per implementa. Domine Deus mi, & tu, exaltabo te, confite-

confitebor nomen tuum; quia fecisti mirum, consilia à longinquo fidem & veritatem. subint. fecisti. Esai. 25: 1.

§. XXVIII. 15. Quia fieri non potest, quin indicibilem inde lætitiā percipiant, quod Dei oracula rebus ipsis impleta videant. Nam *lætificasti me, ô Jehovah, molitione tua; in operibus manuum tuarum júbilo. Psal. 92: vers. 5.*

§. XXIX. 16. Quia per Prophetias tempore angustiarum in spem eriguntur, & consolationem accipiunt Scripturam. *In die angustiarum . . . Recordabor opera Dei, (Jab) quum recordabor ab initio mirabile tuum. Et meditatus sum in omni molimine tuo, & in facinoribus tuis multus fui. Psal. 77: 3. 12. 13. Recordatus sum judiciorum tuorum ab antiquo, Jehovah, & solatus me sum. Ps. 119. vers. 52. Quare dicis, Jacob, & loqueris, Israel; occultata est via mea à Domino; & à Deo meo judicium meum transit. An non cognovisti, an non audivisti? Deus sæculi est Jehovah, creator finium terræ, non defatigabitur, & non fatigabitur: non est perscrutatio intelligentiæ ipsius. Esai. 40: 27. 28. Ne memineritis priorum, quasi Deus nihil majus sit effecturus, & antiqua ne consideretis. Ecce ego facio rem novam, nunc progerminat; an non cognoscitis illud? etiam novam in deserto viam, in solitudine fluvios. &c. Promissione futurorum bonorum in Ecclesia excitat spem, qua confirmentur fideles in tribulationibus, angustis, terroribus; ut se comparent ad occurrendum illi spei, ad illam quodammodo accelerandam. quemadmodum etiam Christus Luc. 21: 28. jubet attollere capita, &c. Esai. 43: 18. 19. Ne expavescati: & ne respiciatis.*

Annorè

Annon pridem feci te audire & indicavi ? nam Christus dixit, ὁρᾶτε μὴ πλανᾶσθε, μὴ θροεῖσθε. Matth. 24: 6. Esai. 44: 18. Quod illustratur perplexitate eorum, qui non attendunt ad Scripturas propheticas, & defectu solatii tempore angustiarum. Quorum est dicere, *Signa nostra non videmus*, quibus Deus solet insignem reddere populum suum, inprimis potentem hostium compressionem & Ecclesiarum liberationem. *Non est amplius propheta; neque est nobiscum, qui sciat, quousque.* Nemo est, qui articulos temporum horum visitationis suae dignoscat. In prophetica scriptura, in iudicio de rebus, quae per providentiam Dei geruntur, talpa sunt. Psalm. 74: vers. 9.

§. XXX. 17. Quia per prophetias & agnita implementa discunt homines timere Deum Ps. 64: 10. 65: 9. hinc ipsi Tyranni, objectis prophetiis, in quibus consilia atque opera ipsorum sunt descripta, possunt redargui, si non plane à furore & malo proposito revocari. *Annon audivisti, quod à longinquo feci illud, à diebus antiquis formavi illud? nunc adduxi illud, ut sis ad conturbandum acervos ruderum urbes munitas?* Esai. 37: 26.

§. XXXI. 18. Quia occasione iudiciorum ante descriptorum, postquam rebus ipsis exstare recognoscuntur, carmen est novum Deo canendum. *Deus, Canticum novum cantabo tibi, cum nablio decachordo psallam tibi. Qui dedisti salvationem regibus, qui liberaisti Davidem servum tuum à gladio malo.* Ps. 144: 9. 10.

§. XXXII. 29. Quia per demonstrationem

N

Scri-

Scripturarum propheticarum spes est fore, ut, agnita veritate Evangelii, illuminentur oculi cæcorum, inprimis Judæorum, ut convertantur. Nam per circumcisionem cordis promissam efficiendum erat, ut Israelitæ convertentes se ad Deum illum amarent, & facerent ea, quæ scripta erant in libro legis Moſis. Deut. 30: vers. 6. 8. Exod. 34: 27. & jussit Deus Jeremiæ scribi verba sua, ut nim. postremo tempore recognoscerentur vera, atque inservirent restituendis jacturis Israelitarum & Judæorum per conversionem eorum ad Deum. *Scribi tibi omnia verba, quæ locutus sum ad te in libro. Nam ecce dies veniunt, ait Jehovah, & restituiam jacturas populi mei Israel & Juda, dixit Jehovah. Jerem. 30: 2. 3. Scribatur hoc ad ætatem posteriorem, & populus, qui creatas fuerit, celebrabit Dominum. Psalm. 102: 19.* Hinc Judæi ultimi temporis se convertentes ad Deum profitentur attentionem ad verbum Dei. *Auscultabo, quod loquitur Deus ille omnipotens Jehovah.. Nam loquitur pacem ad populum suum, &c. Ps. 85: 9.*

§. XXXIII. Hoc certe nobis animadvertendum est tanquam argumentum magnum divinitatis Evangelii, quod omnia fiunt, quemadmodum in eo prædicta sunt; & omnium prophetarum, etiam eorum, qui Evangelio abutuntur, dicta evanescunt. Ita & Pharisæorum prophetiæ, si quæ in Talmud existant, atque ante Talmud fuerunt, ventilatæ, in irritum ceciderunt. Christi verbum stetit, & nunc non nisi qui verè Christum ex Evangelio cognoverunt, possunt secundum Evangelium futura prædicere. Synedrium Judæorum quod dam-

navit

navit Christum, putavit se hoc facto Christi regnum impediturum, & statum rerum præsentem conservaturum; atqui res aliter cecidit. Insigne opus Sapientiæ humanæ fuit collocatio thronorum in Ecclesia cum traditione potestatis judicandi, quanta in illo consilio fuerit stultitia, eventus docuit. Ita verum reperitur, quod est apud Esaiam: *Qui irrita facio signa mendaciloquorum, & divinos infatus: qui sapientes retroago, & scientiam ipsorum aut sententiam insanire facio. Qui facio extare sermonem servi mei Moïsi, & consilium Angelorum meorum Prophetarum & Apostolorum impleo.* Es. 44: 15. 26.

§. XXXIV. 20. Quia ex contemplatione operum Dei & collatione cum Prophetiis possumus scire, appropinquare adventum Domini, ut ad illum expectandum digne excipiendum præparemur, & ad officium faciendum incendamur. *Viderunt incessus tuos, ô Deus, incessus Dei mei, Regis mei, in sanctuario. Occurrunt tibi venienti cantores post fidicines, inter puellas tympanistras.* Pl. 68: 25. 26. *A Ficu autem discite parabolam. Quando jam ramus ejus fit tener, & folia germinant, nostis prope esse æstatem. Ita & vos, quum videtis hæc omnia, scitote illam prope esse ad fores.* Matth. 24: 32. 33. *Quum ista (dicta vers. 25. 26.) incipient fieri, efferte capita vestra: quia appropinquat liberatio vestra.* Luc. 21: 28. de qua vers. 27. *Quare succinctis lumbis vestris, sobrii, perfecti sperate ad gratiam, qua vobis offertur in revelatione Jesu Christi.* 1. Pet. 1: 13. *Quum igitur hæc omnia solvantur quales oportet nos esse in sanctis conversationibus & exercitiis pietatis, Expectantes & accelerantes præsentiam dñi Domini.* 2. Pet. 3: 12. §. XXXV.

§. XXXV. 21. Quia sic faciendo officium nostrum tempora recreationis acceleramus. *Resipiscite igitur, & convertimini, ut deleantur peccata vestra, ut adveniant tempora refrigerii à conspectu Domini. Act. 3: 19. Add. 2. Pet. 3: 12.*

§. XXXVI. 22. A periculo nobis imminente, si similiter, ut olim Judæi, ex neglectu atque ignorantia Prophetiarum officii nostri obliviscamur. Si enim Judæi, apud quos cœperunt impleri verba Dei in tantam iram inciderunt per socordiam, quid fiet de nobis, si etiam post 1600. annos non magis probemus tempora, quam Judæi, & nesciamus Evangelii veritatem ex Scripturis prophetis comprobare, & Christum regem, & regnum ipsius ejusque administrationem demonstrare, & ignorantes Divinum consilium & tempus visitationis nostræ, si mus prudentes & securi apud nosmetipsos, & pueri non centum, ut est Esai 65: 20. sed tantum non bis mille annorum esse velimus. Metuendum est scil., ne id eveniat nobis, quod servo illi malo minatur Evangelium. Matth. 24. Qui quum cogitaret, dilatam esse diem Domini, quod necesse est eos omnes cogitare, qui involunt videre quando implementa prædictionum Christi jam existent, atque ideo ea faciunt, quæ de malo isto servo prædicta sunt, putantes hoc ad se non pertinere, quia tempus istius mali servi, id est Antichristi, nondum appulerit, vers. 48. 49. venit Dominus ejus celeriter & inopinato, ut cum *διχοτομήσῃ* id est excindat & separet à cœtu iustorum. vers. 50.

§. XXXVII. 23. Quia Deus summopere id commendat ac præcipit, ut ad Scripturas propheticas

pheticas & implementa attendamus. *Nam sic ait ad me Dominus: I, constitue speculatorem, quod viderit, indicet.* Es. 21: 6. *Quarite à libro Domini & legite, una ex illis non deest, una alteram non desiderat.* Ostendit, fore aliquando, ut omnes homines supplicium Judæorum legant in Scripturis. Es. 34: 16. *Annon cognovisti & vidisti? annon audivisti?* quid in verbo dictum sit, & quid famâ rerum gestarum celebre sit. Es. 40: 28. *Videant & cognoscant, & advertant & considerent unâ, quod manus Jehovæ fecerit hoc, & Sanctus Israelis creaverit istud.* Es. 41: 20. Et grave est Pauli monitum: *προφητείας μὴ ἐξ- δευῆτε* 1. Thess. 5: 20.

§. XXXVIII. 24. Quia prædictum est, singulari modo id futurum, inprimis postquam cœperit judicium Antichristi, cum promissione uberioris intelligentiæ. *Manè omni die, præsertim quum vel minimum signum favoris tui in Ecclesiam animadverto, dispono me tibi, & Speculor.* quando tandem futurum sit, ut destruas eos, qui destruunt terram, & ipse Regnum occupes in omni terrâ, Psal 5:4. *Agnitus est Jehovah, doctrina Evangelica tenebris Antichristiani regni involuta illustrata est; fecit judicium, prolatis sacris literis, excitatis testibus veritatis, coarguit, convicit, damnavit improbos; Improbus ὁ ἀννομος, Antichristus, in molitione manuum suarum illaqueatus est, notoria res est acta avorum nostrorum memoriâ, maximè in Belgio: Meditatio sive studium est Verbi scil. Divini, & rerum sacrarum, omnisque sacrae eruditionis, nominatim & Prophetiarum.* Psal. 9: 17. Cujus Psalmi ea evidentia

est, ut Anglus interpres Henricus Ainsworthus, licet partes historiæ partibus Psalmi non accommodaret, tamen diceret sibi videri, ut Psalm. 8. Propagationem regni Christi, ita Psalm. 9. destructionem Antichristi describi. *Ue audivimus, ita vidimus in urbe Jehovæ Dei exercituum: in urbe Dei nostri. Deus stabilis illam in sæculum. Selab.* Conficiunt sancti ex iis, quæ ipsi suis oculis viderint, & testimonio majorum suorum, qui similia viderant, quòd Deus omni tempore Ecclesiam conservet. Vult igitur animadverti Deus, quomodo mundum gubernet, quomodo Ecclesiam regat & defendat; sine quâ animadversione hic locus non potest dignè explicari: *Comparavimus, ô Deus, gratiam tuam quantum possumus, omni diligentia expendimus, enarravimus, exposuimus, quid donaveris nobis in Christo, in medio templi tui.* Introgressi in sanctuarium tuum, ubi tuæ voluntatis index extat, nim. libri Moïsi & Prophetarum. Psalm. 48: 9. 10. *Et timent omnes homines, & indicant opus Dei, id quod Deus movetur, & opus ejus considerant.* Opus nim. perfectum, s. effectum. Psalm. 64: 10. *Viderunt incessus tuos, ô Deus, incessus Dei mei, Regis mei, in sanctuario.* te nimirum processisse ex loco sancto tuo ad asserendum populum tuum ad liberandū ipsum, ad judicandum hostes ejus, Psalm. 68: 25. *Recordabar cantum meum de nocte: cum corde meo meditabar, & scrutabatur spiritus meus.* Hoc faciunt ii, qui in angustia constituti intelligunt, quoties Deus Ecclesiæ suæ subvenerit, & quam ingentibus bonis illam locupletaverit: Psalm. 77: 7. *Qui: consuluit hoc super Tyro corona-*
trica,

*trices, . . . Jehovah Deus exercituum consuluit illud, ad profanandum celsitudinem omnis decoris, &c. Hic locus ostendit, futuros aliquos, qui cogitent, quid Deus, quando Papam, Cardinales & omnem Curiam Romanam tradidit in manum Caroli Borbonii & exercitus ejus, eo ipso voluerit demonstrare. Es. 23: 8. 9. Domine Deus mi, & tu, exaltabo te, confitebor nomen tuum: quia fecisti mirum, consilia à longinquo, fidem & veritatem. Es. 25: 1. Si dixit Dominus Deus: An tu is es, de quo locutus sum diebus prius per servos meos prophetas Israelis; qui vaticinabantur in diebus illis, annis, de adducendo te super ipsos. Ezech. 38: 17. Judicium consedit, sancti collocati sunt in thronis ad judicandum cum Christo, & libri aperti sunt. Demonstratio est facta ex Scripturis. Dan. 7: 10. Apoc. 20: 12. Tu autem, Daniel, absconde verba illa, & obfigna librum & visionem hanc usque ad tempus finis, quo scrutabuntur multi, & major fiet cognitio. Dan. 12: 4. Et loquar contra Prophetas; & ego visionem multiplicavi: & per manum prophetarum assimilabo. Excitabo in Ecclesia, qui revo-cent experimenta & historias ad prædictiones, & ad institutionem Dei, & hæc comparent inter se, & sic pseudoprophetæ confundantur. Hos. 12: 11. Et quum aperuit sigillum septimum, adeoque ultimum, libri prophetici de rebus septem temporibus sub N. T. agendis, vidi Angelum descendentem de cælo, . . . & habebat in manu sua libellum apertum, in quo mysterium Dei esset evidens, ut palam factum in plerisque operibus, saltem hætenus, ut intelligi posset ab omnibus, instare tubam septimam, & tub illa
omnia*

omnia esse complenda. Apoc. 8:1. & 10: 1. 2.

§. XXXIX. 26. Quia in hoc studio habemus exempla sanctorum, ipsorum adeo prophetarum, quæ nos oportet ob oculos habere, eo-que magis, quod major hodie lux ab implementis, quodque ea quæ prædixerunt, non sibi, sed nobis ministrarunt. Sic Ecclesia Veteris Test. in expectatione Christi proficitur desiderium suum conceptum ex meditatione antiqui temporis, & molitionis Dei: *Recordatus sum dierum ab antiquo, meditatus sum de omni molitione tua, de opere manuum tuarum sermoinatus sum. Expandi manus meas ad te. Anima mea est ut terra siticulosa ad te. Selab. Psal. 143: 5. 6. Quod exemplum imitatur Ecclesia N. T. Exspectavi, inquit, Jehovah, exspectavit anima mea, & ad verbum ejus præstolatus sum. Anima mea est ad Jehovah, præ excubitoribus matutinis observantibus matutinum. Psal. 130: 5. 6. Sic clamavit Leo, speculator constitutus à Propheta, quales erant Judæi expectantes & parturientes in capt. Bab. In specula, Domine, ego sto semper interdum, & in observatione mea, sive statione mea, ego sto omnibus notis. Es. 21: 8. Qui ventura interrogaverunt me de filiis meis. Patres vestri, Prophetæ, sancti scrutati sunt verbum meum, ut ex eo discerent, quæ eventura erant. Es. 45: 11. In statione mea stabam, & persistebam in propugnaculo, in fœdere Dei & promissione, cum firmamento expectationis; & speculabar, ad videndum, quid locuturus esset ad me, & quid reportaturus essem pro argutione mea. Quæ verba possunt intelligi de studio in Scriptura per-*
scri-

scrutanda, & conveniunt piis in Capt. Bab. expectantibus & anhelantibus ad audiendum verbum Dei de exitu illius calamitatis. Hab. 2: 1. Sic Daniel cap. 9: 2. narrat, se considerasse in Scripturis Jeremiæ, de annis & exitu captivitatis. Et S. Petrus 1. Pet. 1: 10. 11. 12. De qua, inquit, salute inquisiverunt & scrutati sunt prophetae, qui de gratia, quæ vobis contingit, vaticinati sunt. Scrutantes, in quod & quale tempus (h. e. in quantam temporis distantiam, & in quas circumstantias) significaret Spiritus Christi, qui in ipsis erat, ante testificans passionem Christo eventuram, & glorias secuturam: Quibus revelatum est, quod non sibi, sed nobis, ministrarent illa, quæ nunc vobis annunciata sunt per eos, qui vobis Evangelium prædicarunt in Spiritu Sancto, misso de cælo, in quæ cupiunt Angeli introspicere.

§. XL. 26. Quia hæc est indoles five forma Scribæ, h. e. Tractatoris sacrarum literarum five Theologi eruditi in regno cælorum, quod instar boni patrisfamilias ex penoribus suis possit proferre & vetera & nova. Matth. 13: 52. Sicut enim paterfamilias in cellis suis habet vinum, frumentum, fructus, anni & prioris & præsentis: Ita Theologus, qui discipulus Christi est in regno cælorum, novit, quæ novèrunt Patriarchæ & Prophetæ, & qui fuerunt antegressis sæculis; & in mysteriis regni, quæ per Prophetias Ecclesiæ indicantur, quotidie proficit, ut veritatem Evangelii pluribus indies argumentis confirmet, plenius explicet, tempus visitationis indicet, consolationem Scripturarum suppeditet, ad imminetia præparet,

O

Deum

Deum in factis suis ut veracem laudet, denique posteriores fructus abundantiores prioribus præbeat.

§. XLI. 27. Quia qui prohibent vel impediunt scrutationem Prophetarum, sunt hostes & persecutores veritatis. *Qui dixerunt videntibus, nolite videre*, h. e. qui prohibent scrutationem & intelligentiam Prophetiæ, & reliquæ Scripturæ. Nam sub N. T. omnes attendunt ad verbum Dei, illudque intelligunt, & credunt, prophetant & vident visiones Esai. 30: 10. Conf. Joel. 3: 1.

§ XLII. 28. Quia iidem se avertentes à scrutatione Prophetiæ manent stupidi, & non intelligentes, ut pereant. *Vir brutus non novit, & stultus non animadvertit hoc; Quum virens improbi instar herba, & florent omnes operantes vanitatem: ut profligentur in sæculum.* Ps. 92: 7. 8. *Et testes illorum sculptilium*, h. e. qui sua auctoritate cultum imaginum defendunt, *non vident & non cognoscunt, ut pudefiant.* & nomen quod habent in Ecclesia doctorum veritatis, prophetarum, iudicum, tueri non possint. Es. 44: 9. *Congregamini & venite, accedite una effugientes gentium: non sciunt vel cognoscunt, qui portant signum sculptilis sui.* &c. Es. 45: 20.

§. XLIII. Atque hæc quidem de necessitate studii Prophetici, & quibus argumentis ipse Auctor Scripturæ Spiritus id studium præcipiat aut commendet, sat dicta sunt. Ut autem hunc veluti cursum meditationis Propheticæ recte instituamus, & ne in itinere in scopulos incidamus, ad eosque adhærescamus, constituendæ sunt nobis, tanquam phari in littore,

qua-

quædam regulæ, quas, meditantes *ὑποφωτισίαν*, semper ob oculos habeamus, ut in bona conscientia meditatione illa fungamur.

§. XLIV. Quod si Deo T. O. M. placuisset nobiscum coram agere quemadmodum olim cum Mose facie ad faciem locutus est; vel si in medio nostri versaretur, quemadmodum in populo Israelitico versatus est, in quo habebat locum delectum, ubi poterat adiri, ac devolunte sua consuli; vel denique si Christus aut Apostoli adhuc supperessent in terris, qui in rebus creperis ac dubiis facem illam, qua totum orbem illuminarunt, nobis prælucere; Nemo est, qui non facili negotio se ad sensus Scripturæ etiam obscurissimos pervenire posse putaret. Enim vero ita comparatum est, ut nec præsentem Deum oculis conspiciamus; nec locus aliquis sit nobis nominatus aut commendatus, ubi quæri vel adorari velit; (quantum sint, qui Romam ut totius oraculum orbis venerentur, & Spiritus Sancti dictata inde petenda atque expectanda jubeant) neque Christi aut Apostolorum ipsius familiari convivio aut commercio nunc utamur. Necesse igitur est, ut S. Scripturæ discipulus ad ea, quæ in promptu sunt, & diligentia atque attentione expediri possunt, adminicula confugiat, quibus adjutus mentem divinorum eloquiorum expiscari, deque ea tandem certus esse queat. Quum enim S. literis hæcenus esse claras & perspicuas fateamur, ut si quis remotis præjudiciis legitima adhibere interpretationis instrumenta postulet sese, et veram & genuinam earum sententiam spondere audeamus;

& illud concedamus oportet, nihil in iis adeo absconditum & retrusum dari, quod mentis attentæ diligentiam ac sagacitatem effugiat. Neque alio fine auctor S. literarum hoc sacratissimum depositum, ejusque lectionem & scrutationem Ecclesiæ commendavit, quam ut ex eo discerent fideles atque intelligerent, quid cognitu dignum & salutare foret; nisi stultitiæ ipsum ac meræ superbiæ reum agere velis; qui scil. sibi soli saperet, & quæ cum aliis communicaret, intelligi nollet. Quod cum de Deo cogitare sit impium & absurdum, intelligi ergo voluit.

XLV. Si deinde adeo nos destitutos rebus necessariis Deus reliquisset, ut quæ intelligi bono nostro voluit eorum cognoscendorum veræ methodi nulla certa principia mentibus nostris indidisset, tum etiam in Verbo revelato designasset; vel denique si post adhibita omnia artis & industriæ instrumenta, nihilominus de mente ac voluntate ipsius incerti ac dubii esse cogeremur, nihil causæ cogitari potest, quare non pro deceptore esset habendus. Sunt enim ut rerum naturalium per ideas, ita & sensuum cogitatorumque alterius sive divinorum sive humanorum per externum sermonem cognoscendorum inditæ quædam menti rectè attendenti, ipsique adeo loquentis sermoni, viæ ac rationes; quibus si quis rectè utatur, nullam omittat, tantâ frui potest eorum perceptorum persuasionem, ac si coram eorum conceptuum imagines in mente Dei vel aliorum hominum intueretur. Neque enim Deus linguam ignotam vel Angelicam è cœlis attu-

attulit: Sermonem iis familiarem, quibus voluntatem suam revelavit, nobis autem exiguo laboris impendio cognitu facilem, fructu verò suavem ac jucundum, è medio assumsit, in eoque, ne oblivioni mandarentur ea, quæ humani generis scire intererat, consignanda curavit. Neque, quod notandum est, ad mysteria sua explicanda, stylo sapientum usus est. Quum enim in iis, quorum studia reconditis atque abditis è fontibus hauriuntur, id maxime excellat, quod longissimè sit ab imperitorum intelligentia sensuque disjunctum: Dicendi rationem adhibuit, quæ in medio posita communi quodam in usu atque in hominum more & sermone versaretur. Non aliam sanè ob causam, quam quo facilius intelligeretur. Quam facilitatem mirifice adjuvat, quod *πολυμερῶς καὶ πολυτρόπως*, multis partibus ac modis, eadem repetiverit in Scripturis, ut est Hebr. 1:1. *dederitque Israeli multitudines legis suæ*, i. e. Legem suam multis vicibus & modis repetitam & inculcatam. Hos. 8:12. & *visionem multiplicaverit*. Hos. 12:11. Adeo ut vulgo seipsam explicet Scriptura, & faciem vigili & attendenti intellectui accendat, quæ ipsum ad locorum vel obscurissimorum intelligentiam perducatur.

§. XLVI. Neque illud silentio hic prætereundum, quod velo legis ac caeremoniarum sublato, & fuis ac fugatis umbris, rem ipsam & corporis radiantis splendorem, id quod Israeli ac Prophetis ipsis fuit denegatum, coram intueamur. Quum enim primo mundi tempore sermo brevissimus de salute & justitia pecca-

toris coram Deo exstaret, Deus postea promissioni addidit quoque plura sacramenta, in quibus rerum futurarum figura conspiceretur, quæ studium quidem exercerent, ac desiderium acuerent, non vero exfatiarent; quia nec rem ipsam ostendebant, & Deus quædam insignia in sua potestate retinebat. Accedit, quod studium discentium voluerit quidem adjuvari per ministerium doctorum sedentium in cathedra Moïsis: sed qui plerumque loquerentur verbum Dei quoad syllabas, & non quoad mentem, & corticem sectarentur, omisso nucleo. Unde & Jeremias *stilum scribarum* vocat *stilum mendacit.* Jer. 8: 8. Ergo & illud quidem factum est, ut, deficientibus in officio suo ordinariis Doctoribus, Deus identidem miserit Prophetas, qui eos adducerent ad cognitionem veritatis: Sed, qui paucos haberent discipulos, pluribus, ut nunc etiam sit, veritatem oppugnantibus. Donec tandem obtinuerit Phariseorum Schola, quæ magis traditioni, quam demonstrationi Scripturarum operam dedit. Quo factum est, ut multa silerentur, non pauca in falsos sensus detorquerentur. Ergo salutaris doctrina plerisque temporibus fugit vulgarem hominum notitiam, & etiam clara dicta fuerunt ipsis ænigmata.

§. XLVII. Præter hæc omnia commune quoddam fuit *velum*. Quo significatur, quod omnis sermo Dei per Moïsen traditus, nec tantum is, quo explicat legem operum vel ceremonialem, verum etiam is, quo explicat modum ac formulam resipiscentiæ, fuerit appellatus *Lex*. Lex autem propterea vocabatur, quod

in eo continebatur hoc dictum : *Qui fecerit ea ; vivet in eis.* atque iterum : *Maledictus omnis , qui non permanet in omnibus , quæ scripta sunt in hoc libro legis , ut ea faciat.* Hæ enim duæ sententiæ sunt legales, sive pertinent ad legem operum. ut Apostolus declarat, Rom. 10: 5. & Gal. 3: vers. 10. 11. Ergo propter duas illas sententias legales indefinite pronunciatas de omnibus iis, quæ scripta erant in libris Moïsis, etiam ipsa lex fidei ac resipiscentiæ habebat speciem legis operum. Accedebat, quod lex moralis, quæ indicata erat Israeli ut formula resipiscentiæ, hoc elogio quoque inprimis fuerit ornata, quod *qui facit ea, vivet in eis.* ut constat ex Ezech. 20: 11. 12. & 25. Et quamvis ejus præstatio perfecta non diserte fuerit præscripta, ut conditio justitiæ; tamen nec aperte, & expressis verbis, ut in Evangelio, ea lex à conditione justitiæ exclusa fuit; sed relicta fuit Israelitis hæsitatio & quæstio, quæ esset vere lex justitiæ, quæ vita, quæ benedictio. Eam vero hæsitationem non mediocriter augebat lex ceremonialis, dum cogeret hominem, post oblata sacrificia & munera, dicere ad Deum, *Non sum transgressus mandata tua, non sum oblitus;* ut est Deut. 26: 13. atque ita speciem gloriationis in operibus relinqueret. Licet enim hæc revera non esset gloriatio in factis, sed in Deo justiam dante ex fide, & sacramenta promissioni addente, & tantum bonæ conscientiæ non spreti fœderis Dei testificatio; tamen habebat apud rudes & stupidos speciem gloriationis in facto: quemadmodum etiamnum Judæi ea facta habent pro justitia, Istis ergo duabus

sen-

sententiis legalibus atque ista gloriandi formula, tanquam *velo* quodam etiam ea, quæ clare dicta erant, ab intellectu hominum quanquam sagacissimorum abscondita ac remota fuere.

§. XLVIII. At nobis è contrario Deus in Christo omnia coram exposuit, adeo ut uno obtutu in ipso videamus omnia, quæ de ipso prædicta & figurata sunt; & per Apostolos nobis doctrinam justitiæ sine ambagibus, sine ænigmatibus, neque sparsim aut multis partibus, sed unde & plane integreque & uno complexu explicavit, & plura nobis indicavit, & coram oculis mentis nostræ intuenda subjecit, quam videbatur promississe. Adeo ut nunc pueri per clarum Dei testimonium credant, quod olim viri scrutabantur, & sine scrutatione non poterant ipsi vel cognoscere, vel cum aliis communicare. Igitur *gratia nobis data in Christo ante tempora sæcularia manifesta* dicitur esse facta per adventum Salvatoris nostri Jesu Christi, qui mortem abolevit ac immortalitatem illustravit per Evangelium. 2. Tim. 1: 9, 10. Et *mysterium illud temporibus sæcularibus tacitum, nunc manifestatum esse* dicitur, & quod inprimis notandum, per *Scripturas Propheticas notificatum*. Illa igitur pars Scripturæ, quæ videbatur scatere ænigmatibus, ita per veritatis radios illustrata est, ut per eam mysterium possit notificari ac demonstrari. Claræ ergo & perspicuæ sunt etiam Prophetiæ, & admoto veritatis lumine intelligibiles atque explicabiles. & idem de ipsis verum est, quod de parabolis Christi discipuli interrogati, *an intellexissent*, responderunt, *Ita, Domine*. Unde ad minimum constat, eas fuisse,

fuisse, ut & cæteras prophetias, atque etiam-
num esse, intelligibiles. Matth. 13: 51.

§. XLIX. Eoque magis id fatebimur, si cõ-
gitemus, esse ad manum scripta & conciones
Christi & Apostolorum, qui Scripturam Vet.
Testamenti, & Prophetias, tum operibus,
tum doctrina, ita illustrarunt ut modum simul
ostenderent, quo essent interpretandæ, &
magis Interpretum Scripturæ, quam Prophe-
tarum officio functi esse videantur. Ipsa exem-
pla Christi & Apostolorum, quibus Prophe-
tias citant, & ad subjecta sua applicant, quid
sunt aliud, quam totidem regulæ atque imita-
bilia, ut ita loquar, exemplaria Prophetica
interpretationis? Ab his enim exemplis cano-
nes desumere quid vetat? Imo nisi exempla
Apostolorum certis quibusdam essent fulta re-
gulis & axiomatis hermeneuticis, ad conscien-
tiam demonstrabilibus, non recte instituta fuis-
se eorum demonstratio videretur. Demon-
strare autem, quæ dicebant, ut supra proba-
tum, ex Mose & Prophetis, & poterant &
debabant.

§. L. In constitutione harum regularum in-
primis recordandum est, Prophetiam sermo-
nem esse *θεόπνευστον* *divinitus inspiratum*: Quo
nos ducit præter ipsum nomen *Prophetia* & *Pro-
phetici sermonis*, de quo sup. Part. I. Art. IV. v.
VI. & vocabulum, *ἰσῆ* *Visio*, quo solet appel-
lari in Vet. Testament. & *Ἀποκάλυψις*, *Re-
velatio*, quo in Novo, ad genus sermonis ex-
primendum. Sic Prophetia Esaïæ vocatur *ἰσῆ*,
Esaï. 1: 1. item Obadiæ, Ob. 1. & Prophetia
P Jo-

Johannis Ἀποκάλυψις. Ap. 1: 1. Verbum וְיִן
significat claram & distinctam receptionem spe-
ciei sive in sensorio sive in animo. Sed nomina
וְיִן/ וְיִן, וְיִן, sic in Sacris usurpantur, ut
notent receptionem claram verborum, rerum,
sententiarum, signorum, in animo; in som-
niis naturalibus vel extraordinariis, vel sensi-
bus vigilantibus. De somniis est Esai. 29: 7.
Job. 4: 13. 7: 14. 20: 8. 33: 5. Sed divina reve-
latio rerum & verborum ad animum, sive pro-
phetica visio, sæpius hoc vocabulo notatur;
quæ est visio rerum non præsentium atque ap-
parentium, sed à sensibus occultatarum. Gen.
15: 1. *Fuit verbum Domini ad Abrahamum in
visione.* q. d. ad animum, non ad aures corpo-
ris. Bileam gloriatur se *visiones Omnipotentis
videre.* h. e. habere divinas revelationes. Num.
24: 4. 16. Sic *visio à Deo.* Thren. 2: 9. Hos. 12:
11. *Ego visionem multiplicavi.* Non immerito
igitur verbis Prophetarum præscribitur *Visio*, ut
Johannis Prophetiæ Ἀποκάλυψις ut notetur,
ea, quæ ipsi locuti sunt, Deo dictante eos esse
locutos, & eos indices & promulgatores ver-
borum Dei. In genere per hanc vocem indi-
gantur sermones à Deo revelati; Prov. 29: 18.
*Absque visione si fit, denudatur populus: at ser-
vans & observans legem beatus est.* Ubi vel ipsa
lex divinitus revelata, vel legis meditatio &
observatio, *Visio* nuncupatur. Latius etiam
usurpatur Ἀποκάλυψις de cognitione myste-
riorum in verbo, 1. Cor. 14: 26. Nam ibi Ἀπο-
κάλυψις dici videtur, quod alias in eodem ca-
pite *ωροφησία*. Mox vers. 29. 30. Ἀποκάλυψιν
tribuit

tribuit *ωροφήτη* & vers. 6. *ἀπακαλύψιν* & *ωροφητείαν* conjungit, ostendens, ut non est *διδαχή* absque *γνώσει*, ita nec *ωροφητείαν* absque *ἀποκαλύψει*, h. e. nullam verbi divini sanam, integram, certam, ac salutarem intelligentiam esse absque divina Spiritus Sancti illuminatione. Sed & observandum, alicubi *Visionem* dici specialiter revelationem rerum futurarum. Hab. 2: 3. *Nam adhuc est visio in tempore definitum.* h. e. porriguntur ulterius termini prophetiæ, antequam veniat implementum prophetiarum Christus & regnum ejus. Dan. 9: 24. *Ad obsignandum visionem & prophetam.* quia in Christo & in regno ejus implentur prophetiæ & verificantur.

§. LI. Ex eo autem, quod Prophetia sit *ἰδέω*, *Visio*, *Ἀποκαλύψις* sive *Revelatio*, sequitur, non esse verum, vel ad intelligendam prophetiam opus esse spiritu prophetico, in eo sensu, quasi intelligi non possit absque nova revelatione, quæ sine verbo fiat, quemadmodum Prophetæ illam acceperunt: vel, Prophetiam esse privatæ resolutionis, 2. Pet. 1: 20. id est, esse certi cujusdam hominis, tanquam interpretis necessarii, qui illam acceperit, ut solus propheta, & qui illam tradit *ἀναποδίδικτος* cui parere necesse sit. Conf. Part. I. Art. VIII.

§. LII. Porro sequitur, in prophetiæ meditatione versandum esse sobrie. id est, sine præjudicio & concupiscentia. Nam si homo in cor suum admiserit stercora sua, & tunc veniat ad consulendum Deum in Scriptura loquentem, sive ad verbum propheticum, *Deus*

respondebit ipsi secundum stercora, h. e. talis homo non poterit non abuti verbo Dei, & illud torquere secundum propriam concupiscentiam, Vid. Ezech. 14. & Conf. P. I. Art. VIII. & IX. Hinc fit, ut plurimi etiam habentes & legentes prophetiam se præcipitent in iudicium, quod de ipsis ibi scriptum est. Ut Judæi & Papistæ. Ut autem sobria sit meditatio, necesse est, ne quid addamus vel detrahamus iis, quæ scripta sunt.

§. LIII. Sensum autem Prophetiarum sic optime studebimus indagare, si factò ab Universalibus initio, primum omnium determinemus, quodnam sit verum, perpetuum, atque universale objectum omnis Prophetiæ, ad quod omnibus suis partibus, Articulis, modis, appendicibus, reliquisque attributionibus explicandum, omnis vatum sacrorum industria ordinata esse videatur, tum deinceps ad magis particularia viam aperturi.

§. LIV. In hoc perpetuo atque universali objecto omnis prophetiæ determinando quoniam communiter ii, qui de hoc argumento antehac cogitarunt, ita statuerunt, quod ea quæ præter communia & capitalia fidei indubitata dogmata prisca vates literis mandarunt, plerumque vel ad statum populi Judaici, qualis fuit sub V. T. vel si ulterius extendantur, indefinite ad Ecclesiam Novi Testamenti quorumvis temporum & locorum, & quidem generali nomine beneficiorum vel iudiciorum referantur; & quæ in specie ad primi temporis Judæorum vel correctionem vel consolationem prolata esse censentur, ad nos non aliter, quam per modum

dum parodiarum & accommodationum pertineant; nos autem sumus ostensuri, Prophetas Vet. Test. non modo de rebus suæ ætatis, verum etiam de iis, quæ sub N. T. contigerunt eventis, quæque porro videbunt posteri, esse vaticinatos, petenda primum est à Lectorum benevolentia venia, ne nos putent Celeberrimorum illorum Virorum, qui vel ante nos, vel etiam hodie, illorum vestigiis insistentes, aliter sentiunt, quicquam velle præjudicare debitæ auctoritati, meritis, aut famæ. Plurimum enim de rep. Christiana meriti sunt; ac de nobis. Veræ enim religionis fundamenta illi ex Scripturis Prophetis demonstrarunt, & ab erroribus repurgata posteris fideliter tradiderunt; quo etiam nomine ipsis gratias solidas debemus. Verum cum non nisi singulari industria atque intentione res Prophetica tractari debeant, & Magni illi Viri hoc sibi ante omnia negotii esse datum putarent, ut illud Augiæ Antichristianæ stabulum, quantum pote, expurgarent, & unicæ atque antiquissimæ fidei Christianæ principia in candidissimam veritatis lucem proferrent; hinc factum est, ut illud ingenii & zeli, quo claruere, lumen ad illustrandas Prophetias minus applicarent, quandoque etiam suam in istis ignorantiam ingenue profiterentur, ac denique uberiores earum intelligentiam aliquando Ecclesiæ suppeditandam conceptis verbis à Deo voverent. Igitur, quam illi nobis ingenue concesserunt, eam ab omnibus deprecamur de re per se innocua libere opinandi facultatem. Nos quantum

rei pondus ac difficultas permittet, paucis & perspicue eam conabimur explicare.

§. LV. Et primo quidem ostendemus, prophetas Vet. Testamenti non tantum de rebus sui sæculi, sed etiam de reliquis futuris usque ad Christi adventum esse vaticinatos. Quod ut demonstretur, in primis notandum est, Deum omnia sua consilia olim per prophetas Israelis revelasse, ita ut nihil reticuerit eorum, quæ deinceps erant gerenda in mundo & Ecclesia, quæque ad gubernationem Ecclesiæ & singulorum hominum, cum primis electorum, pertinebant; & nominatim id omne quod Prophetæ de rebus etiam sua ætate imminentibus, & deinceps futuris sunt vaticinati, ab ipsis non aliter consideratum fuisse, quam ut molitionem ac præparationem operis majoris, cujus ista, quæ prænunciarent, essent initia quædam, prælagia, ac certissima signa. Probatur prior pars ex his locis: Gen. 18: 17. *Et Jehovah dixit; Numquid ego celo Abrahamum, quod ego facio. Num: 22: 23. Nam non est augurium in Jacobo, & non est divinatio in Israele; statim dicitur Jacobo, & Israeli, quid paraverit Deus. Psal. 25: 14. Secretum Johovæ est timentibus ipsum, & Testamentum sive fœdus ejus est ad sciendum illos. Amos. 3: 7. Nam non facit Jehovah Deus quicquam, nisi revelaverit mysterium suum servis suis Prophetis, & Joh. 15: 15. Non adhuc vos dico servos, quia servus non novit, quid faciat suus Dominus, Vos autem dixi amicos, quia omnia, quæ audiavi à Patre meo, notificavi vobis.* Hinc vaticinia veterum Prophetarum nihil aliud sunt, quam Summæ quædam &

κῆφαλα cogitatum divinorum, Psal. 139: 17. 92: 6. & Consiliorum à longinquo. Es. 5: 19. 25: 1.

§. LVI. Posterior pars probatur ex iis locis, in quibus Opera Dei, ita enim appellantur ea, quæ Prophetæ futura narrarunt, Psal. 66: 3. 77: 12. 92: 5. 143: 5. Es. 5: 12. 19. Hab. 1: 5. & Facinora ejus, Psal. 66: 5. 77: 13. dicuntur esse Machinationes, s. Molitiones, h. e. præparationes & exordia quædam Operis majoris. Ut Ps. 77: 13. 92: 5. 143: 5. Es. 5: 12. secundum illud, Opus operatur, sive molitur in diebus vestris: non credetis, quum narrabitur. Hab. 1: 5.

§. LVII. Opus illud magnum quod Deus olim futurum prænunciabat, quodque jam tum moliebatur, est opus apparitionis Dei in carne, & manifestationis regni sui, procedens ad hæreditatem mundi, & abolitionem omnis ejus; quod huic regno ulla ratione adversatur. Hinc sæpe exprimitur per *Diem Domini*, ut Es. 2: 12. 13: 6. & 9. Ezech. 30: 2. 3. Joh. 1: 15. 2: 1. 3: 4. Amos. 5: 18. 20. Zeph. 1: 7. 14. Vocatur & *Dies adventus Domini*, quum is apparebit. Mal. 3: 4. & *Dies speculatorum Israelis*. Mich. 7: 4. Add. Ezech. 7: 2---11. & 22: 3. 4. & conf. Jer. 25: 31. Amos. 1: 2. Mich. 1: 3. 4. Zeph. 1: 2. 3. 3: 8. & similia; in quibus hoc opus Dei summam proponitur atque explicatur.

§. LVIII. Quia autem in Domino Jesu hic dies Domini implementum habet, hinc tanquam fundamentum & primum quoddam principium omnis claræ, facilis ac certæ explicationis Prophetiæ à Johanne Apoc. 19: 10. proponitur hoc axioma, *Testimonium Jesu est Spiritus Prophetiæ*. Quo significatur, spiritum, qui locutu

locutus est in Prophetis, testatum esse de Jesu, & omnia, quæ locutus est Spiritus Prophetiæ, in Jesu habere plenam ac perfectam impletionem. Cui convenit, quod est Psal. 40: 8. *De me in volumine libri scriptum est.* h. e. in toto libro. & 2. Sam. 23: 2. *Spiritus Jehovæ locutus est de me.* i. e. non tantum de Davide, sed etiam, & potissimum quidem, de filio Davids & regno ipsius. Item Act. 10: 43. *Huic omnes Prophetæ testimonium perhibent, remissionem peccatorum accipere per nomen ejus, qui credit in eum.*

§. LIX. Quicquid ergo olim Prophetæ prænunciarunt, adhunc diem, sive apparitionem Dei regis in mundo & Ecclesia, habet necessariam relationem, ut sint ejus vel præparatio quædam, vel ut præsentis descriptio, & per partes explicatio. Quod autem in iis, quæ eum diem antecedere debebant, non substitute- rint Prophetæ intra fines unius temporis aut sæculi, illius nempe, in quo ipsi Prophetæ vixerunt, sed ulterius progressi omnia explicarint deinceps futura usque ad illum diem, ita probatur; quia hanc molitionem diei Domini ipsi- met ita explicant Prophetæ, ut satis appareat, eam consistere in executione operum quorundam, non simul & uno tempore, vel temporis intervallo, sed deinceps & continenti ordine unorum ex aliis futurorum usque ad Christum. Habet enim D. Jesus in Prophetia ~~in~~ ^{inter} potentissimi alicujus monarchæ, qui è longinquis terris adveniens ad populum suum visitandum, interjectas ex ordine regiones peragrat, ac dum passim vel amicos reges populosve, vel hostes, offendit, ubique aliquantulum moratur, dum

vel

vel ab amicis regio honore accipitur, vel inimicos debellat. Posteaquam vero in ditiones sibi subjectas pervenerit, ac thronum suum occupaverit, instar habet ejusdem regis jam manifestati, & molientis regni sui fines extendere, atque adeo dominantis in medio hostium suorum, donec, qui gradus erit ultimus regni sui, inimicos suos posuerit scabellum pedum suorum, & omnes gentes ipsi serviant. Hinc impletio eorum, quæ ante evenire debbant, *adventus* sive *appropinquatio diei Domini* appellatur. Es. 13: 6. 9. Ezech. 30: 3. Joh. 1: 15. 2: 1. 3. 4. Zeph. 1: 14. Mal. 3: 3. Conf. Ezech. 7: 2. 3. 5. 6. 7. 10. 21: 34. 22: 3. 4. 35: 5. & ipsa Christi regis appropinquantis prænuntiantia opera *Vestigia Messia*, Psal. 89: 52. appellantur. Apud Zachariam quoque illa omnia quæ Deus operaturus erat ante apparitionem Christi, ceu testimonia adventus ejus, *Tubarum* denominationem habent, à more regibus & principibus hujus mundi usitato haud abludente significata. Vid. Zach. 9: 14. Quibus exemplis & Christi regis ultimum adventum prænuntiantia opera *Incessus Dei regis*, Psal. 68: 25. & *Orbita Dei*, Psal. 74: 3. & *Tuba* in Apocalypsi appellantur. Non imus igitur inficias, prolixiora esse posse spacia oraculorum, quæ inde à temporibus, quibus vates cecinerunt, incipiant. Sed negamus ea istis initiis veluti carceribus includenda esse, ac non per varios temporum gradus & processus, ceu *vestigia* quædam, & *incessus*, & *orbitas*, ad citeriora progredi.

§. LX. Consideranda ergo sunt opera Dei
Q sub

sub V. T. ceu *signa* Christi, & diei Domini paulatim appropinquantis, vel ut primæ quædam emicationes auroræ aut crepusculi matutini, quæ, ceu Solis veri orientis quædam præambula vestigia, & certissima signa, ipsum appropinquare ac tandem præ foribus esse testabantur. Ita enim illa omnia, quæ Deus operaturus erat ante apparitionem Christi, ceu testimonia adventus ejus, *Signi* appellatione veniunt, quod *habitantibus frugiferam*, id est fidelibus V. T. & *incolentibus terram*, reliquis in populo & extra eum proponitur *videndum*. Es. 18: 3. & *Signa temporum*. Matth. 16: 1. 2. diserte nominantur. Intelliguntur enim per hæc *Signa temporum* facta Dei & eventa, quibus cognoscitur, quidnam de verbo Domini impletum sit, & quantum supersit implendum, nominatim res diversis articulis temporum suo ordine ante Christi adventum gerendæ in mundo & Ecclesia, & qualitas sive status illius temporis, in quo Christus debebat apparere. Atque ita intelligitur, in ea etiam parte veteris Prophetiæ, quæ erat implenda sub V. T. esse comprehensionem non unius temporis aut ætatis, sed etiam sequentium continenter gerendarum usque ad Christum; quod quidem primo loco probandum erat.

§. LXI. Nec de rebus tantum Veteris Testamenti, sed etiam de reliquis postea eventuris, & gerendis sub regno Christi usque ad finem mundi, quæ omnia opera deinceps in Apocalypsi continenti serie explicantur, eosdem Dei viros vaticinatos esse, ut alia argumenta præter eam, unus S. Petrus clarissime nos docet,
Act.

Hermeneutica sacra pars posterior. 123

Act. 3:18--21, 24. quem locum oportet ut paulo diligentius contemplemur, tum quia rem probat maximi momenti, tum ut nobis in posterum interpretationis Prophetiarum certior aliqua ratio constet, sitque firmum aliquod & mansurum principium, in quo caput meditationis nostræ Propheticae versetur.

§. LXII. Is locus à versu 18. ita habet: *Deus autem quæ per os omnium Prophetarum suorum ante denunciaverat, passurum scil. esse Christum suum, ita implevit.* Nullus ergo Prophetarum, qui non de Christo Dei, & quidem *πεντηκ.*, fuerit vaticinatus. Pergit Apostolus vers. 19. *Resipiscite igitur & convertimini, ut deleantur peccata vestra. &c.* Seriam & integram vult esse pœnitentiam & conversionem ad Deum: Ejusque studium commendat à triplici ejus fructu. Futurum enim 1. ut peccata vere resipiscentium, tanquam debita, ex rationario Dei expungantur. 2. ut adveniat, & quasi è vestigio adsint, *καιροὶ ἀναψύξεως*, tempora sive potius opportunitates, vel occasiones refrigerii à conspectu Domini. Supponit Apostolus, tanquam notum, (& unde, nisi ex Prophetiis, quarum auctoritate inprimis utitur, ut mox videbimus) multas Ecclesiam inde à tempore, quo Christus post passiones erat glorificatus, manere tentationes & afflictiones. Solent autem istæ afflictiones igni & æstui assimilari in Scriptura. Illis igitur opponit vices refrigerii suis singulas opportunitatibus & quasi rerum gerendarum occasionibus repræsentandas & accelerandas Ecclesiæ.

3. denique id consecuturum, ut post multos exantlatos labores, & perpeffas molestias pro regno Dei & veritate, atque etiam post exhibita Ecclesiæ tempora refrigerii Deus *mittat* resipiscentibus seque ex animo diligentibus *προκεχειρισμῶν* ante designatum, & jam illustrissimo aliquo opere quasi digito demonstratum *ipsis* Dominum & regem *Jesum Christum*. Ad quid autem mittat; nisi ut suos resuscitet ex pulvere, & assumat ad se, ac devictis omnibus hostibus ipsorum ac suis, etiam ipsa morte, plenaria salute ac gloria eos secum coronet? Namque in hanc sententiam legimus Act. 17: 13. quod *Deus constituerit diem, in quo sit judicaturus habitabilem in justitia, per virum, quem ad hoc ipsum definiverit*, atque ipso opere demonstraverit *resuscitans eum ex mortuis*. Qui locus apprime facit ad illum, quem tractamus, illustrandum.

§. LXII. Jam post illa pleno ore & magna cum asseveratione pronunciat Petrus, versu 21. *Quem quidem Jesum Christum designatum judicem totius mundi, & consummatum suorum salvatorem, oportet ut cælum contineat, antequam mittatur, ἀρχὴ χρόνων ἀποκαταστάσεως πάντων, ὡς ἐλάλησεν ὁ Θεὸς διὰ στόματος πάντων ἀγίων αὐτῆς προφητῶν, usque ad tempora, vel interim dum fluunt tempora exhibitionis vel representationis omnium, quæ Deus locutus est per os omnium sanctorum Prophetarum suorum.* Q. d. Non est, quod illum Jesum, quem dixi vobis altera vice mittendum, tam cito expectetis. Multa enim supersunt, ex sententia

tentia quidem Dei in Scripturis Prophetis ante exposita, interim dum ipse in cœlesti aula versatur, adhuc gerenda & administranda in mundo & Ecclesia: quæ quidem non uno pedatu Deus consummare constituit, sed suis singula temporibus & occasionibus, itidem à Deo per Prophetas prædelineatis ac ordine descriptis. Quos autem & quales Prophetas? Illos, qui fuerunt ἀπ' αἰῶνος, à sæculo, à condito mundo. Nominatim illos, quos nominat vers. 22. *Mosen*; vers. 24. *Samuelem*, & qui eum deinceps exceperunt, Davidem, Solomonem, Esajam, Danielelem, & cæteros omnes, qui post Mosen & Samuelem in Canone Prophetico existant & hodieque sequuntur,

§. LXIV. Quid his apertius, quidve demonstrandæ veritati commodius aut luculentius dici potest? Deus, quæ per os omnium suorum Prophetarum prænunciaverat de Christo passuro, ita impleverat, ut est capitis ex Actis citati vers. 18. Principem autem vitæ per passionem consummatum excitaverat à mortuis, in cœlum assumerat, & ad dextram majestatis suæ collocaverat. Nihil ad culmen gloriarum Christo destinatarum deesse videbatur, nisi hoc; ut & suos, quos in terris reliquerat non tantum quoad animam, sed etiam quoad corpus assumeret ad se, & caput non sine membris glorificaretur. Expectanda ergo erat, & per fidem ac resipiscentiam acceleranda nova missio Redemptoris, ut est ejusdem cap. vers. 19. & 20. Ejus horam & diem quamvis nemo norit, tamen refert Apostolus in illud tempus, quo essent ἀναδεσµόγια, q. d. plene con-

Q3

stituta

stituta, & in ipsa veritatis luce collocata ac rebus exhibita omnia, quæ Deus per os omnium Prophetarum suorum prædixerat futura. Interim Christum cœlesti palatio contineri oportebat, Non aliam sane ob causam, quam quod plurima adhuc superessent eorum, quæ prædicta erant, antequam secunda vice mitteretur, implenda atque consummanda in mundo. Neque ea quidem unico pedatu vel actu: sed suis singula temporibus & rerum gerendarum occasionibus. Atque hæc quidem ex Actis tam sunt clara, ac Sol meridianus sudo cœlo.

§. LXV. Sed in eo jam cardo disputationis nostræ versatur, utrum Ἀποκατάστασις hoc lo-
lo, ut nos reddidimus, *Representationem*, *exhibitionem*, *impletionem*, an, ut communior versio est, *Restitutionem*, denotet; cum vox illa apta sit ad utrumque significandum, & apud bonos auctores Græcos utroque sensu usurpetur. Namque ita Grotius ad hunc locum annotat: Ἀποκατάστασις Plutarcho, *Columella*, *Numenio apud Eusebium*, *Servio ad Eclogam quartam*, *Gnosticis apud Irenæum* 1: 13, & aliis est *revolutio sideris in pristinum locum*. *Historicis quies reddita rebus turbidis*. Sed ὁ ἀποκαθίστασθαι ostendere significat, sicut ἀποκαταστατικὸν numerum *Capella vocat quinarium*, quia cum aliis imparibus, sive cum suo genere sociatus, se semper ostendit. Sic ἀποκαταστήσων Psal. 16: 5. Et *Oecumenius sic explicat ἀποκαταστήσων ἐς πῖναξ ἐλθεῖν ἀπαντα*. Hactenus Grotius. Jam vero si hæc sit mens Apostoli, Christum
opor.

oportere ut cœli capiant usque ad tempora restitutionis omnium, quæ Deus prædixit ventura; nihil eorum, quæ fiunt, antequam illa tempora restitutionis omnium appulerint, ex prædictione priscorum Prophetarum geratur, necesse est, neque adeo Prophetæ Israelis ad modum Johannis in Apocalypsi, quæ nostra est sententia, tempora N. Testam. ordine describant, sed quæ de rebus sub N. Test. post adventum Christi gerendis indicant, ad omnium, quæ collapsa sunt, restitutionem tantum pertineant, neque ad alia debeant applicari.

§. LXVI. Enimvero qui hunc in sensum verba Apostoli interpretantur, oportet demonstrent, qualis sit restitutio eorum, quæ nulum unquam statum in rerum natura habuere, sed prædicta tantum dicuntur ab Apostolo, & futura erant: Quæ sane cum nullam à se naturam vel essentiam habuerint, sed imaginariam tantum & repræsentativam in mente & consilio Dei, cui nota sunt ab æterno omnia opera sua, non restitui, quando fiunt, sed rebus ipsis exhiberi & impleri dici possunt. Deinde cur tempora ἀποκαταστάσεως πάντων appellat Apostolus, si restitutionem voluerit dicere, cum non *tempora*, sed *tempus* restitutionis omnium exspectetur; *tempora* vero plura ad multas res ex ordine gerendas requirantur? An vero forte Apostoli adhuc in illo versabantur errore, in quo eos versatos fuisse vulgaris est sententia, quum Christum interrogarent, essetne illo tempore; quo resurrexerat ex mortuis, regnum politicum ac sceptrum terrenum restitutus Israel? Quasi scil. Vir sanctus

Etus hic loqueretur de restitutione regni & politiz Israeliticæ in illum statum. in quo fuerat tempore Davidis & Solomonis. Sed & hic proculdubio, postquam Spiritum S. acceperunt- & Act. cap. 1. Apostoli ab illo carnali præjudicio immunes fuerunt,

LXVII. Ut enim & de hoc loco prætereundo aliquid dicamus (& quidni dicimus, cum & in illo verbum ἀποκαθίσταω, unde nostra Ἀποκατάστασις descendit, atque ad eandem ferme materiam adhibitum videamus) contextus non patitur, ut istud verbum dicto in loco aliter, quam de hac ipsa repræsentatione atque exhibitione rei promissæ vel prædictæ accipiamus. Quum enim Christus post resurrectionem suam adhuc per quadraginta dies superstes in terris discipulis suis inculcasset ea, quæ pertinent ad regnum Dei, ut est versu 3. cap. 1. Actorum; mandasset quoque ut Hierosolymis exspectarent id, quod primo loco promissum, & non multo post illos dies repræsentandum erat sub regno Dei, uti liquet ex versu 4. & 5. de tempore quoque repræsentandi istius regni, de quo cum ipsis egerat, consuluerunt eum discipuli, his verbis: Κύριε, εἰ ἐν τῷ χρόνῳ τούτῳ ἀποκαθιστάνεις τὴν βασιλείαν αὐτῷ Ἰσραὴλ; *Domine an hoc ipso tempore repræsentabis, (sistes, exhibebis) regnum illud promissum Israeli?* Christum nempe ex mortuis vivum jam oculis & manibus suis tractabant: & memores erant eorum, quæ paulo ante ex ore ipsius de regno Dei exhibendo Israeli didicerant, Noverant quoque Prophetias,

quæ

quæ omnes, post passiones, regnum & gloriam Christo portendebant. Recte ergo, & ex mente Dei, quam ex Scripturis didicerant, interrogarunt, an non hoc esset illud tempus, de quo tam multis ante sæculis scrutati erant viri sancti, & in quod Spiritus S. qui in ipsis locutus erat, prædesignasset Christi glorias? Nam de tempore exhibitionis regni Dei, non vero de regno aliquo terreno restituendo Israeli, ipsos quærere non modo ex antecedentibus, verum etiam ex responsione Christi abunde apparet. *Non est, inquit vers. 7. vestrum scire tempora & opportunitates, quas Pater posuit in propria potestate? Quid igitur? Sed accipietis virtutem Spiritus S. qui superveniet vobis.* Quam, ceu primum opus regni mei necesse est, ut ab hoc tempore expectetis: quemadmodum patet ex vers. 4. q. d. Temerarium est, velle definire tempora & rerum gerendarum occasiones. Quamvis enim Spiritus S. rerum jam inchoatarum & porro detexendarum totam imaginem, ita proposuerit, ut eæ omnes se invicem eodem ordine sint excepturæ in historia, quo sunt connexæ in Prophetia, tamen modestiæ cancellos is perrumpit, qui opera Dei, quæ adhuc futura sunt, certis temporibus, vel personarum, locorum, aut modorum circumstantiis includere velle præsumat aut æquum putet. Vestrum est, ubi videtis quædam eorum, quæ de præsentis tempore prædicta sunt, impleta esse, vel adhuc fieri, expectare, præstolari, speculari; de rerum vero futurarum circumstantiis, modis, locis, instrumentis, temporibus, commoditatibus, nihil temere definire.

R

Deus

Deus enim quæ sunt istiusmodi, sui voluit esse arbitrii. Vobis nihil nisi expectationem reliquit. *Beati, qui expectant.* Dan. 12. Ex quibus apparet, quam non sine ratione utroque in loco *ἐσθλατῶσιν* non de restitutione, sed de impletione, exhibitione, repræsentatione, intelligamus; & quam firmum denique sit & maneat nobis illud primum omnis demonstrationis Propheticae principium, Oracula Dei tam prioris quam posterioris temporis, non modo temporibus veteris, verum etiam temporibus Novi Testamenti, quibus nimirum Christus in cœlo manet, donec inde redeat iudicandum vivos & mortuos, posse jure merito ac debere accommodari. Jam conf. loca Es. 46. 10. Ezech. 38: 17. Eph. 3: 9. 10. 1. Pet. 1: 11. Jud. vers. 14. Apoc. 10: 7. & sim.

§. 68. Amplius dico, Prophetas V. Testam. magis agere de diebus Christi tum carnis, tum regni, quam de rebus Israelitarum, qui fuerunt ante Christi apparitionem; imo quæ de his locuti fuerunt, quæque secundum vaticinia eorum populo Dei tum temporis evenerunt, non tantum ut signa temporis adventus Messiae, sed etiam ut typos rerum simili modo & ordine sub regno Christi gerendarum spectanda esse. Id ita probo; quia toto illo tempore, quod antecessit Christi adventum, *Visio*, vigebat. Ita vocatur omnis Prophetia, comparata cum re, imagine, corpore, splendore, præconio Christi & regno ejus. Erat autem *visioni præsistitutum tempus*, illud nempe, quod obsignanda erat omnis visio & prophetia; Dan. 9: 24. 11: 27. Hab. 2: 3. & umbræ veritatis luce
ac

ac splendor erant dispellendæ ; id quod per ipsam Christi *ἐμφάνειαν* factum est. Ergo antequam Christus, Sol justitiæ, exortus est mundo, nil nisi *visionem* ac prophetiam in Ecclesia auditam & cognitam fuisse necesse est. Igitur & Christus Matth. 11 : 12. 13. disertè testatur, *Omnes prophetas & legem usque ad Johannem* Baptistam, primum scil. præconem & indicem Christi & regni Dei, ut jam præsentis vel imminantis, *Prophetâsse?* cæterum à diebus *Johannis Baptiste regnum cælorum βιάζεται*, i. e. vim facere, & quasi erumpere conari. Ita enim accipiendam esse hanc vocem, & non, ut alii acceperunt passivè, Euripidis auctoritas nos monet : qui de die fatali jam imminente ita loquitur : *παραμένει γὰρ ἡμέτερον βιάζεται*.

§. LXIX, Nihil ergo fuit ante apparitionem Christi visum, nihil auditum, quod non esset prophetia, & ea ipsa opera, quæ toto illo tempore Deus patrabat, quanquam fierent secundum prophetiam, tamen non erant plena ac perfecta ipsorum implementa, sed futurorum quædam umbræ, atque exemplificata, ut ita dicam, prophetia. Ipsa lex, quatenus eminus Christum ostendebat, atque egenis istis elementis mundi ea, quæ futura erant sub regno Dei & N. T. adumbrabat, quid aliud, quam prophetabat ? Ut hic sit animadversione dignum, atque, ut puto, satis probatum, & sub Vet. Test. de rebus Novi, si non solis, saltem præcipuè esse prophetatum, & hanc omnem Prophetiam pro diversitate modorum, quibus ea obtinuit, fuisse tri-

plicem, Unam quam possumus appellare Verbalem, per ipsa verba & conciones Prophetarum; alteram, quam Legalem, per ritus & ceremonias Legis; tertiam quam Historicam, sive Exemplarem, per res gestas atque opera Dei.

§. LXX. Et de Prophetia quidem Exemplari sive Historica præter jam dicta, ipsis exemplis Christi & Apostolorum docemur abunde. Namque, ut rem magnam paucis declarem, & Melchizedecum, & Eliam, & Jonam typicum; Pauli item ἀλληγορέματα & Petri, ἀντίτυπα & Johannis Apocalyplici *Spiritualia* quis ignorat? De Melchizedeco sane quæ leguntur & non leguntur Gen. 14. allegoriam habent, commendatam nomine מַלְכִּי צֶדֶק Ps. 110. quam Apostolus τὰξιν & ὁμοιόμτα appellat, & de Christo per Melchizedecum figurato explicat, Heb. 7. Ipse Christus Johannem Baptistam dicit esse Eliam, qui venturus erat. Matth. 11: 14. coll. Mal. 4: 5. Idem Jonæ historiam ejus, quod sibi evenire debebat, facit signum, & Judeos a se signum expetentes ad illud tanquam notum allegat. Matth. 12: 39. Saræ vero & Hagaris historiam Paulus diserte inter ἀλληγορέματα, id est illa, quæ ita facta sunt, ut aliorum typum exhibeant, Gal. 4: 24. & Noachî conservationem ex aquis diluvii in arca Petrus refert inter τύπας & imagines rerum postea gerendarum, quibus etiam sua respondeant ἀντίτυπα, h. e. similes typi; 1. Pet. 3: 21. Idem Petrus de Davide monet, nonnulla ut

Prophetam, & populi Dei non tantum membrum, sed etiam regem, in sua persona extulisse, quæ proprie & plene vel Christo vel Ecclesiæ ejus conveniunt, Act. 2: 29. 30. 31. Johannes denique in Apocalypsi Ægyptum & Sodomam *spiritualiter*, id est à Spiritu Sancti in ante editis a se revelationibus ab Ægypto illa Africana & Sodoma Cananæa denominatam asserit civitatem illam magnam, in qua meretrix illa dominatrix terræ præsidebat, Apoc. 11: 4. Quo quidem exemplo idem Antichristi regnum inde ab antediluviano tempore & sæculo Kaini Jud. v. 11. typice supra repetitur, quasi jam tum ei fuerit in historia istius temporis prælusum. Conf. ex parte superiore. Art. XXIX. & XXX. & *Gurtleri Convenient: temporum Theol. Proph. Cap. ult.*

§. LXXI. Non est igitur, quod nos ista nominum priorum, personarum, populorum, urbium, regnorum, &c. jam antiquatorum, priscis vero temporibus celebratorum tam crebra apud Prophetas alternatio de gradu dimoveat, ut quamvis cætera omnia rebus N. T. propter quandam similitudinem accommodari posse concedamus propter solam tamen horum nominum peregrinorum usurpationem, in Veteri historia eorum subjecta atque implementa quærenda putemus, in iisque acquiescamus. Præterquam enim, quod illud sit cum stupidis Judæis velle hæere in umbris, imo ne umbras quidem velle spectare, ut umbras, cum etiam factæ vaticinia Vet. Testamenti, quotquot rerum, personarum, aut locorum illo tempore exstantium præferunt titulos vel no-

mina, in iis ipsis rebus, personis, aut locis impleta fuisse, nulla tamen inde ratione sequatur, quod tantum ad res sui sæculi, & non etiam ad venturas respexerint; e contrario potius hoc uberior sit demonstratio Propheticae veritatis, quo sæpius hæc in eodem ordine impleta videri potest; ubi non tantum verba Prophetiæ, verum etiam prior historia sequentis figura quædam & veluti exemplo illustrata Prophetia est: Haud difficile est demonstrare, quædam esse talia in veteri Prophetia, quæ non debeant aliter, quam de ceterioribus temporibus intelligi. Ex. gr. Es. 16: 13. dicit Propheta: *Hoc est verbum, quod locutus est Jehovah ad Moabum olim. Et locutus est Jehovah, dicendo: Tribus annis, quales sunt anni mercenarii, vilis fiet gloria Moabi. &c.* In his apertum est, Esajam tempus illud, quo Deus olim de Moabo locutus est, nempe per Mo- sen, Davidem, ab illo tempore, quo ipse Propheta locutus est, distinguere. Quo posito, nempe prophetiam hanc, quæ de Moabo edita est, non esse novam, sed veterem, confirmamur in eo, ut credamus indubitanter, per Moabitas significari Moabitarum cognatos, affines, inquilinos, concives, fœderis externi consortes, imitatores, ex ipso- rum loco progressos, Judæos. Nam de Moabitis, qui nullam talem communionem cum Judæis habuerunt, parum admodum Deus locutus est ante Esaiam: de Israelitis autem communionem cum Moabo habentibus omnia eadem.

§. LXXII. Quid quod plurima talia sint, quorum ne vestigia quidem ulla implementorum

rum in prioribus temporibus appareant ? Sic historia vetusti temporis rerum Davidicarum, cui Psalmus 9. integre accommodari possit, non exstat : Sed, ut jam olim observavit Hieronymus, *Isse Psalmus, totus in persona Ecclesie per Prophetam de Antichristo cantatur.* Nec de Davide Christi patre verificantur nonnulla Psal. 40. ullo modo, illa nempe, quæ S. Paulus recitat Heb. 3: 5---10. Nec tempori Davidis vel Babylonica captivitatis convenit Psalmus 47. Et Psalmus 72. fatentibus ipsis Rabinis Salomoni non convenit, nisi καὶ ὑπερβολῶν, Christo autem sine excessu & hyperbole. Nec invenerunt Judæi in tempore antecedenti *Angustiam*, cui satis apte conveniret Psalmus 77. In eodem numero est Psalmus 88. aliique.

§.LXXIII. Item facile vidit Abarbanel, Prophetiam Esaia cap. 5. in parabola proposita versibus primis septem non convenire captivitati Babylonica; facile etiam probari potest, non convenire X tribubus; sed optime aptari excidio per Romanos facto. Eadem est ratio Prophetia Es. 9: 1---6. quam facile est ostendere, de Ezechia, quantumvis id vellent Judæi, non posse intelligi; quod adeo manifestum est, ut ipse auctor Nizzachon fateatur involvi promissionem Messia, ut filii Davidis. Sic quæ de rege Babylonis pronunciat Esaias cap. 14. non possunt omnia ad Nebucadnezarem Babylonis propria regem referri. Nunquam enim hic cogitavit *considerare in monte conventum.* quod de ipso prædicatur vers. 15. Ita
yoca-

vocatur mons iste, in quo Deus memoriale sui nominis collocaverat olim, & quo venturum se, & præsto futurum ac responsurum promiserat convenienti populo ad quærendum & consulendum ipsum. Mons inquam, domus Domini, sive Templi, Adeo ut *considerare in monte conventus* idem sit, quod Apostolus explicat *sedere in Templo Dei ut Deum*, 2. Thess. 2: 4. Cujus rei cogitationem nunquam suscepit Nebucadnezar, sed è contrario tantum, si forte, venit Hierosolymam, ut templum coram ipso incenderetur, Jer. 52: 12. coll. vers. 25. Item Calvinus recte animadvertit, ea quæ habentur vers. 16--20. non convenire regi Babylonæ. Item ex v. 20. apparet, quodcumque de Babylone dictum est, id pertinere ad maleficos & semen illorum, nominatos, & ad illud tempus, quo desitum erat illud semen maleficorum vocari. Si per deletionem regni Nebucadnezaris desiti fuissent malefici vocari & nominari, diceremus, hæc de Babyloniis vetustis esse pronunciata. Atqui non ita est. Multis sæculis in posterum maleficorum nomen auditum & celebratum est. Præterea vers. 22: 23. quæ habentur, non possunt intelligi de Babylone propria. Nam de ejus excidio agitur cap. 13: 20. 21. 22. Et quare bis eadem dicerentur, cum possint intelligi de Babylone mystica; cui similia prænunciata sunt Apoc. 16: 19. 20. 18: 7. 8.

§. LXXIV. Sic narrat Abarbanel, non defuisse interpretes, qui propterea quod in Tyro propria deficerent implementa prophetiæ de Tyro quæ exstat Esai. 23, de simili quadam urbe

cogi-

cogitarent, in mari sita, ut Venetiis. Ostendit idem Abarb. Veteres hic cogitasse de Tyro spirituali, h. e. ea, quæ de Tyro dicuntur cap. 23. Esiæ, de Roma, ut Tyro spirituali h. e. ea, quæ de Tyro dicuntur cap. 23. Esiæ, de Roma, ut Tyro spirituali, intellexisse. Nihil quoque, quod & Grotius observat, hic est simile istis, quæ vel Nebucadnezar vel Alexander Magnus fecerunt in Tyro. Quin & Hieronymus de sua ætate dicit, *Hæc secundum historiam nondum facta comperiri.* Quæ nos confirmant, ad citeriora hæc tempora pertinere.

§. LXXV. Ita, quæ in Hosea de Ephrajimo & Juda celebrantur, veritatem suam, si quis attendat, in X tribubus, & Juda ante capt. Bab. non semper inveniunt. Tanquam illud Hof. cap. 5: 10. 11. *Facti sunt principes Juda, ut submoventes terminum: in illos effundam ut aquam, excoandescentiam meam.* *Fraudatur Ephrajim, vexatus iudicio: quia induxit animum, iovit post præceptum.* Quandonam enim id factum est, ut principes Judæ extiterint, tanquam limitum suorum amplificatores; vicinorum autem Ephrajimittarum, sive Israelitarum, violatores; & quando Ephrajim secutus est præceptum principum Judæ? imo & ab eis vexatus est iudicio? Ejusdem generis est illud quoque, quod exstat Hof. 13: 7, 8. *Et extiti ipsis (loquitur de Juda) tanquam bellua; tanquam pardus in via Assyriæ. Occurrebam ipsis ut ursus orbus, & lacerabam claustrum cordis ipsorum; & edebam eos ibi ut leo; fera agri diffundebat eos.* Hæc, inquam, Prophetia non est verificata in tribu Judæ illa singulari, quæ fuit ante capt. Bab.

S

vel

vel etiam post eam. Ea enim nunquam expeditionem suscepit in Assyriam, neque in ea expeditione, dum esset in via Assyriae, tam duriter & inclementer habita est. Sed è contrario fuit tempus, quo Assyrius expeditionem fecit adversus Judam. Huc pertinent ea, quae habentur Mich. c. 5: 4. 5. de Assyrio Israeli subijciendo: *Et hæc erit ipsis pax. Assyrius quum veniet in terram nostram, & quum calcabit palatia nostra, tum constituemus contra ipsum septem pastores, & octo unctos hominis. Et pascent terram Assyrii gladio & terram Nimrod in ostiis ejus. Et eripiet ab Assyrio, quum veniet in terram nostram, & quum calcabit terminos nostros.* Ad quem locum Hieronymus contra Judæos disputat in hanc sententiam: *Respondeat hoc loco carnis Israel, utrum facta dicat hæc, an futura? Si facta commemorat, præbeat historiam, det auctoritatem veterum librorum: doceat, cunctas gentes & Assyrium quondam Israeli fuisse subiectum.* Neque hoc fugit Belgas interpretes, qui per Assyrios & terram Nimrodís hic figurate volunt intelligi hostes Ecclesiæ sub N. Testam. quorum vim Christus Ecclesiæ armis tam corporalibus, quam spiritualibus sit propulsurus.

§. LXXVI. Sic Joh. 3: 18. spiritualis significatio probatur ex eo, quod dicitur fluvius exiturus ex domo Domini ad sanandum non tantum desertum Hierichuntis, sed ultra Jordanem ipsam vallem Sittim. Conf. Ezech. 47: 1. 8. Zach. 14: 8. Quis enim credat, κατὰ τὸ πῦρ fluvium erupturum ex templo ad hunc effectum? Item Hab. 2: 6. diuturnitas impè-

rii significatur per *Quousque* ? Hæc nota non convenit Babylonico. Nam post 70 annos id eversum est. Ita quod Zacharias cap. 5. vaticinatur de domo mulieri insidenti Ephæ, cujus mulieris nomen sit Improbilas, constituenda in terra Sinear, i. e. Babylone; non potest in Babylone illa antiqua, quæ jam tempore Zachariæ præterierat: nec unquam postea invaluit, impletum videri. Sed in Babylone mystica sub N. Test. ut suo loco demonstrabitur, clarissimum implementum habet.

§. LXXVII. Sexcenta hujusmodi afferri possunt. Sed unum adhuc præ reliquis insigne, ex Es. cap. 23. hic proferamus. Est in illo capite insignis Prophetia & minime obscura de rebus in Ecclesia & Politia Christiana gestis sub initio reformationis, imperante Carolo V. usque ad pacem religionis causa anno 1552. Passavii inter Cæsarem & Protestantes in Germania factam. Deinde contemptum & imminutionem regni Papalis, & incrementum Ecclesiæ prænunciat per 70 annos, sub metaphora oblivionis Tyri tanquam scorti vilis & neglecti. Quibus 70 annis finitis subjungit novos triumphos, & nova gaudia, & blandimenta, & fornicationem Tyri illius mysticæ eum regibus terræ. Quemadmodum hujus sæculi anno 22. i. e. 70 post pacem religionis superiori sæculo factam, post Bohemiam Palatinatus inferior subactus; Academia Pragensis & Heidelbergensis Jesuitis tradita; novi cœlites, tanquam Ignatius, Franciscus Xaverius, à Papa creati; alia ad restaurandam Papalem dominationem instituta fuere. Omnium tamen even-

tus hic docetur, ut Tyrus quæstum non possideat neque retineat potestatis suæ augmenta, sed ut ea cedant sedentibus coram Domino, & ipsius verbum audientibus. Quæ omnia facilem & commodam ex historia nostrorum temporum, itemque aliis parallelis Prophetiis, quæ sint multæ, expositionem habent. Frustra autem quis illa & infelici curiositate, in antiqua Tyro verata putet, nisi cum Judæis audacter fictas fabulas pro veris historiis nobis obtrudat. Quemadmodum hic Viro cuidam magno contigit, qui ut cogat Prophetiam tam notabilem de Tyro vetusta loqui, eam refert ad tempora incognita Salmanassaris aut Sancheribi, exitumque & catastrophem capitis in eo ponit, ut Israelitæ augeantur Tyrionum opibus, eis quæstum suum per luxum in frumentum, vinum, carnem, lanas, ab Hebræis emenda prodigantibus. Mira extenuatio Scripturæ! Et, ne quid desit audaciæ, pro *septuaginta* annis reponit *septem*. Quem numerum colligit ex quinque annis, quibus Tyrii aquis arciti fuerint, & duobus annis, quibus rex Assyrius istis locorum manserit. Vah humana focordia, an superbiam dicemus! Tales homines oportet ad Scripturam accedere, huic iratiores, quam sibi, ut ait Augustinus l. 1. de doctr. Christ. cap. 37. qui, ne Spiritus Sanctus à se dissentire videatur, primo effingunt id, quod nusquam gentium exstat, ac deinde etiam ipsi textui sacro vim inferre non timent.

§. LXXVIII. Fatemur equidem, in typis sæpenumero res similes conspici, atque in analogo sive significato; sed & hoc tenendum, eas

res

res non semper habere eundem ordinem aut similia connexa antecedentium & consequentium. Exemplum est in Psalmo 18. qui etiam recitatur 2. Sam. 22. Sed hic, prout à Davide propheta fortasse in consideratione sui magis, quam analogi, est dictus Deo; ibi, prout Ecclesiæ traditus est, fortasse magis ad Christum pertinens, quam ad figuram. Observatur, inquam, versum 3. Psalmi 18. Ecclesiæ N. Testam. in omnibus ejus temporibus aptissimo verborum ordine quadrare. Apud Samuelem adjiciuntur ista וְמִנִּי־מָשִׁיעִי וּמִתַּחַם תּוֹשִׁיעִנִי / quæ videntur Davidis statui ex ordine magis convenire.

§. LXXIX. Quin tantum abest, ut possint omnia, quæ de rebus aut personis Vet. Testam. in prophetia dicuntur, in his impleta videri, ut etiam contrarium ipsis aliquando evenisse possit demonstrari. Quo argumento S. Petrus Psalmum 16. Christo applicat, quoniam de Davide contrarium constet, ac in illo Psalmo sit pronunciatum. Et de similibus simile judicium esto.

§. LXXX. Et sic quidem per exempla & historias Spiritus S. olim prophetavit; Ut nemini idcirco incredibile debeat videri, ultimi temporis res per analogia tempore Prophetarum exstantia significari. Superest, ut de figuris & ceremoniis legis idem demonstramus. Et primo quidem de Christi persona, officio, cruenta satisfactione, & beneficiis hinc dependentibus, id tam est notum, ut non sit necesse disputari. Ulterius probandum est, ministerium Mosaicum, & omnem illum cultum atque

apparatum cerimoniarum legalium non hunc modo usum habuisse, ut ostenderent eminus Christum adducentem justitiam æternam, & quæ cum ea sunt conjuncta, beneficia fœderis gratiæ & N. Test. verum etiam ut regni ejus modum & partes, ac diversum statum, quem habet diversis temporibus, adumbrarent. Id non melius iterum possumus, quam ipsis exemplis, quæ S. Scriptura tam Veteris, quam Novi Testam. hoc in genere suppeditat nobis, quæ sane luculentissima sunt, hic approbare. Sic Deus in lege sua non modo sparsim voluit omnes characteres Christi signare, sed ipsum etiam tempus passionis, & resurrectionis ipsius & mox effusionis Spiritus Sancti. in Apostolos. Agnus Paschalis mactabatur inter duas vespervas decimi quarti Nisan, h. e. ante vesperam illius diei. Christus eo die & tempore mortuus est. Sacrificium jure mane & ante vesperam offerebatur. Christus mane circa horam tertiam crucifixus est, circa nonam expiravit. Sabbatum, quietis symbolum, Christi à maledictione legis in sepulchro quiete impletum est. Manipulus ex agro oblatus & in sanctuarium illatus significat Christum ut primitias ex mortuis. Debebat offerri postridie Sabbati, h. e. die Solis. Hoc Sabbatum in lege constituitur post Pascha. Christus post Pascha, h. e. decimum quintum Nisan, die Solis seu prima Sabbatorum surrexit. A die offerendi manipuli jubet lex numerari septem Sabbata, seu quinquaginta dies, Lev. 23: 15. 16. Ita ut quinquagesimus dies sit postriduanus Sabbati ad offerendum munus novum de messe. Ita

quia

quingagesimo die post resurrectionem Christi effusus est Spiritus Sanct. in Apostolos, ad sanctificandum & consecrandum eos Deo, tanquam munus novum, per primitias, id est Christum, sanctificatum, de hominibus tanquam frugibus terræ, ut essent duces eorum, in quibus vest voluptas Dei. Ps. 16: 3.

§. LXXXI. Sic figura quatuor animalium in Cherubinis, Leonis scil. vituli, hominis, & aquilæ, hanc enim figuram habuisse discimus ex Ezechielis cap. 1. versu imprimis 10. collato cum cap. 10. vers. 20. Hæc, inquam, figura quid docuerit Apocalypsis nobis dabit. Ea enim Ecclesiam quatuor temporum sive Periodorum Ecclesiæ Novi Testamenti ab ascensione Christi decurrentium sub figura horum quatuor animalium repræsentat. Vid. Apoc. cap. 4: 6. 7. coll. cap. 6: 1. 3. 5. 7. Ita nec de figura Cherubinatorum illorum, qui fuerunt super arcam, nec de vera eorum significatione amplius dubitamus. Similiter Apoc. 11: 2. quid & atrium exterius, quatenus à templo distinguebatur olim, significarit, & cui tempori ista distinctio potissimum conveniat, clare ostendit. Item nubis scil. gloriæ Dei occupantis tabernaculum, ut à Mose erat absolutum, Exod. 40: 34. veritatem demonstrat Apoc. c. 15: 8. Sic passim observare est, Prophetas dum loquuntur de rebus futuris sub regno Christi, ipsi veritati atque imagini rerum admiscere vocabula desumpta à ritibus atque umbris Mosaicis: quibus simul docent, & quarum rerum ille fuerint umbræ, & quibus maxime temporibus impleantur. conf. Part. 1. Art. xxxvi.

§. LXXXII

§. LXXXII. Quin adeo id verum est, ut etiam demonstrari possit, nec figurarum legis omnium, vel in Christo, vel in ejus corpore Ecclesia, adhuc exstare implementa. Instar reliquarum sit festum tabernaculorum, quod ultimum festum totius anni celebrabant Israelitæ. In eo commemorabant errores suos pristinos in deserto, Deoque gratias agebant pro hæreditate terræ Canaan, & pace ac beneficiis in ea. Id Zacharias cap. 14. in quo de rebus ultimi temporis sub regno Christi vaticinatur, postquam res anteriores inde à tempore Prophetiæ ante & post adventum Christi explicuisset, facit hieroglyphicum lætitiæ Ecclesiæ ultimi temporis in memoriam revocantis omnes suos errores, pericula & labores, quibus huc usque sub N. Testam. partim sub gentibus, partim sub Antichristo, &c. fuerit jactata, & præsentem gaudentis in hæreditate mundi, & subjectione omnium hostium, cum summa pace felicitatem. Vid. Zach. 14: 16. & seqq. Huc pertinet & Sabbatum, quatenus in illa figura requies Ecclesiæ à labore, afflictionibus, quas propter regnum Christi etiamnum patitur, septima Periodo gubernationis Ecclesiæ N. Testam. repræsentanda significatur, Psalm. 92: 1. & ita quidem significatur, ut simul Ecclesia Christiana in septem temporibus versatura, & pro amplificatione regni Dei & hæreditate mundi laboratura innuatur. Sed satis exemplorum, ad concludendum, per figuras & typos ac cerimonias & ipsa emblemata legis non modo Christum & beneficia ejus, aut statum Ecclesiæ N. Testam. in uniuersum ac perpetuum, sed

sed statum quoque ac habitum Ecclesiæ N. Testamenti. in diversis temporibus expressum, & quantum quidem per naturam istorum egenorum elementorum mundi & conditionem potuit, adumbratum esse. Et possunt similia quoque de operibus Dei antiquis & rebus gestis ab iis, qui sensus in Scripturis exercitatos habent, ex analogia eorum, quæ sub N. Testamenti, gesta sunt, usu observari.

§. LXXXIII. Sic Moses Nachmanides sive Gerundensis animadvertit, non absque causa Deum exornationem rerum contulisse in sex dies, & verisimile est, Deum voluisse in his typum quendam edere rerum futurarum. Dictant Prophetiæ, quando venturus est Christus ad iudicium, fore pacem. Id igitur Sabbatum quoddam est. Quando Christus apparuit, lux venit in mundum, & tanquam ex tenebris lux emicuit. Vid. 1. Cor. 4. 6. Tum Deus distinxit inter lucem & tenebras. Nam discrevit eos, qui iustitiæ Dei non subiciebantur, à fidelibus. Hic esto primus dies. Secundo tempore Ecclesia paulatim cœpit habere locum habitationis, sed post multiplicem concussionem. Tercio tempore in loco habitationis, quum Idololatæ fugissent, multæ plantæ Dei provenerunt: multi etiam mentiti sunt Deo. Hinc factum, ut Quarto tempore extiterit aliquis Sol, & Luna, & sidera, h. e. Doctor magnam auctoritatem habens, & Episcopi; & reges & principes commodi Ecclesiæ: Quinto tempore invaluerunt bestię, & ayes avolaverunt. Sexto tempore condi-

T

ditur

tur homo, h. e. Ecclesia repurgata ab erroribus & abusibus: cui in fine sæculi datur pax.

§. LXXXIV. Item potest non sine ratione cogitari similitudo subjectionis mundi & subjectionis terræ Canaan. Ut enim Israelitæ non statim expulerunt omnes gentes & occuparunt totam hæreditatem ab Euphrate ad Libanum & Oceanum: ita & Ecclesia Christiana non statim omnes gentes habuit obedientes. Quemadmodum Israelitis primo pugnandum fuit cum Amorrhæis, ita & Christianis primo occurrendum fuit gladiis populorum, non ut gladios contra ipsos ferrent, sed ut per תוֹחָה eos vincerent. Ut primo regnum Sihon & Og occupauerunt; ita datæ sunt Ecclesiæ primo ad habitandum duæ provinciæ magnæ, quarum opibus tanquam alis aquilinis proveherentur in locum suum. Vid. Apoc. 12. Quemadmodum Israelitæ transgressi sunt per Jordanem: ita Christiani transgressi sunt per fluvium, quem Draco ex ore suo eiecit. Apocal. 12: 15. 16. Quemadmodum Israelitæ siverunt gentes habitare in medio sui, ita Christiani siverunt seri Zizania, quo factum est, ut gentes in atrium intrarent, & tandem calcarent sanctam civitatem. Quemadmodum Israelitæ oppugnati ab hoste respuerunt regimen Jadicum, & voluerunt habere Reges, ita Christiani infestati ab Hæreticis, judicarunt bonum esse, ut Episcopus, vel primi Episcoporum sive Presbyterorum haberent prærogativam potestatis in ordinandis ministris in pædagogia, 1. Cor. 4: 15. & in judicio Apocal. 20: 4. ubi dicitur thronos esse collocatos, & quosdam scil. homines,
in

in illis confedisse, & illis iudicium, sive iudicandi potestatem datam esse: quod rectissime de cathedris Episcopalibus, quæ lege Ecclesiastica & imperiali collocatæ sunt in Concilio Nicæno, explicatur. Quemadmodum per Reges introducta est idololatria: ita factum est per Episcopos illa potestate armatos, qui partim hæresibus Ecclesiam turbarunt, partim iuverunt defectionem erroribus superstitionibus & præceptis inutilibus. Quemadmodum inter Israelitas ortum est schisma regni Israelis & Judæ: ita inter Christianos schisma novæ & veteris Romæ. Vid. Zach. 11. 14. Quemadmodum X. tribus ab Assyrio; ita Oriens à Turca occupatus est. Vid. Mich. 7. 12. Quemadmodum Juda deductus est in Babylonem: ita Occidens redactus est in potestatem Antichristi, cujus civitas vocatur Babylon in Apocalypsi. Quemadmodum Juda eductus est ex Babylone, ita fideles in Occidente liberati sunt à communione civitatis illius magnæ. Quemadmodum educti non habuerunt reges, sed iudices, ut vetustis temporibus, Esai. 1. 26. ita Ecclesia Reformata incipit Episcoporum dominationem exuere. Quemadmodum à perfidis Judæi, & postmodum ab Antiocho vexati sunt: ita Ecclesia liberata à communione Antichristi, à Schismaticis retinentibus & adoptantibus varias doctrinas Babylonicas turbata est, & Ecclesia tradita rursus est in manum regum Papæ servientium, quod multis occasio Apostasiæ fuit. Quemadmodum Judæis dati sunt vindices Maccabæi, ita & Ecclesiæ oppressæ dati sunt patroni

troni & vindices, Es. 19. 20. Quemadmodum sacerdotes regnum affectarunt: ita fuerunt in quadam parte Ecclesiæ, qui pristinam dominationem voluerunt restituere, quorum consilium in nervum erupit. Es. 24. 21. 22. 23. Quid porro eventurum sit simile, & dies docebit, & ad conjecturam Prophetiæ suggerunt. Saltem hoc clarum est, quemadmodum Judæi secundum promissionem impleverunt totam illam terram post cap. Bab. habitantes in medio gentium: ita expectandum esse, ut fideles impleant totum mundum, habitantes in medio gentium. Mich. 5: 6. & 4: 4. 5. Et quemadmodum per populum validum deletum est templum & politia Judaica, quod tanquam velum erat libertatem Ecclesiæ obscurans; ita fieri posse, ut regnum Antichristi, quod revera est velum impositum omnibus populis, Es. 25: 7. aboleatur per populum aliquem & Monarcham potentem qualis est, qui hoc tempore Assyrius nominari potest. In qua tamen re partem etiam habebunt reges, qui ipsi serviverunt. Apoc. 17: 16.

§. LXXXV. Verum ut rite atque ordine procedat hæc meditatio, nec temere ac præter mentem Spiritus Sancti. quidvis cum quovis comparetur, notandum est, non esse captandas ullas analogias, ubi totum corpus Prophetiæ verbalis in omnibus & singulis partibus & articulis, omniumque harmonia. tum inter se, tum cum historia, nondum fuerit plene perspectum, & in sua quasi nativa simplicitate, sublati omnibus typorum, figurarum & emblematum involucris atque coloribus quasi ad-

sciti.

scititiis detectum atque illustratum; & sic omnino à scrutatione ac demonstratione Prophetiæ verbalis, adhibitis tantum ad ejus intelligentiam historiarum implementis esse inchoandum ei, qui firmi aliquid, & quod perennet, in eo genere præstare ac stabilire voluerit: Ut ita Prophetia verbalis, ut simplicissima, sit legali atque exemplari, ut magis compositis, ceu fundamentum, subternenda. Frustra enim quis ritus omnes ac cerimonias V.T. quæ totidem sunt Prophetiæ, conabitur intelligere, nisi adhibita face Divinorum oraculorum. Et eadem quoque rerum quondam in Ecclesia & mundo gestarum, quæ & quatenus sunt rerum similiter gerendarum vivæ quædam imagines & propheticæ umbræ, est ratio. Quæ quidem causa est, quare in hoc scripto Prophetiam inprimis verbalem ubique explicare, atque implementis historicis illustrare studuerim, insuper habens, ut ad ea, quæ aliquam cum typis aut rebus ante gestis similitudinem habent, qualia sunt ea, quæ in extremo opere exponuntur, prophetiam quoque legalem & historicam accommodarem; quia scil. verbalis poterat intelligi sine illis, & est uberior ac nihil omittit eorum, quæ in reliquis reperiuntur; tum ut Lectorem his adjumentis ad reliqua eo distinctius aliquando cognoscenda præpararem.

§. LXXXVI. Non erimus igitur faciles in typis & imaginibus temere ac præter Scripturam effingendis, aut propter levem aliquam similitudinem constituendis. Nam si Scriptura non indicet, debere nos in re una cernere

imaginem alterius, etiamsi res diversæ à Scriptura explicatæ similitudinem & conformitatem aliquam habeant, non possumus tamen asserere, hoc illius typum & figuram esse, nisi quatenus ex Scripturarum comparatione demonstratur. Qua quidem demonstrata patet Dei sapientia, sed sine ea demonstratione temerarium est à rei præcedentis tanquam typi forma ad rei sequentis formam argumentari. Sic Psalmus 80. proprie & secundum litteram exhibet ὑποτύπωσιν temporis & tentationum & liberationum decurrentium usque ad revelationem gloriæ Dei in Christo. In Novo quoque Testamento analogæ quædam gesta sunt & geruntur. Sed non possumus ad ea, quæ geruntur in N. Test. verba Psalmi accommodare, nisi quum videmus similia illis, quæ in Psalmo posita sunt, evenire, aut quum Prophetias de Novo Testamento videmus cum illa Prophetia, quæ de Veteri Testamento proprie loquitur, concinere & conspirare. Sic ea, quæ posita sunt sup. Art. LXXXIII. non valent, nisi quatenus ex Prophetia constat, hæc isto modo à Deo temporibus distincta & descripta esse. Satiùs igitur hic quidem est attendere ad Prophetias, & si apparet, Deum à parvis initiis ad magna incrementa prodire, cogitare, quod Deus etiam in principio non uno die omnia absolverit. Conf. ex Part. I. Art. xxxii.

§. 87. Sed quia, licet in hoc Opere non persequar Prophetiam historicam vel legalem, nihilominus tamen in ipsa prophetia verbali sæpe occurrunt ex historia antiqua desumptæ
varie

variarum rerum futurarum imagines, de his quidem, h. l. notandum quod inprimis ante rem gestam sint revocandæ tales imagines, quæ quidem occurrunt in Prophetia, ad tenorem promissionis editæ in paradiso, & repetitæ Abrahamo ac Davidi, tanquam patri Christi; & juxta eum significatio earum exploranda; adhibendæ ad hanc scrutationem & reliquæ sunt prophetiæ. Sed nihil definiendum, nisi quum res gestæ ostendunt illud subjectum, cui omnia similia evenerunt, & cui verba Prophetiæ in veritate ac plenitudine sensus conveniunt. Vid. ad Psalm. 7: vers. 8. & add. ex P. 1. Art. modo citatus, itemque Art. xxxiv.

§. LXXXVIII. Sæpe etiam usu venit, in scrutatione Prophetiæ verbalis, ut interim talibus locis occurramus, quæ videntur posse & de typo id est de re vel persona aliqua Vet. T. & de analogato haud incommode explicari. Ex. gr. multi Psalmi, qui possunt & Davidi & Christo aut corpori ejus applicari. De his observandum est. 1. Non semper propter tenues lineas, quæ sunt in typo, verba Prophetiæ ad typum sunt revocanda. Vid. ad Psalm. 2. Nec displicet illud Augustini ad Psalm. 7. *Quoniam non ipsa historia considerata est, de qua Prophetia in mysteriorum velamen assumfit. Si transitum ad Christum feceris, tolle velamen.* Jure merito. Si enim aliquid in Davide & aliis sanctis est typicum & præumbrans aliquid majus, & hoc Spiritus S. per Psalmos nos docere voluit, & designare; quæ stupiditas erit cum Judæis velle hære in umbra: quum in ipso corpore & imagine possimus fulgidissimos in-
tueri

tueri radios, quibus omnis literæ potestas non sit satis. Imo ut cognoscamus, utrum Prophetia de typo, an de analogo loquatur, sciendum, esse præter morem Scripturæ, de typis loqui, & eos non indigitare. 2. Si possit commodè, & de typo prophetia, & de re per typum significata intelligi, utrique suo loco est applicanda. Qua ratione non mirabitur diligens Lector, si in hoc opere nonnulla deprehendat diversis subjectis distinctis locis applicata. 3. Si ex parte Prophetia fuerit verificata ante Christi adventum, & ex parte non, vel non ita plene, siquidem res gesta secundum plures & nobiliores circumstantias in analogo N. T. pateat, videri debet Spiritus S. magis analogum, quam typum indigitare voluisse, & in illius imagine quodammodo adumbrare. Unde intelligi potest, quare multa, quæ cæteroquin potuissent aliquatenus de rebus Vet. Test. intelligi, tamen omiserim, & ad Partem sequentem Operis, in qua agetur de rebus N. T. reservarim. Sicuti etiam vividius sine dubio efficere nos poterit talis applicatio, & plus consolationis afferre, si Spiritum S. tam evidenter appareat de rebus ad nos magis pertinentibus esse locutum; & gratior esse videtur illa applicatione, quæ rebus aut personis V. T. hariolando & sine certo ordine attribuit; certe non magis ingratum erit toties audire de rebus regni Christi, quam de rebus priscis, & tam ab usu, quam à temporibus nostris longe remotis.

§. LXXXIX. Nec tamen id impediet, quominus etiam in historia antiqua requiramus ea
sub-

subjecta, eaque tempora & conditiones, quibus aliæ atque aliæ partes Prophetiæ convenire utcunque & pro modulo illorum subjectorum & temporum videantur. Ex. gr. Psal. 118, potest David in quibusdam ut typus spectari, dummodo veritas sit in Christo, quum sit certum, Deum non tantum per verba, sed etiam per res nos docere.

§. XC. Imo non iverim inficias, licere hypothesin ad Thesin revocare, & sub nominibus earum rerum, vel personarum, vel locorum, quæ in Prophetiis de rebus non tantum Veteris, sed etiam Novi Testamenti commemorantur, subintelligere ea vel eos omnes, qui istorum opera imitantur, ad eosque verba Prophetiarum applicare. Vid. exempla ad Ps. 83. v. 1. & Ps. 119, fine.

§. 91. His addi debet, quod eo ipso, quo Prophetia de rebus N. T. sæpe utitur vocabulis typorum ac figurarum, hinc illa suo modo etiam ad typum applicari possint, atque adeo quis possit legitime ex eo, quod de re per typum significata dicitur, ad ipsum typum argumentari. Ita Christus ex Prophetica Esaia cap. 56:7. *Nonne scriptum est, domum meam esse domum precationis*, quæ prophetia non est impleta, nisi in spiritali significatione, recte colligit, domum illam manufactam, quæ est typus domus non manu factæ, institutam esse ad orationem, & aliis rebus, curis, occupationibus, non debere profanari.

§. XCII. Ac denique propter communionem Sanctorum David cum suis in eadem causa Dei intelligendus est, ex Psalm. 7: v. 1. &c.

U

coll.

coll. vers. 11. & insuper tanquam typus Christi & Ecclesiæ: imo tanquam Propheta & Doctor Ecclesiæ, qui non sine causa Psalmos suos in memoriam usumque perpetuum Ecclesiæ commendavit. Una scil. est causa capitis & membrorum, una vita omnium, unus spiritus. Quid igitur mirabimur, si unus de illo corpore, pater Christi, qui habet promissionem, æque ac Abrahamus, David, inquam, nunc pro se, nunc pro Christo, nunc pro omni Ecclesia loquitur! Qui etiamnum loquitur in choro cœlestium, quod in terra locutus est per Spiritum Dei? Clarissima indicatio est communionis sanctorum, quod Prophetis attribuuntur orationes sanctorum Novi Testamenti; & rursus in eorum sermonibus introducuntur feri loquentes verbis priorum. Nam quæ gratia prioribus exhibita est, toti Ecclesiæ exhibita est: Et in ea cognoscit Ecclesia Deum suum, Deum gratiæ, Deum miserationis, Deum veritatis.

§.XCIII. Propter eandem communionem capitis & membrorum quoque sit, ut non tantum David, sed etiam Christus, per communicationem se conjungens cum suis membris, eorum sermonem imitetur. Nam intercessor, qui aliorum desideria regi aut judici exponit, si æqua sint, aut illius, qui exponit, nota voluntas sit, videtur sibi petere, quod petit iis, quos amat. Et Christus bona nostra sibi petit, quia est caput nostrum, & nos ipsius corpus sumus. Nam quum se nominat, nos sibi conjungit: quod corporis est, suum dicit. Omnia beneficia Dei, quæ derivantur in electos &

& fideles, Christus in iis ut membris suis recipit, ut mercedem sui *δικαιώματος*. *Accipisti dona in hominibus*. Psalm. 68: 19. Hæc observatio in multis Scripturæ locis, præsertim Psalmorum, multum potest prodesse. Sed hæc obiter.

§. XCIV. Quum itaque Prophetia Verbalis sit Legali & Historicâ, ut simplicior, sic prior & facilior cognitu, & fundamentum reliquarum, de hujus inprimis sensu investigando nunc agamus. Hoc enim cognito, facile erit & de reliquis statuere. Jam satis constat, Prophetas V. Testam. non in uno tempore morari, sed neque res sui tantum sæculi describere, sed ultra illud se extendere, & quidem gradatim non modo usque ad Christum, sed etiam usque ad finem mundi progredi. Id quomodo faciant, nunc dispiciamus. Inprimis tenendum, quod est apud Esaiam cap. 46: 10. *Qui indico à principio extremum*. Innuit scil., Prophetiam principium & extremum per intermedia tempora conjungere. quemadmodum Matth. 24: vers. 8---14. *ἀρχὴ ὧδινων & τέλος* per intercedentia tempora conjunguntur. Et hinc fit mentio *temporum*: Ut *temporum gentium*, Luc. 21: 24. *temporum recreationis*. Act. 3: 19 designatorum scil. in veteri Prophetia.

§. XCV. Deinde observandum, id fieri *πωλυμερῶς καὶ πολυτρόπως*, multis partibus, sive vicibus, & multis modis. Heb. 1: 1. Non enim universa Prophetia est unum duntaxat & continuum corpus orationis, in quo uno tantum ordine ac serie antecedentia &

sequentia usque ad finem connectantur. Methodus Prophetiæ est à fine ad principia redire. Exemplum illustre vid. Mich. 4: 1 --- 7. & seqq. Itaque & eundem rerum ordinem sæpius fundit & multis modis: qui quidem omnes modi in eo conveniunt, quod ordinem sermonis ordini temporum perfectissime accommodent, nec confuse huc & illuc transilient, jam hunc articulum temporis jam illum explicantes; sed de cætero sunt valde diversi. Nam quod una Prophetia clarius & pluribus partibus, hoc altera brevius & quasi in compendio ad faciliorem distinctionem & ad memoriam firmiorem dicit. Rursus quod in una dicitur brevibus, hoc in altera dicitur pluribus: Quod in una figurate, in altera proprie: Cum una habet definitum, altera habet definitionem: cum una habet genus, altera habet species, & similiter. Interdum à principio est Propositio continens totius Prophetiæ *סוף ופ'ו* ita ut in seqq. sit Exergasia. Ut Esai. 21: 1. Psalm. 18: 2. 68: 2. 3. 4. Interdum Propositio habet titulum s. Rubricam; sæpius non. Est & ubi Titulus comprehensionem Propheticam indicat. Ut Es. 21: 1. *חזון קשה הנה לי* /

§. XCVI. Nec tamen putandum est, omnes Periochas, sive comprehensiones, ut ita dicam, Propheticas, a temporibus Prophetarum usque ad extrema decurrere. Sunt quæ ex abrupto agunt de certo notabili tempore, v. c. Babylonice captivitatis, aut apparitionis Christi, aut status Judæorum sub certo regno, aut Antichristi, aut Ecclesiæ exeuntis è regno
ipsius,

ipſius, & cum ipſius ira luſtantis, aut denique ad libertatem & regnum nitentis, & ſi quæ ſunt ſimilia inſignia Prophetiæ.

§. XCVII. Neque etiam putandum, ſemper & ubique Prophetas agere de futuris. Habent quandoque & *ἐπιποθέας* ſua & conciones, quæ commemorationem præteritorum habent, & mentionem temporibus Prophetarum convenientem, quæ ſunt a filo Prophetiæ diſtinguendæ. Tale *ἐπιποθέας* eſt apud Eſaiam cap. 1. & apud Hoſeam nonnulla; & paſſim alibi.

§. XCVIII. Item non eſt neceſſarium, ut putemus, Prophetiam ſemper abſolvere integram ſeriem, antequam ad priora redeat. Sunt enim & alia *ἐπιποθέας*, ubi antequam abſolvatur integra Præphetia, ſub nova ſpecie jam expoſita reponuntur in eoſdem fines exitura. Sic Apoc. cap. 11. eſt *ἐπιποθέας* menſurati templi, & duorum teſtium, tubarum jam explicatarum ſummam revolvens, & ſic in ſeptimam tubam ſe reſolvens. Ita Apoc. cap. 15. & 16. phialæ textui Prophetiæ innectuntur.

§. XCIX. Eſt & ubi ſuperior Prophetia accommodatur ad tempus Prophetæ; atque ita quaſi ex nova *ἀφορμῇ* deducitur Prophetia quaſi nova ſive explicatio ſuperioris Prophetiæ. Quæ interdum quidem ſub communi titulo comprehenditur, alias non. Sic notari poteſt, tredecim capita Eſaiæ a cap. 23. uſque ad cap. 36. nullo novo titulo, ſive lemma diſtingui. Probabile igitur eſt, ea ſub

communi titulo, qui est initio capitis 23. contineri. Atque etiamsi a cap. 40. omnes Prophetiæ ejusdem libri nullam superscriptionem habeant, ut quis etiam in his capp. putet novas Prophetias non distingui novis titulis: tamen quia usque ad cap. 23. Propheta istiusmodi titulis usus est, in eam partem propensior est ratio, ut si omnia cætera quadrent, una potius quam multiplex ratio esse videatur. Neque tamen ita esse unam Prophetiam, quæ cap. 23---35. continetur, dixerimus, ut perpetuo filo ab initio usque ad finem omnia decurrant; sed quod omnia ad unum titulum communem revocari possint & debeant. Ubi autem temporum continuatio sit, id signis satis evidentibus indicatur. Adverti autem potest, quinque priora capita usque ad cap. 28. coherere, ibi vero ex occasione ad priora fieri reversionem.

§. C. Quin etiam notandum, Prophetias sæpe proponi, ut historias, & quasi in *ἰστορίες* variam variorum temporum conditionem. In singulis autem articulis etiam posse reperiri verba tanquam commemorantia superiorum temporum gesta, vel etiam tanquam promittentia, comminantia aut prædicentia in posterum. Exemplum vid. ad Hos. 10: 2.

§. CI. Solet autem Prophetia à principiis ad extrema procedere per certos temporum & rerum in iis gerendarum gradus & articulos, ita aptos & conjunctos invicem, ut unus continuus temporum & rerum gerendarum tractus & decursus esse videatur, nec fieri ulla vel transpo-

sitio

fitio aut confusio, vel luxatio aut hiatus, vel anticipatio partium videatur: neque ea, quæ ultimo aut medio loco geri debent, primo, aut vice versa, ponantur, sed prima congruentia primis, secunda secundis, tertia tertiis, & rursus secunda subsequencia primis, tertia secundis, & sic deinceps, aptissimum ubique tum ordinem & ἀκολουθίαν, tum conformitatem & harmoniam suavissimam in oratione habeant. Id ita esse docemur, tum quia sic optime intelligitur, quomodo à principio extrema indicentur, tum quia Periochæ prophetiæ, in quibus extrema cum principiis per interjecta tempora junguntur, in Scriptura appellantur סדרות / *Series* sive *Ordines* rerum sibi succedentium. Ita enim Dan. 10: 1. *verbum revelatum Danieli* vocatur סדרות גדול *Series rerum magna*. Significatur enim hoc nomine Ordo rerum, & in specie ordo militiæ, in quo vigil in locum vigiliis, miles in locum militis venit, & quisque habet tempus suæ functionis aut stationis. Vid. Job. 14: 14.

§. CII. Ita sæpe accidit in Prophetia, ut populo attribuatur, quod populus distinctis temporibus facit personis variantibus secundum generationes. Sic Esai. 45: 11. *Ventura interrogaverunt me*, scil. patres vestri, sancti, prophetæ, & de opere manuum mearum præcepta dabitis mihi? Nec mirum id videri debet in Prophetia, cum nihil sit usitatus in communi sermone, quam ut eidem populo tribuatur, quod ei distinctis temporibus convenit.

§. CIII. Imo & hoc fieri necesse est in proph-

phetiis, quæ finem cum principiis jungunt, ut nomina propria rerum, personarum, populorum, locorum, urbium, &c. ad quæ vel de quibus sermo habetur in una ejusdem Prophetiæ parte proprie & literaliter, in alia improprie & spiritualiter sint accipienda. Quum enim, ut supra probatum, Prophetæ antiqui res non tantum sui sæculi, sed etiam Novi Testam. explicarent, nec vocabulis typicis abstinere, quid miramur, in uno sæpe contextu sermonis eisdemque Periochis eadem nomina non uno sensu distinctis locis ac temporibus accipi? & eisdem nominibus indigitari ea vel eos, qui priorum opera ac studia imitantur? Si, inquam, verum est, Prophetas Vet. Testam. non in suis tantum temporibus hæere, sed per omnem futuri ævi ac Novi Testamenti latitudinem exspatiari, quid in eo est absurdi, si dicamus ex. gr. Hof. cap. 1. & 2. usque ad vers. 16. sermonem esse de Israël antiquo & carnali usque ad ultimum ejus excidium & indurationem, quæ contigit sub Romanis: Inde à vers. 16. indigitari & compellari eam partem Israelis, quæeducta ex priori est Israel secundum promissionem succenturiatus veteri Israeli ascendenti ex Ægypto; & in ea reliquum statum Ecclesiæ Novi Testamenti usque ad finem sæculi explicari? Item Hof. 7: 8. 9. & 10. in quibus capitibus est rursus Periocha universalis, quæ à tempore Prophetiæ usque ad Christum, à Christi adventu primo ad finem sæculi decurrit, cap. 7. & 8. Ephraïmum intelligi proprie de illa tribu, quæ ante capt. Assyriacam & Babyloniacam defecit à regno & templo Dei; cap. 8.

versum

versu 3. post capt. Bab. Judæos intelligi, qui κατ' ἀναλογίαν illius prioris Ephrajimi à reliquis desciscientes in Ægyptum abierunt, ibique templum ad similitudinem Hierosolymitani ædificarunt. Postquam autem venerunt dies visitationis per adventum Christi, versu 7. rursus vers. 8. & seqq. propter similitudinem peccati Ephrajimum appellari Judæos refractarios & inobedientes, qui se Judæos religione appellabant, sed non erant. Post illorum autem dissipationem, cæteris paribus *Ephrajimum* denuo eandem ob causam indigitari eam partem populi Christiani, quæ variis hæresibus agitata prior à puritate doctrinæ Christianæ defecit, qualis fuit Ecclesia Græca, cap. 9. vers. 6. Denique interjecto tempore rursus Ephrajimum significare partem Ecclesiæ Evangelicæ sive in doctrina, sive in regimine à regula deflectentem, eadem analogia, & propter eandem causam vers. 11. Nemini, inquam, hæc incredibilia erunt, qui scient, & solere veteres Prophetas à suis temporibus velut initiis ad extrema excurrere, & Eliam, & Babylonem, & Ægyptum, & Davidem, & Sionem, & Tyrum, & multa alia πνευματικῶς poni persæpe, & aliquid saltem analogum significare.

§. CV. Id, inquam, facile credemus, si attendamus, esse talia nonnulla, quæ non possunt aliter ad historiam applicari, nisi supponantur habere mysticam significationem, atque etiam in eadem Periocha à proprio & literali significata esse mutata in figuratum. Prioris generis exemplum esto *Edom*. Per eum dicimus

aliquando literaliter intelligi posteritatem Esavi, aliquando gentem Judaicam profanitate simili Esavica primogenita sua calcantem, Idumæis mixtam, ad Idumæis rectam, persecutricem fratrum suorum, Christi & Apostolorum, atque ita nominatim accipi Es. 34: Jer. 49. Ezech. 35. & in Obadia: quomodo & Hieronymus recte hic accepit; *qui sunt amici Christianis, & persequuntur fratrem suum Jacob, populum supplantatorem; qui illis primogenita præripuit.* Id probatur 1. Quia est, ubi necessario debet, nec potest aliter accipi, ut Es. 66: 5. 6. 2. Quia evidentissimum est, & supra omnem ἀντιλογίαν, eo tempore, quo Edom cum Judæis junctus fuit, nondum impleta omnia in eum pronunciata oracula, & quum Edom non nisi in Judæis esset, non potuisse nisi in Judæis & cum eis judicari. 3. Quod Christus non prius esset revelandus, quam Edom Judæis esset admixtus. Debit enim exhiberi tum, quum Edom esset hereditas & Seir, inimici Israelis. Num. 24: 18. 19. *Et fiet Edom hereditas, & fiet hereditas Seir inimici ejus; & Israel aget strenue.* Et, h. e. tunc, dominabitur aliquis ex Jacobo, qui perdet superstitem de urbe. Id est Christus, qui & Hierosolymam & magnam illam civitatem in Prophetiis de cantatam penitus aboliturus est. Hebræi contendunt per Edom significari Romanos, & cum iis Christianos, quorum Metropolis ipsis videtur esse Roma. Et sane valde antiqua est illa in Synagoga sententia, per Edomum in multis Prophetiis intelligi Romanum imperium, quod vix aliter in Talmude nominatur, atque

וְיִשְׂרָאֵל

מְלִכּוֹת אֲדוֹמִי *Imperium Edomi*, vel רְשָׁעָה מְלִכּוֹת *Imperium improbum*. Haec tenus ergo fatentur, alicubi statuendum ænigma & denominationem unius populi nomine alterius.

§. CVI. Posterioris instar est *Moab*, subjectum Prophetiarum Esai. cap. 15: 16. & Jerem. 48. In his dicimus partim Moabitas genuinos, nempe Es. cap. 15. toto, & Jerem. 48: 1---28. partim, ubi Prophetia ad citeriora tempora progreditur, ut Esaiæ cap. 16. & Jerem. 48: 29. & seqq. Israelitas tum infessores Moabitidis, tum religione, superstitione, animoque Moabitis conjunctos, ut post capt. Bab. fuerunt, intelligendos esse. Quia enim Moabiticæ quædam urbes Judaismum receperunt sub Hyrcano filio Simonis, & alioqui Judæi tempore Christi per Moabitiden habitarunt, satis perspicuum est, sub nomine Moabitarum in hujus temporis consideratione omnes Judæos posse intelligi. Quod & Lutherus voluit. Nec tantum posse, sed etiam debere sic accipi, hinc manifestum est, 1. quod Es. 16: 5. expressa est mentio regni in domo Davidis confirmati, quod non potest esse nisi regnum Christi. 2. Quia cap. 16: 13. Esaias provocat ad Prophetias ante editas de Moabo, verbi causa Moosis, Davidis. At de Moabitis parum admodum Deus locutus est ante Esaiam, de Israelitis autem habitantibus in locis Moabitarum, & communem cum ipsis cultum externum, communia peccata habentibus, omnia eadem.

§. CVII. Dum autem sic à propria significatione ad emblematicam & figuratam transitur, & variis subjectis hæc applicatur, cavendum

est. 1. Ne ab alio genere rerum hæc desumatur, quam ab iis, quæ primitius hæc nomina ceu proprias appellationes gesserunt, quæque in S. Historia claram expositionem habent. 2. Ne ratio communis emblematica mutetur; quam ubi retinent, quamvis mutatis subjectis, quibus applicantur, emblemata tamen manent eadem, nec mutari censentur. Ex. gr. quamvis nomen Ephraïmi tam variis subjectis, ut ante visum, applicetur, non tamen idcirco emblematis hujus communis ratio ullatenus mutatur. Semper enim notat partem populi Dei, quæ vel doctrinæ aut regiminis vitio, vel studio oppugnandi fratres, veteri illi tribui se assimulat. Sic regnum humanum, Idololatricum, admixtum habens populum Dei idololatriæ, omnia regens astu & vi ad populum Dei in servitutem & communionem peccati & abnegationem justitiæ, & regni Christi, subigendum, induratum contra verbum & plagas Dei, Ecclesiam mirabili potentia Dei & plagis multis liberatam retrahens, denique horribili modo interiens, ænigmatice *Ægyptus* in Scripturis appellatur. Id imperium est. 1. Gentile Romanum, quod persequabatur Christianos. 2. Hujus tradux quoad potestatem politicam & hæreditatem persecutionis, Roma, & potestatem in ea habens Papa cum Imperatore & regibus. Vid. Apoc. 11: 8. ubi magna civitas dicitur *in Spiritu* h. e. ænigmatibus Prophetiis, appellari *Ægyptus*. Eadem omnium aliorum emblematum est ratio. Facile enim est in his omnibus rationem aliquam communem, quæ omnibus subjectis eodem nomine designa-

tis

tis ex æquo conveniat, invenire, ac retinere; neque idcirco emblemata mutantur, quoties sic diversis subjectis applicantur.

§. CVIII. Quamvis autem sic, uti ostensum, Prophetia per certos temporum gradus & articulos à principiis ad extrema excurrat, non tamen est necesse, ut id omne, quod proponitur in Prophetia, ad certum aliquem temporis articulum pertineat. Sunt quædam in Prophetia non unius temporis, sed vel sunt omnis temporis, vel saltem diutius durant, antequam finem ac impletionem suam habeant: Et fere semper usu venit, ut præmittantur ea, quæ continent Summam sive Propositionem eorum omnium, quæ deinceps particulatim explicantur. In horum ergo applicatione non tantum de uno tempore & unò implemento cogitandum est, sed fini atque initio applicari, imo ad diversa subjecta referri possunt. Exempla vid. Psal. 2: 2. Hos. 13: 12. Coll. 1. Cor. 15: 55. Hab. 1: 5. coll. Aët. 13: 14. & rursus Hab. 1: 5. col. 1. coll. 2. Reg. 16: 8. 9. 10. & Joh. 19: 12. 15, item Hab. 2: 3. coll. Heb. 10: 37. 38. Sic Matth. 13: 3. 24. 31. 33. 44. 45. 47. septem parabolæ à Christo proponuntur, quibus excepta prima præmittitur præfatio: *Simile est regnum cælorum.* Unde apparet, primam parabolam pertinere ad omne tempus, quo prædicatur verbum Dei in mundo; cæteras exhibere aliquem typum, faciem ac conditionem Ecclesiæ Novi Testamenti, ita ut in illis sit Prophetia de rebus in regno Christi distinctis temporibus eventuris.

§. CLIX. Fieri etiam potest, ut verba Pro-
phetiæ

hetiz & omni tempori & certo temporis articulo convenient. Ex. gr. Psalm. 110: 2. In his utraque interpretatio conjungenda est generalis & Periodica, in thesi & hypothefi.

§. CX. Non ergo eodem articulo temporis omnia, quæ in Prophetiis continentur, sunt conjungenda, sed successive multa sunt intelligenda, quæ sunt distinctorum temporum. Hi temporum ac rerum gerendarum articuli inter se certis insignibus ac notis ipsi orationi propheticae impressis distinguuntur. Ne jam dicam de septiformi distinctione sæpius iterata & variis modis in Apocalypsi; quæ etiam non ad articulos, id est gradus temporis minores, sed ad Pericopas, id est gradus majores demonstrandos est instituta: Frequentissima atque ordinaria fere distinctionis nota est conjunctio *Et*, quæ ad sequelam & seriem rerum indicandam ita adhibetur, ut simul distinctionem faciat, & consecutionem proprie notat. Vid. Dan. c. 11. toto. Pleniores autem & magis expressæ distinctionum notæ sunt hæ: *In die*, vel *In illo die*, *in die*, *quo*, &c. Vid. El. 2: 20. 14: 3. 19: 16. 18. 19. 23. 24. 27: 1. 28: 5. Ezech. 29: 21. Obad. vers. 8. Mich. 2: 4. 4: 6. 5: 9. 7: 11. Zeph. 3: 11. 16. Hagg. 2: 23. Zach. 12: 4. 6. 8. 9. 13: 1. *In tempore illo*. El. 18: 7. Jerem. 31: 1. Dan. 12: 1. Zeph. 3: 19. 20. *In diebus illis & in tempore illo*. Joh. 3: 6. *Et erit*, vel *fiet*, *in die illo*, El. 7: 23. 10: 20. 11: 10. 12: 1. 4. 17: 4. 7. 9. 23: 15. 25: 21. 27: 2. 12. 13. Jer. 24: 6. Hof. 2: 18. 23. Mich. 5: 19. Zeph. 1: 10. 3: 16. Zach. 12: 3. 13: 2. 14: 6. 8. 13. 20. *Dies est* &c. Mich. 7: 11. 12. *Tunc* Psalm. 51: 21. Esai. 35: 5. 6. Dan,

Dan. 2: 35. 7: 11. Mich. 3: 4. Hab. 1: 11. Mal. 3: 15. Et sic in Evangelio τοῦτε, Matth. 24: 9. 10. 14. coll. 16: 23. 40. item cap. 25: 1. *Nunc* Es. 33: 10. Hof. 8: 13. 15: 2. Amos. 6: 7. Mich. 4: 9. 11. 14. 5: 3. 7: 4. 10. Nah. 1: 12. πάλιν, *rursus*, q. d. alio atque alio tempore Matth. 13: 44. 45. 47. &c. Quæ omnia aliquando quidem congruentiam, sæpius tamen sequelam & ordinem in sermone Prophetico designant. Huc refer præfationem, *simile est regnum cælorum* quam ad designandam aliam atque aliam faciem Ecclesiæ sub Novo Test. de Christo adhibitam in parabolis paulo ante advertimus.

§. CXI. Sed omnium clarissime hic ordo exprimitur per *Postea, Post illa*. Ut Es. 1: 26. Dan. 7: 6. 7. Mich. 3: 4. *Et erit post illa*. Joh. 3: 1. *Post septuaginta annos*. Esai. 23: 5. *Post septimanas illas sexaginta duas*. Dan. 9: 26. *Et post te surget*. Dan. 2: 39. &c.

§. CXII. In quibus autem Periochis hæ notæ non apparent, facile per comparisonem aliarum Prophetiarum, & rerum ipsarum diversitatem aliis atque aliis partibus sermonis Prophetici expressarum, aut ex modo elocutionis & figuris dictionis diversis aut constructionis varietate, eas intelliguntur habere. Sic ea, quæ in versibus 2. 3. 4. Psalmi 85. dicuntur, non est necesse accipere, ut συναθροισμὸν, quasi idem sæpius dicatur. Libentius illa distinguimus secundum diversa tempora, quibus Deus gratiam suam exhibuit. Item Psalmi 9. diversarum partium exempla ex diversi temporis historia lubenter petimus, sequentes ordinem &

ἀπολυσ-

ἀκολουθίας articulorum in claris Prophetiis designatorum: Nam cur non suspicemur, Davidem in spiritu eadem delineasse Ecclesiæ in regno Christi certamina, quæ & alii Prophetæ delinearunt? Notandæ itaque ac deligendæ sunt Periochæ propheticæ insigniores, quæ ordinem rerum V. & N. T. clarius ob oculos ponunt, ut cum usus postulat, ad eas referri aliæ & componi ad scrutationem atque intelligentiam earum possint. Talis est ex. gr. ea, quæ habetur Mich. 4. à versu 8. usque ad cap. 6.

§. CXIII. Sed Psalmus 93. & iteratione phraseos, & mutatione temporis, & mutatione phraseos, satis indicat, oppugnationem regni Christi nec unius temporis esse, nec unius modi, aut per eosdem. Huc pertinet, quod solent Rabbini, quando idem bis videtur repeti, statuere, id diversi temporis esse designationem. Cujus regulæ vid. exempla Esai. 2: 11. 17. 40: 1. Obad. vers. 15. Item quod dicunt, *Scripturam nunc* כִּנְיָ לְדִירֵכֶה, h. e. per directam compellationem, *nunc* כִּנְיָ לְאֵלֹהִים non directæ, h. e. non compellando, tanquam de tertio, loqui: quamvis non æque semper commode ab ipsis hoc axioma applicetur. Vid. ad Ps. 145: 12.

§. CXIV. Sed magis insignis est distinctio temporum indicata per diversa schemata & figuras orationis. Quia enim Prophetia res diversis temporibus gerendas à primis ad ultimas uno ambitu sermonis complectitur, & hæ sunt sæpenumero valde diversæ, hinc etiam fit, ut pro diversitate rerum, sermonis etiam Prophetici forma in diversis Pericopis & Articulis sæpe variet,

variet, & sit una pars ab alia valde diversa. In multis Psalmis Propheticiis id obtinet, in quibus oratio una affectum diversum diversis conditionibus accommodatum tanquam in uno rei gerendæ theatro exprimit. Quia enim Psalmi illi, ut & reliquæ Prophetiæ, plures Periodos temporis comprehendunt, hinc fit, ut mutato Ecclesiæ statu mutetur etiam sermonis genus, & querimoniarum, sollicitæ atque anxie preces, desideria ac vota, gratiarum actiones, ἐπὶνῆτοι acclamationes, &c. sæpe misceatur, prout scilicet tempora alia aliis successerint. Tales sunt Psalmi 28. 67. 94. 116. & similes.

§. CXV. Et facilis quidem ex dictis hujusmodi est textuum periodicorum resolutio, si quis attendat. Nihil enim aliud significatur, quam Ecclesiā cum aliis atque aliis querimonis, sive de ejusdem generis malis, sive de similibus, cumque gratiarum actionibus vel diversis vel similibus (ut Psalmo 116. versus 13. 14. itemque 17. 18. conveniunt.) introducitur, quam hoc, Ecclesiam post unam tentationem in aliam venturam, & ex omnibus liberandam esse, eaque de causa talem affectum communiter in fidelibus exiturum esse, qualem verba Prophetiæ exprimunt. Hoc autem futurum esse toties, & tot modis, & in tali ordine: quoties & quot modis, qualique ordine Prophetia Ecclesiam loquentem introducit.

§. CXVI. Sic itaque ipsa desideria ac vota Ecclesiæ in S. literis à Spiritu Dei sunt ante descripta; qui gemitus & verba à Deo exau-

Y

dienda

dienda ad fiduciam orandi & sperandi constantiam dictavit. Ut certissime hinc constet, ea esse à Spiritu Dei, & æque valere apud Deum, atque si Christi ipsius essent propter ipsum & spiritum ejus, qui est in ipsis: & jure potuerit dicere Apostolus, αὐτὸ τὸ πνεῦμα ὑποσπᾷνε ἡμεῖς συναγμοῖς ἀλαλήτοις. *Ipsè Spiritus pro nobis intercedit sine loquela gemitibus.* Rom. 8: 26. Quod Ecclesia sic orat, secundum voluntatem Dei orat, & scit se à Deo obtinuisse. Nam hisce gemitibus Spiritus hos dictans & excitans pro Ecclesia intercedit.

§. CXVII. Et quidem sic solet Prophetia diversi temporis cogitationes & sermones in una plerumque oratione conjungere. Ecclesia enim omnium temporum velut una est, quæ pro diversis occasionibus aliud atque aliud loquens introducit. Sed & orationes Propheticæ πολυπόσοποι sunt multæ. Tanquam in cœlesti concilio, ita in sermonibus Propheticis sæpe occurrunt δῆλογισμοί, & nunc hæc nunc illa persona introducit loquens, velut in dramate. Talis δῆλογισμός perpetuus est in Cantico Canticorum. Item in Psalmo 2. & 16. Add. & Ps. 87.

§. CXVIII. Quia autem res ita agetur, quemadmodum præscriptum est in Prophetia, hinc sæpe solet Prophetia in rem quasi præsentem venire, & de re quasi præsentī loqui. Igitur & in Prophetia non solum verba futuri temporis, sed etiam præsentis & præteriti, usurpantur de rebus futuris, quas Prophetæ in spiritu vident. Ut propterea, quod sæpe Prophetæ induentes
ani-

animos & usurpantes verba eorum, qui res præsentes visuri essent, loquantur de rebus repræsentatis in visione tanquam præsentibus vel præteritis, & verba aptentur tempori ὡς ἀποκαταστασιως sive repræsentationis rerum futurarum, ipsos non de futuris loqui non sit putandum. Add. sup. Art. C.

§. CXIX. Et in hoc quidem genere interdum usitatum prosoopœiæ procœmium præmittitur, v. g. *In illo die dices talia.* Ut Esai. 14: 3. 4. Sed sæpius tamen illud omittitur. Unde etiam fit, ut Prophetæ aliquando aliena verba sic assumant, ut de se ipsis plane non loquantur, ne ut typis quidem. Yid. Esai. 49. à vers. 1. nominatim vers. 6. & cap. 61: 1. 2. & sic pluribus in locis. Nam prosoopœiæ istæ apud Prophetas ἀνέφαλοι sunt multæ. Quia nempe ut, quum res geritur, tales sermones audiuntur, vel saltem audiri possunt, sine omni nomenclatore, qui indicet, quis ille sit, qui loquitur; ita Prophetæ in visione sermones audiunt & renunciant.

§. CXX. Hinc porro quoque est, quod tam sæpe pronomen διικτικόν loco nominis expressi puta personæ, vel civitatis, &c. sit adhibitum in Prophetia. Quia enim Prophetæ loquuntur de rebus quasi præsentibus, loquuntur ad eum modum, ut solent ii loqui, qui in rem præsentem veniunt, qui etiam digito demonstrare possunt ea, de quibus loquuntur; ita scil. ut non exprimant id, quod indigitant, sed subintelligendum lectori vel auditori rebus exstantibus relinquunt. Exempla vid. Ps. 12:

8. 119. 127. 128. 149: 6. & passim alibi. Huc refer, quod de ellipsi usitata nominis agentis sive subjecti in lingua Hebræa est observatum Part. I. Art. LIX.

§. CXXI. Adduntur quandoque & numeri annorum, ad eosque in certa prius intervalla certosque articulos descriptos ac digestos ordo rerum dirigitur in Prophetia, indicato interdum & initio executionis earum, & quo quidque temporis intervallo sit gerendum. Ut nominatim Daniel. cap. 9: vers. 24: 25, 26. 27.

§. CXXII. De his temporum mensuris sæpe interpositis Prophetiæ, ad eam distinctius cognoscendam, hic notandum 1. Eas non semper accipiendas proprie, quod docet Esaias cap. 16: vers. 16. ubi facit mentionem *annorum, quales sunt anni mercenarii*; alios esse annos innuens, qui non sint eodem modo intelligendi. 2. *Annum* semper valere in Scriptura 360. & *ensem* 30. dies, quemadmodum constat ex historia diluvii. 3. *Annum* comparari *diei* in Prophetia. Vid. Ezech. 4: 4. 5. Quemadmodum enim dies alter fit, quando ad nos redit Sol: ita quando Sol tale tempus iterum facit, positus in eodem loco Zodiaci, novus quasi dies est. Et hinc dies *mille ducentos & nonaginta*, Dan. 12: 11, & *dies mille ducentos & sexaginta*, Apoc. 11: 3. 12: 6. nemo dubitaverit esse totidem annos, quibus nempe *mille anni* inclusionis Satanæ alibi designati (Apoc. 20: 2, 3. 7.) includantur, 4. *Septimana* ex analogia, id est septem dies, sunt septem anni; & *septuaginta septimanae*, 490. anni, Dan. 9: 25. 5. *Mensis*, id est tri-
ginta

ginta dies, eadem ratione sunt triginta anni, Zach. 11: 8. & *mensēs quinque anni 150. cruciatur locustarum*, Apoc. 9: 5. 10. & *mensēs quadringinta duo*, Apoc. 11: 2. 13: 5. *dies* id est anni *mille ducenti & sexaginta*, ex Apoc. 11: 3. 12: 6. Et *dies* rursus pro *anno*, id est pro 360. diebus, sive annis; siquidem *dies tres & dimidiū* Apoc. 11: vers. 9. sint dies sive anni 1260. de quibus jam demonstratum.

Nec tamen hæc sunt perpetua. Nam est ubi *annus* ænigmatice non 360. dies sive annos, sed in genere magnam aliquam temporis periodum, nempe spatium 10. annorum, videtur significare, & *septem anni* 70. annos, ut Ez. 39: 9. coll. Es. 23: 14. & *septem mensēs* eadem analogia 5. annos & 10. mensēs. Ibid. Ezech. 39: 12.

§. CXXIII. Adde quod non semper soli numeri omne intervallum inter terminum inchoantem & finientem amplectuntur. Sed vel temporis qualitas aliqua numerum supplet, vel quod excedit numerum, in Divinâ potestate ponitur, ut *non minus* definito tempore spatium notificatum intelligatur, reliquum vero parvum fortissis, reticetur. Qua ratione omnis circa exoticæ historiæ discordiam scrupulositas tollitur. Reliqua de numeris prophetis vid. inf. Art. CL. & LI.

§. CXXIV. Superest hic notandum, quod Prophetia præterquam quod de futuris aliquando figuris utatur & typis sive vocibus, quæ sunt figurarum & troporum, quod etiam quandoque, ut supra ostensum, rem & figuram misceat; utatur ut plurimum terminis in-

definitis, ita ut momenta temporum, locos, personas, aliasque circumstantias & species rerum reliquerit in Dei potestate; sed his tam aptis tamen & commodis, ut implementis exstantibus & formis rerum, ad has significandas singulariter delecti, neque accuratiores ulli inveniri aut exoptari posse videantur. Sic *prævidens Scriptura*, quod *ex fide justificet gentes Deus*, *promisit ante Abrahamo, benedicetur gentes in te.* Gal. 3: 18. ex Gen. 18: 7. *Dixi ut plurimum.* Nam interdum & personas nominatim expressas legimus; ut Esai. 8: 2. 44: 28. 45: 1. 4. Matth. 23: 35. & initium executionis rerum gerendarum, & quo quidque articulo sit gerendum, simul indicatum; ut Matth. 24: 3. 15. 34. Add. Matth. 16: 28. Sed id rarius est. Sunt & nonnulla, quæ prorsus Scriptura nos voluit ignorare; ut dies & hora adventus Christi, Matth. 24: 3. & quæ sunt alia ejusdem generis.

§ CXXV. Sed nos jam reliqua componamus, & postquam demonstravimus, solenne esse Prophetis, ut à primis, quibus vixere, temporibus ad ultima ordine & gradatim procedant, idque faciant multis vicibus & modis, terminis quidem ac vocibus quoad modum & circumstantias rerum gerendarum, vel indefinitis, vel ænigmaticis, aptissimis tamen ad res suo tempore exstantes significandas, & ordine ac partibus sermonis ordini ac partibus temporum ita accommodatis, ut una continua rerum futurarum historia esse videatur: Jam nunc videamus, quæ sit ratio Prophetiarum interpretandarum, & veri earum subjecti in unoquoque Articulo reperiendi. Et

Et ad sensum quidem indefinitum ac generalem sermonis Prophetici, quique in verbis ipsis & contextu orationis proxime atque immediate resideat, inveniendum, nobis ministrabunt, 1. Analogia fidei ac testamenti divini, id est quod de mysterio salutis & fœdere Dei ex Scriptura didicimus. 2. verborum proprietas. 3. Phrasium & sententiarum conformitas. 4. Scopus & series antecedentium & consequentium, & cætera omnia, quibus sensus cujusque partis orationis solet ac debet investigari, de quibus in parte superiore hujus Hermeneuticæ est satis superque demonstratum.

§. CXXVI. Ut autem suum cuique Prophetiæ subjectum assignemus, quo sensus definitior reddatur, adhibendus § & canon sive historia temporum, & ordo temporum cum ordine sermonis est comparandus. Hic enim locum habet illud Irenæi: *Omnes Prophetie priusquam habeant effectum, enigmata & ambiguitates sunt hominibus: cum autem venerit tempus & venerit, quod prophetatum est, tunc Prophetie habent liquidam & certam expositionem.* lib. 4. cap. 43. Et faciendum, quod Cyrillus in expositione Prophetiarum oppido necessarium existimat: *Χρῆναι δὲ φημι, inquit, τῆς διόλοντας διωτράνῃ τὰ ἕως ἰχναὶ καὶ αἰνιγματώδη ἢ θεωρημάτων πλάτῃ δὲ λανθοῦσας ὁμματα φειλαθρεῖν ἐπεὶ γὰρ καὶ μάλα εὐφρόνως τῷ το μὲν τῷ ἰσορίας τὸ ἀκρεβίς, τὲτο δὲ πνευματικῆς θεωρίας τῶν ἀπόδοσι*
ἵνα

ἵνα πανταχόθεν τοῖς ἐντυξομένοις ἐμβαλῇ τὸ
 ὠφελεῖν, καὶ ἡ τῶν περὶ χειρῶν ἐννοία
 διασάφαις εἰδὲν ἔχουσα ἐνδείξις διαφαίνεται.
 Ob oculos, inquam, habenda sunt omnia ea,
 quæ ex historia superiorum temporum constat
 in populo Dei & reliquo mundo tam sub Vet.
 quam sub Novo Testamento usque ad tem-
 pora nostra esse facta, & his cum Prophetia
 collatis tentandum, num eodem ordine, quo
 gesta sunt possint verba Prophetiæ Ecclesiæ,
 aut illis, de quibus prædictum, sive in Ec-
 clesia sive extra eam, proprie vel typice sump-
 ta, sine ulla contorsione, in maxima empha-
 si applicari. Quum enim, ut jam sæpius est
 dictum, Prophetæ omnes statum mundi &
 Ecclesiæ describant usque ad consummatio-
 nem sæculi, quid ad earum intelligentiam
 est efficacius, quam lumen historiarum? &
 quum eodem ordine singula prænuncient, quo
 sunt gesta, quid est promptius, quam ut sin-
 gulos rerum articulos, prout sibi succedunt &
 succenturiantur in historia, ordini verborum
 applicemus? Ut ita in distinctione ac diges-
 tione temporum ad ordinem historiæ ac re-
 rum gestarum tota ratio solidæ Prophetiarum
 intelligentiæ consistat.

§. CXXVII. Ut autem à simplicissimis ac
 facillimis cognitu initium fiat & habeat me-
 ditatio nostra aliquid certi, à quo omnis ex-
 positio factorum oraculorum, ut à prima ori-
 gine expulleet, & inde ad reliquas partes de-
 rivetur, primum omnium considerare oportet
 id, quod maxime in Prophetia universa-
 le

le est. in quo explicando est omnis occupata, ex quo descendit, & vitam quasi ac formam ducit omnis Prophetia. Facile autem apparet ex iis, quæ supra Art. LVII. sunt dicta, id perpetuo agere omnem Prophetiam, ut explicet *Diem Domini*. Per hunc diem primum est intelligere totum tempus gubernationis mundi & Ecclesiæ, hunc tandem exitum habens, ut Deus solus sit magnus, & agnoscatur ac celebretur, id est revera regnet in toto mundo & Ecclesia. Nihil prius, nihil facilius, ubique hoc regno Dei occurrit in omni Prophetia; hoc ejus initium est, & medium, & finis; in regno Dei tanquam ultimo actu Divino gubernationis in mundo & Ecclesia omnis comprehensio, &, ut ita dicam, scena Prophetica terminatur. Ut non possit videri esse ordine instituta ea interpretatio Prophetiarum, quæ non sit facta intuitu hujus regni, ejusque majestati ac magnificentiae non sit quodammodo attemperata.

§. CXXVIII. Post designatum hunc diem magnum, utpote omnia sæcula à condito mundo ad consummationem eorum complectentem, notanda est ejus primaria & maxime universalis dispartitio in Prophetia. Hæc enim similiter ut simplicior ac facilior cognitu reliquis, est prius vestiganda. Hic vero in V. Test. nullam invenimus Periocham ex iis, quæ principium & finem per intermedia connectunt, quæ non in duas inprimis partes majores sive duo tempora distribuat sese. Ita enim diserte Esaias duo tempora distinguit; unum; quod appellat *Tempus primum*, sive *prius*, alterum, quod

quod *posterius*. Es. 8: 23. Item Prophetia meminit *Temporum*, Dan. 7: 25. & 8: 19. Hab. 2: 3. *Annorum*, Hab. 3: 2. Es. 61: 2. *Dierum*, Jer. 17: 11. & S. Paulus *Sæculorum*; quorum alterum jam ad finem vergens vocat *Sæculum hoc*, 1. Cor. 2: 6. 8. Eph. 1: 21. alterum, quod jam instabat ac præ foribus erat, *Sæculum futurum*, Eph. 1: 21. Qui & *presens tempus* vocat id tempus, quo sacrificia offerebantur; Hebr. 9: 9. & Ecclesiam N. T. in plenaria libertate agentem *Habitabilem futuram*. Hebr. 2: 5.

CXXIX. Hæc tempora non tam numerando sæcula & genealogias, quam conditiones vetusti temporis à novo removendo, discernenda sunt. Nimirum decretum Dei, quod habuit ab æterno, de regno inter homines erigendo, cujus decreti exsecutio, consistens in certa gubernatione hominum, *Dies Jehovahæ* appellatur, duplicem generalem admittit œconomiam, prout duplici ratione Deus exsequi hoc decretum moliebat: 1. Quatenus per judicia & beneficia singularia, quibus videretur posse ac debere homo lapsus & carnalis, si quid in eo sit virium ad se convertendum ad Deum, & dignum faciendum gratia ac salute æterna, ad id faciendum potenter excitari, necessitatem gratiæ ac doni cœlestis tantisper differendi, erat manifestaturus. 2. Quatenus exhibita jam causa salutis, & Christo per passionem consummato, ingentibus iterum judiciis erat vindicaturus eos, qui tantam salutem negligunt, & profligatis tandem omnibus iis, qui veritati in Evangelio patefactæ non obediunt

diunt ac resistunt , regnum amplissimum occupaturus in toto mundo. Pro hac duplici Oeconomia duo sunt tempora gubernationis mundi & Ecclesiæ , quorum utrumque suis characteribus insignitur & ab altero distinguitur in Prophetia. Nimirum alio atque alio respectu prius tempus sive annus Promissionis , posterius tempus sive annus Evangelii , sive Annunciationis ; prius Iræ & Excandescentiæ sive Severitatis , posterius Gratia ; prius Tolerantiæ , posterius Iræ sive Ultionis ; prius Visionis , scil. secundum spem , posterius Obsignationis Prophetæ , aut Visionis scil. secundum rem , &c. appellatur. Quæ omnia diligenter sunt notanda discipulo prophetiæ , antequam ad alia applicet sese.

§. CXXX. Et notatu dignum est , uellam esse insigniorem Periocham in V. Test. in qua non hæc prima distinctio temporum habeat locum. Omnes enim à temporibus Prophetarum 1. usque ad Christum , deinde à Christo usque ad finem sæculorum progrediuntur. Ut ita , quod fieri debere ex dictis patet , Christus ubique inter hæc duo tempora , sive , ut loquitur Scriptura , Hab. 3: 2. *in medio horum annorum* , inveniatur ; ne quis putet , in Christi adventu & beneficiis quibusdam generalibus Novi Test. Prophetiam V. T. terminari.

§. CXXXI. Ab hac prima distributione bimembri videndum est , in analysi Scripturæ , ecquæ ulterior sit distributio facta , tam hujus , quam illius temporis , in Prophetia. Et reperiemus inquirendo , utrique Tempori jam notato iterum sua assignari tempora minora ,

h. e. *dies*, *annos*, *septimanas*, *mensēs*, ut totidem gradus & progressus, per quos paulatim ad consummationem alterutrius eatur. Sic priori adscribuntur *Tempora*, Dan. 9: 25. *Anni*, Zach. 1: 12. 7: 5. *Septimanae*, Dan. 9: 25. 27. *Mensēs*, Zach. 11: 8. *Dies*, Dan. 10: 14. Mich. 4: 1. ubi simul extremum s. finis iisdem adscribitur. Posteriori etiam designantur sua *Tempora*, Dan. 7: 25. 12: 7. cum Ap. 20: 3. *Anni*, Es. 23: 15. Ap. 20: 2. 3. 7. *Mensēs*, Ap. 11: 2. 13: 5. *Dies* Dan. 12: 11. 12. Ap. 2: 10. 11: 3. 9. 12: 6, Imo *Horæ* Apoc. 8: 1. Ut hinc etiam appareat, non pati hanc distributionem, ut in uno vel altero tempore in generalibus quibusdam vel iudiciis vel beneficiis, quæ uni tempori non magis quam alteri convenient, subsistamus atque immoremur.

§. CXXXII. In his temporum gradibus ac membris iterum facto à primo generali tempore initio, discipiendum, quot & qualibus rerum gerendarum articulis, tanquam notis & characteribus, illud distinguatur. Et facile intelligemus, conditiones prisci temporis, quibus tanquam notis illud distinguitur, consistere in beneficiis & iudiciis, quæ Deus decreverit, ut in reliquum mundum, sic præcipue in populum selectum exercere. Hæc ergo beneficia & iudicia, ut sui quique temporis characteres in Divinis oraculis diligenter scrutandi sunt ac notandi.

§. CXXXIII. Hinc gradu facto ad tempus alterum, quod est revelatæ salutis, illud quoque omnibus suis characteribus & signaturis diligenter à Prophetis annotatum ac descriptum esse advertemus.

§. CXXXIV.

§. CXXXIV. Quin etiam ut hæc meditatio tanto plenior ac facilior existat, operæ pretium est, ut siquidem in descriptione utriusque temporis, sive in Prophetia, sive in Historia, Spiritus S. designaverit partium quarundam majorum distinctas quasdam notas ac cæsuras, has prius annotemus, & suis characteribus distinctas, prout partium ordo requirit, disponamus, antequam ad singulos rerum gerendarum articulos, qui sub iis debent contineri, accedamus. Hæc membra atque intervalla majora Propheticæ orationis à reliquis præcisæ, & suos seorsum Articulos, per quos à principiis per intermedia ad fines quæque suos progrediantur, habentia, *Pericopas*, & *Periodos*, appellemus licet. Sic notum est, Apocalypsin totum tempus Novi Testamenti in septem Periodos, quas modo *Sigilla*, modo *Tubas*, &c. appellat, distribuere. Item S. Matthæus cap. I. totum tempus expectationis Christi in diversos status populi apte distribuit; idque ut Deum paulatim ad regnum libertatis introducendum omnia præparantem commendet. Habuit enim populus primo Legem post Libertatem patrum: deinde Regnum: tum in captivitate fuit tribus Judæ: tum redditi Judices. Tandem post expectationem satis longam venit Christus, impletis omnibus, quæ ante fieri debebant, sublato sceptro Davidis, sparso populo inter gentes, toto mundo sub unum imperium reducto. Is orsus est regnum spirituale.

§. CXXXV. Nec tantum Evangelista, ut in historia, sed etiam ipsa Vet. Test. Prophetia

ita distinxerat. Ex. gr. ab Abrahamo ad exitum Israelis ex Ægypto designat annos 480. 2. Reg 4: 1. A Salomone ad templi destructionem & capt. Bab. annos 390. Ezech. 4: 5. & Pl. 80: 6. Hinc dilapsis 70 annis captivitatis 70 septimanas annorum, Dan. 9. Item Es. 29: 1. duo *Anni*, id est, duæ Periodi inhabitationis Hierosolymæ, & cultus cerimonialis in templo & altari obeundi distinguuntur. Atque hæc est ratio, cur nos similiter in hoc opere totum tempus veteris gubernationis in sex Periodos distinxerimus, quarum Prima à condito mundo ad Abrahamum; Secunda ad Moysen; Tertia ad Solomonem; Quarta ad Captivitatem Babylonicam; Quinta ad nativitatem Christi; & sexta ad Christi ascensionem in cælum pertineret; quia sc. præter rerum ipsarum claræ ac notabilem differentiam, ipsam Prophetiam & S. historiam in ea distributione nobis præeuntem habebamus, à cuius auctoritate religio erat vel latum unguem discedere.

§. CXXXVI. His itaque animadversis primariis rerum Propheticarum capitibus atque intervallis, quæ pro totidem signis & quasi passibus aut vestigiis habeantur, Christi quidem primi adventus in humilitate, sub tempore primo, secundi autem adventus in gloria, sub tempore secundo, & notato, quid primum, quid secundum, quid tertium antecedit Christi adventum, & cum quo signo Christi adventus sit conjunctus; facile erit, adhibita porro luce historiarum, in unaquaque Periodo, quotquot sunt Articulos invenire, atque etiam, quæ generaliore conceptum habent,

&

& vel indefinita, vel in nominibus analogis certarum urbium, terrarum, personarum, vel rerum ceu typorum ac figurarum, vel etiam in prosopopæiis sine proœmio & abrupte, vel non expressis nominibus agentium aut personarum, vel pronominibus tantum *δευκτικοῖς*, sunt proposita, quæ & cujus temporis eventa significant, in quo subjecto verificentur, atque implementum suum Propheticum habeant, in isto ordine determinare.

§. CXXXVII. De cujus determinatione subjecti Prophetici in quolibet Articulo, ut quousque jam sit subjectum cujusque Articuli ante rem gestam in S. Scriptura determinatum, & quid huic determinationi ab re gesta perfectionis accedat, ut consummatam tandem atque impletam formam habeat, & defunctum oraculum suo munere videatur, jam paulo distinctius est explicandum.

§. CXXXVIII. Notandum itaque, quamvis sic verba indefinita & ænigmatica sua generalitate & obscuritate animum suspensum & ambiguum debeant tenere, ut ad certum rerum genus, de quo verba Prophetiæ veniant interpretanda, revocari non posse videantur; quamvis etiam hæc dubitatio ac incertitudo multum debeat augeri, quando, ut supra notatum, vel est prosopopœia *ἀνίφαλ* & ac sine proœmio, vel sermo nulla subjecti aut agentis indicatione abruptus, vel pronomen *δευκτικόν* loco nominis: non ita tamen id fieri, ut non vel in ipsa re, vel in contextu sermonis aliqua relictæ sint indicia & vestigia, ex quibus quo
de

de genere rerum sint intelligenda, possit existimari. Primo enim quando nomen subjecti non exprimitur omnia prædicata conjunctim instar definitionis indicant subjecta; si sit. nimis generale & indefinitum, vel prædicata testantur de subjectis: Talia enim sunt subjecta, qualia permittuntur esse à prædicatis: Vel exitus Periochæ subjectum Prophetiæ demonstrat; in quam rem notabilis est animadversio Hieronymi: *Juxta consuetudinem suam verba Prophetalia in fine panduntur*; **הַפְסוֹק מוֹכִיחַ עַל רֵאשִׁית סוֹף**, *finis Periodi vel sententiæ arguit initium ejus*, dicunt Rabbini; vel ut Abarbenel, **תְּחִלָּתָהּ**, *initium ejus*. Sic v.g. ex istis verbis Esaia cap. 11. vers. 9. *Plena erit terra cognitione Domini*; cognoscitur, ut ex oppositio, quid sit *lesio & destructio Aspidis & Basilisci*, ibid. vers. 8. nim. ut extinguatur & supprimatur veritas per seductionem etiam per excidium eorum, qui veritatem agnoscunt. Item *mons sanctus Domini*, ibid. vers. 9. arguit locum habitationis Ecclesiæ intelligi. Ex horum autem analogia patet, quid sint *lupi & agni*, versu 6. &c. Item in Prophetia de Tyro cap. 23. Esaia nos maxime movet finis capitis, ut putemus, omnia pertinere ad ceterius aliquod tempus. Nam versus ultimus hujus capitis non ad prima tempora Ecclesiæ Christianæ, sed ad ultimos dies mundi pertinet. Sed quod ex hac regula ad Obadiam colligat Abarbanel, si extrema nondum sint impleta, totam Prophetiam pertinere ad tempus futurum, in eo fallitur: Potest enim finis Prophetiæ pertinere ad tempus futu-

futurum, quum initium pertineat ad præteritum: ita ut Prophætia aliqua sui parte sit impleta, aliqua parte non: quia prophetiæ res ordine & successive proponunt.

§. CXXXIX. In prosopopœiis ἀνεφάλοις est subintelligenda hæc aut similis præfatio. *Aliquando aliquis ita loquetur. Erit aliquando aliquis, qui hoc sermone jure suo uti poterit.* Facile enim est in his talem aliquam formulam subintelligere; & ipsum sermonis genus eam postulat; quum sit evidens, hos sermones ita pronunciatos ex abrupto non posse intelligi, nisi quis animo concipiat aliquem de re nova ac insolenti visa alio atque alio tempore sic pronunciantem. Tali autem formula subintellecta ex ipsis verbis, quæ quis loquens introducit, potest cognosci persona, quæ loquitur. Similiter quum talis sit plerumque sermo Ecclesiæ & singulorum fidelium, diversum affectum diversis conditionibus in una oratione accommodantium facile intelligimus, nobis eum sic considerandum esse, quasi Spiritus Sanct. præfaretur in hanc sententiam: *Ecclesia Christi in distinctis statibus hunc in modum loquetur ad Deum*, nunc orans in periculo, nunc gratias agens pro Divina exauditione; & ad ulteriorem benedictionem anhelans, eamque precibus suis expetens, in fide Divinæ promissionis.

§. CXL. Et sic quidem ipse contextus subiectum Prophetiæ, quod ceteroquin ipsa natura verbi & conceptus generalior, ipsaque forma orationis, qua exprimitur aut supprimitur, incertum relinquit & ambiguum, utcun-

Aa

que

que restringit & determinat, ut qualitas saltem ejus, & cujus generis sit, distinctius cognoscatur. Ut autem hæc cognitio ac determinatio subjecti, saltem ad qualitatem ejus cognoscendam, illustrior ac certior evadat, ad primariam illam distributionem temporum omnisque Prophetiæ, quam supra diximus Art. cxxviii. & cxxix. respiciendum est, videndumque, in quo tempore pericopa illa, quam tractamus, versetur. Non enim vulgariter sunt verba Spiritus Sancti accipienda, sed ut suadet in Vet. Testam. analogia Promissionis, in Novo Evangelii. Sic sermo Psalmi 78. inprimis vers. 1. & 2. sub Vet. Testam. quamdiu lex & Prophetæ prophetabant, à nemine ut proprius & congruens sermo dici potuit. Quæ enim vers. 1. & 2. habentur; sunt verba tanquam Regis ad populum: & tanquam Prophetæ ænigmata præcedentium temporum se enarrare, quanquam non sine parabola profitentis. Quod quum faceret D. Jesus, recte Apostolus Matth. cap. 13: 35. id, quod hic vers. 2. scriptum est, de Christo prædictum esse affirmat. Nam Christo loquente in parabolis, dicit, impletum esse, quod hic legitur. Itaque cum dicitur vers. 1. *Auscul- ta, popule mei*, cum ea verba nemini de populo, sed Domino populi convenient, facile est subaudire, tanquam procœmium propheticum tale: *Olim surget in Israele, qui ita loquetur: Aliquando talis sermo audietur.* cui oportet omnes attendere.

§. CXLI. Comparandæ sunt & aliæ Prophetiæ, inprimis eæ, quæ de rebus iisdem
yel

vel similibus in eodem Articulo loquuntur. Iisdem: Sic nomen suppressum per pronomen *δυνατικόν* sæpe obscurum esset, nisi vel à prædicatis, vel ab aliis prophetiis lux esset. Item ænigmata Scripturarum & parabolæ sæpe non intelliguntur, nisi interpretationem haberent ex aliis oraculis. Similibus: Nam diligens lector in Prophetiis annotabit in discrepantibus temporum articulis vel unam aliquem effectum tanquam sui temporis characterem: eumque effectum comparabit cum alio convenienti effecto & characterem, qui in alia Prophetia signatur. Verbi causa; Esai. cap. 9. legimus, *principatum devolutum iri in humerum Filii*, & quidem ad *amplitudinem* principatus & ad *pacem* sine fine. Esai. 2. *Legem Domini & verbum ejus exiturum Hierosolyma, & gentes ituras ad montem domus Dei*. Esai. cap. 3. dicitur, *Deum habere judicium cum Senioribus*. Esai. cap. 14: 1. *Advenas adcorporatum iri domui Jacobi*. Atque hoc ipsum aliis atque aliis locis explicatur. Hoc est, quod Heb. 1: 1. legitur *πολυμερῶς καὶ πολυτρόπως*. & Psal. 79: 2. *Aperiam in parabola os meum, ut scatēbra effundam ænigmata ab antiquo*. Non possumus etiam non ea quæ similia sunt & similibus phrasibus indicantur, comparare. An vero sint ejusdem temporis, ordo historię Prophetię ordini congruens indicare debet. vid. ad Psal. 124: 4.

§. CXLII. Inprimis Prophetię superioris temporis & promissiones Patribus factæ ad eam rem sunt efficaces. Nam qualia prædicata quibus

bus subjectis convenient, sæpenumero patet ex tenore Promissionis, quæ in paradiso primitus edita est, & patribus sæpius repetita. Vid. ad Psalm. 40: 1. Sic quum Adam & patres acceperint promissionem de semine, in quo est benedictio, redemptio, sanctificatio, justificatio; de rege, & quidem ex domo Davidis, cujus regnum sit universale; quis tam hebes & pervicax existere potest, ut quæ maxima de aliquo rege dicuntur, qualia sunt, quæ leguntur Psal. 45: 72. ea non intelligat, aut nolit, de illo *semine* dici.

§. CXLIII. Ex his jam elucet, quid non solum contextus & antecedentia atque consequentia orationis, sed etiam comparatio aliarum Prophetiarum faciat ad subjecti cujusque Prophetici determinationem. Quæ autem indefinitius dicta per Prophetias parallelas non sunt determinata, in his est nostrum ante rem gestam ejusve applicationem eam generalitatem retinere, ne vel verbis aliquid adjiciatur à Deo non dictum, vel à sensu detrahatur.

§. CXLIV. Et facit quidem hæc subjecti indicatio ac determinatio generalis sic facta ex Scripturis, ut ejus saltem qualitatem, & in quo genere rerum sit exspectandum aut inquirendum ejus implementum, saltem probabiliter, & quantum id fieri potest ante rem gestam, ejusque applicationem, ad spem faciendam, & scrutationem dirigendam, cognoscamus. Quod si ulterius non placeat illud vestigare, vel etiam antequam id fiat, ut in quo genere rerum sint quærenda implementa prophetiarum, id certius etiam constet, tum ut aliquem in antecessum

cessum colligamus usum, ut reliquæ Scripturæ, sic Prophetiarum, possunt ea, atque adeo necesse est, ut quæ hæctenus inventa ac determinata sunt ex Scripturis, ad suam quæque classẽ & genus rerum referantur, sive possunt in Thesi considerari, antequam in Hypothesi spectentur. Nempe referentur vel ad regnum Dei, vel ad regnum Diaboli. Et si ad regnum Dei, vel ad tempus expectati Christi, vel patefacti, vel ad omne tempus. Eritque aliquid vel Dei vel Christi, vel hominis, vel cuicunque id sit. Et in hac potissimum meditatione *διδασκαλία* versatur.

§. CXLV. Possunt etiam ea, quæ indefinitius dicuntur, certis eventibus ex cujuslibet temporis historia petitis, tanquam exemplis, quibus illustrentur, accommodari; & de iis hæc scripta esse si non in specie, saltem in genere, tuto affirmari. nempe si eventus nulla in parte prædictione generali refragetur.

§. CXLVI. Quin etiam cum Prophetiæ partes in generali suo conceptu videantur diversis accomodari posse subjectis, non sunt iudicandi dissentire, qui subjectis aliis atque aliis, dummodo similibus, & ad idem genus pertinentibus, eas partes applicant.

§. CXLVII. In hac vero applicatione usque generali Prophetiarum hæc sunt observanda: 1. Quæ generaliter dicuntur in S. literis, ea possunt late ut multis analogice vel æquivoce, & stricte, ut paucis vel uni conveniunt, explicari; quæ autem expressius & specialius dicuntur, ea minime sunt per generalem & latam explicationem, quæ ostendat

subjectum cui dicta quovis modo & tantum non competunt, extenuanda. In eo est genere Psalm. 45. 2. Ut cavendum est, ne illa, quæ de hominibus dicuntur, amplificemus nimium; ita ex altera parte æque diligenter cavendum est ne ea, quæ de regno Christi dicuntur, in quo est gloria Dei, extenuemus. Vid. Part. I. Art. XIX.

§. CXLVIII. Ut autem tandem inveniamus subjectum Prophetiæ non tantum generale & indefinitum, sed etiam specificum aut numericum, in quo illud existentiam suam, formam atque implementum Propheticum habet, simul ut plane simus certi de generali subjecti determinatione ante facta, lux ei debet accendi ab historia, & exempla dictorum illustria in eventibus, in quibus historia, & vim eorum omnium, quæ de aliquo subjecto dicuntur in Prophetia, & in eodem ordine antecedentium & consequentium, accurate exprimit, pro ipsis *Implementis* sunt habenda. Ut ita oracula Divina, in quolibet etiam Articulo, sensum quidem habeant aliquem manifestum, nempe indefinitorem & generaliore, eum nempe, quem vel ipsa verba fundunt, vel contextus docet orationis; determinationem autem interpretationem habeant ex analogia aliorum oraculorum; certam vero & indubitatam lucem ex implemento. Ex. gr. Esai. 18: 5. 6. parabola est aptissima ad significandam humiliationem & deportationem populi. Aliæ Prophetiæ idem dicentes Parabolam interpretantur. Historia respondens omnibus partibus Prophetiæ non patitur nos querere
aliā

aliam applicationem, Conf. Part. I, Art. xxii.

§. CXLIX. Eoque possumus esse de recta applicatione magis securi, quo sapius in Prophetia eundem ordinem, variis quidem sæpe modis, & partibus atque circumstantiis, in rei tamen summa, iisdemque primariis capitibus & Articulis, perpetuo sibi similem, eadem serie historiarum atque exemplorum, cum omnibus circumstantiis, illustratum atque comprobatum reperimus. Quæ perpetua conformitas & harmonia Prophetiarum, tum inter se, tum cum historia, dici non potest, quantopere fidem roborat & animum tranquillat. Necessaria itaque est hæc plurium Prophetiarum conjunctio & conformis explicatio tum ad singulorum temporum pleniorum cognitionem, tum ad expositionis & applicationis Prophetice firmiorem persuasionem.

§. CL. Accedere potest & firmamentum à numeris, ad quos sup. diximus distinctionis gratia sermones Propheticos quandoque alligari. Non quod circumstantiæ temporis per se demonstrent subjectum Prophetiæ; sed quod si cum veritate prædicatorum etiam circumstantia temporis congruat, sigillum sit magnum rectæ applicationis.

§. CLI. Notandum enim de numeris, quibus utitur Prophetia, primam curam esse debere, characteres ipsos rerum contemplari: Neque enim numeris annorum aliquam historiam accommodari est necesse. Numerus ante rem patientiæ est subsidium; re completa, expositionis aptæ signaculum. Parallela tamen numeri ad parallelam rerum nos ducit.

Unde

Unde non male, quæ apud Daniele & Apocalypsin similibus definita numeris comperiuntur, ejusdem esse generis reputantur.

§. CLII. Etiam observare est, Prophetias eodem tempore, quo spiritualiter implentur, habere implementum literale nîve absque metaphora, quo homines admoneantur & excitentur ad recognoscendas Prophetias. Vid. ad Hof. 4: 3. Et nihil impedit, quo minus unum implementum pro certo indicio atque argumento alterius habeatur.

§. CLIII. In hac ultima applicatione ac terminatione subjecti Prophetici sæpe usu venire necesse est, ut ea, quorum sensum Scriptura reliquit latiore, quæque videntur multis exemplis etiam specie diversis posse accommodari, sensum accipiant strictiorem ac specialiore ex historia. Atque hæc est causa, quare Es. 14: 21. *filios* non de quibusvis Papam patrem nominantibus, sed specialius accipiamus. In eam enim mentem sunt accipiendæ prophetiæ indefinitius loquentes, cui opera Dei atque implementa respondent.

§. CLIV. Ordo quoque in applicatione Prophetiæ ad subjecta hic observandus est, ut factò à primis temporibus, & iis, quæ in prima cujusque Periochæ parte designantur, initio, inde ad sequentia ordine progrediamur. Ut autem quæ sint prima tempora, à quibus ducendum hoc applicationis initium, distincte intelligatur, ne hic ab ipso statim limine aberretur, diligenter advertendum est, quo ordine hic vel ille propheta docuerit, idque partim in comparatione antecedentium, partim in com-
para-

paratione συγχρόνων. Nam sequentes prophetiæ præsupponunt priores, & illis partim lucem afferunt, partim ab illis lucem accipiunt. Utile erit hoc observasse, tum ut appareat, quousque Israel in cognitione mysteriorum Dei profecerit hoc vel illo Propheta concionante, tum ad notandum rerum ordinem: nam, prolixiora possunt esse spatia oraculorum, quæ priores cecinerunt; nempe si à temporibus suis incipientes descendant per omnia temporum climata, ad novissimum tempus. Dico, possunt esse. Non enim semper sunt. Tum, 2. ut quum in prioribus hæsitet aliquando cogitatio, utrum id, quod dicitur, ad proxima ab edito sermone, an ad ulteriora tempora pertineat, in ea hæsitacione subsequentes Prophetæ, qui de anterioribus non possunt esse vaticinati, subveniant, eam partem, quæ ultra ipsos est jam editæ ab antecessoribus Prophetiæ retractantes & illustrantes.

§. CLV. Ex quo facile est utilitatem Prophetiarum post Capt. Babyl. editarum æstimare, quæ in eo consistit, quod clavis sint ad antecedentes; ut in iis, quæ pertinent ad tempus antecedens captivitatem Babyloniam, & quæ pertinent ad tempus eam consequens, melius distinguantur. Eademque ratione de ultima omnium Apocalypsi credendum est, eam digito intento nobis monstrare, quid de rebus Ecclesiæ Christianæ priores prædixerunt. Cujus etiam studium hanc utilitatem habet, quod dum vocibus & emblematis ex Prophetia Vet. Test. petitis utitur, & tempora Novi T. in particulas dividit, ex dictis Art. CXXXIV.

nobis aditum Prophetiarum Vet. Test. referet, ut in iis plenissimam explicationem eorum, quæ ipsa indigitat, vestigemus. In qua vestigatione tenendum hoc Principium : Interpretatio Vet. Test. pugnans cum Prophetiis Novi Test. ipso usu comprobatis, non potest esse vera. Igitur hæ illarum explicationem continent. Conf. Part. I. Art. LXXXVI

§. CLXVI. Cum ætate autem Prophetarum utile erit identidem animo objicere conditionem illorum temporum, quibus prophetarunt; ut & verba intelligamus ipsorum, quando de rebus sui temporis loquuntur; & conferre Prophetarum ejusdem temporis dicta, ut videamus, quot testibus Deus imminencia, tum judicia, tum beneficia, & imprimis adventum Christi, insinuaverit in eorumque recta explicatione & applicatione tanto magis confirmemur.

§. CLVII. Quod autem ea exempla quibus verba omnia Prophetiæ cum omni sua circumstantia sine ulla contorsione, in eodem genere rerum, eodemque ordine antecedentium & consequentium, & æquabili harmonia & consensu aliarum Prophetiarum, ita conveniunt, ut vim & significationem eorum explant, ex mente & intentione Spiritus S. sint pro *Implementis* propheticiis habenda, id probatur ex eo, quia cum Deus non sit fallax, fieri non potest, ut adhibitis omnibus mediis rectæ interpretationis, quæ tum ratio sana in hoc genere tum ipse Spiritus in verbo loquens dictat menti sine ullis præjudiciis cum timore Domini & accuratissima circumspectione & cautio-

cautione, ne quid omittatur eorum quæ tum ad intelligentiam sensus verborum Spiritus Sancti, tum ad rectam eorum applicationem requiruntur, ad scrutationem verbi ejus accedenti, per sensum omnibus partibus convenientem à mente Spiritus S. in depravationem Scripturæ aberretur; fieri, inquam, non potest, ut præter mentem & intentionem Spiritus Sancti prænunciantis futura quicquam geratur, quod mensuram omnem dictorum ejus expleat.

§. CLVIII. Præsertim si attendamus, eundem esse auctorem oraculorum, qui & operum, quæ secundum tenorem & formulam ipsorum fiunt ac geruntur in mundo: quæ sane talia sunt ac tanta, ut tam consilium, quam vires omnes humanas superent, & à nemine alio, nisi ab eo, qui potuit omnia ab æterno providere, produci posse videantur. Qui certe si in antecessum annuncians futura, vel id curans fieri in suo nomine, utatur verbis aptissimis ad ea opera significandum, idque eodem ordine, & circumstantiis, quibus geruntur, & tam accurate, ut quamquam id faciat sæpissime & multis partibus ac modis, id tamen faciat servato semper eodem ordine antecedentium & consequentium, ut ordo rerum gestarum unus est; quis dubitabit, quin in tali ordine rerum gestarum sint implementa talium oraculorum, & Spiritus Sanctus talia prædicens hæc & non alia opera voluerit in antecessum futura significare?

§. CLIX. Hoc firmamento ducto ab efficacia sua in perpetrandis destinatis Deus ipse verba Prophetiæ obsignat, & simul viam mon-

strat ad ea verba rite interpretandum. Insigniter huc pertinet locus Amosi c. 9. v. 12. eoque magis, quia ab ipsis Apostolis non sine delectu in N. T. in hanc rem est usurpatus. Ita enim ibi Deus: *Illo die erigam tugurium Davidis jacens; & sepiam rupturas illorum regnorum, & destructa ipsius Davidis suscitabo, & edificabo illud tugurium, ut diebus sæculi. Ut hereditent reliquias Edomii & omnium gentium, super quibus nuncupatum fuerit nomen meum: ait Jehovah faciens hoc.* Verba ultima. *Qui facit hoc,* quibus hæc Prophetia obsignatur, id quod diximus, clarissime demonstrant.

§. CLX. Hanc rationem interpretandi Prophetias atque inveniendi implementa sic ab ipso Spiritu S. præmonstratam quum tenerent Jacobus & Apostoli Apoc. 15: 14--17. in certis operibus Dei, iis nempe, quæ Petrus, Paulus, & Barnabas suo ministerio esse facta memorarant, non dubitarunt ponere illustris oraculi implementum. Expositioni & applicationi suæ ut fundamentum substruunt hanc infallibilem regulam: *Nota esse Deo à sæculo opera sua.* Nempe conversio Cornelii in præputio & fides in J. Christum opus Dei esse videbatur. Effusio Spiritus S. in credentem hujus operis Divinitati fidem faciebat. Opus adeo insigne tali oratione, quali Prophetia utitur, quod gentes, super quibus nuncupatum est nomen Dei, sint futuræ hæreditas Israelis & quæsituræ Dominum, significari apte ac prædici poterat. Nec tantum: Sed etiam revera prædictum erat. Præterquam enim, quod aliæ etiam omnes Prophetiæ huic operi

in

in eodem ordine antecedentium & consequentium attestarentur, vers. 15. idem proculdubio Deus est, qui id, quod facit, & notum habet à sæculo vers. 18. Supponit Apostolus, eadem esse Dei opera, quæ ab æterno nota habet, si verbis aptis significantur in Prophetia, quæ & his verbis prædicta sunt. Conf. sup. Art. XX. Si ergo hoc opus, quod Divinum esse res ipsa clamat, sit prædictum, non esse dubium, quin iis in locis, quorum verba sic sint apta ad illud plene significandum, sit prædictum, & intentio Spiritus Sancti fuerit in his locis, his talibus verbis, id futurum significare. Fieri enim non potest, ut verba Spiritus S. citra ipsius intentionem impleantur. Quid hac demonstratione Apostolica certius, quid evidentius fingi potest? Quid his amplius requiri, ad concludendum quod ea exempla in quibus verba Prophetiæ eo, quo dictum, modo aptam ac plenam significationem habent, sint pro ipsis *Implementis* habenda?

§. CLXI. Eadem quoque demonstratione utitur S. Petrus Act. 2: 31. ubi ab implemento ipso ad interpretationem & applicationem Psalmi 16: 10. ita argumentatur: *Propheta igitur quum esset . . . prævidens locutus est de resurrectione Christi; quia non relicta est anima ipsius in inferno, neque caro ipsius vidit, ut vidit David, vident pii, corruptionem.* Item Paulus Gal. 3: 18. Ubi sententiam Gen. 18: 7. ad suum implementum hunc in modum accommodat: *Prævidens Scriptura, quod ex fide justificet gentes Deus, promisit ante Abrahamo, Benedicentur gentes in te.* Imo & reliqui Apostoli & Evan-

gelistæ, apud quos nihil est usitatus hac formula: *Hoc factum est, ut impleretur*, &c. Ostendunt enim, Spiritum S. in Prophetis futura prædicentem, quoniam qualia ea futura essent, perspecta haberet, quum ipse ea esset effecturus, ejusmodi verbis esse usum, quibus ea apte significarentur, & his exstantibus formis rerum, quibus ea verba congruunt, non esse dubitandum, quin vera hæc sint ipsorum implementa.

§. CLXII. Et vero si hæc non sint implementa, quæ sic geruntur, sic videntur, sic audiuntur, ut præscriptum est, & prænuntiatur, quæ ergo erunt; aut unde desumentur? quum homo nullus fingere possit, etiam si ingeniosissimus sit implementa omnium Prophetiarum; quæ multa ænigmata continent, & de rebus inusitatis loquuntur. Vel ergo necesse est, ut ea, quæ vere narrantur sic gesta esset ut prædictum, sint ipsa implementa, vel qui velit negare, Prophetiam certis eventibus, quibus verba Prophetiæ aptissime conveniunt, sive in genere atque indefinite, si indefinite spectentur, sive definite & in specie ac nominatim, si definite, tuto posse accommodari, & hæc esse vera implementa, is necesse est, ut statuatur, Prophetiam prorsus inutilem esse, & nec de Jesu Christo nominatim, nec de Antichristo, nec de Regno utriusque, neque de fidelibus, neque de infidelibus dici posse, quæ scripta sunt de iis, scripta esse. Denique efficietur, ut verba Spiritus Sancti significant id, quod non significant, h. e. id nobis tanquam pictura aliqua

osten-

ostendant, quod Spiritus S. non voluit per ea verba cognosci & dijudicari. Atqui tamen, ut pulchre Augustinus de Doctr. Christ. lib. 2. c. 25. *In picturis & statuis ceterisque hujusmodi similatis operibus maxime peritorum artificum nemo errat, quum similia viderit, ut agnoscat, quibus sint rebus similia.*

§. CLXIII. Ex his jam satis superque intelligitur, Prophetias etiam indefinitius loquentes secundum opera Dei atque implementa esse interpretandas, ab iisque accipere, ut suam lucem, ita ultimam quasi formam & modum, quem debent habere, etiam ex consilio Dei, in rerum natura, ipsoque intellectu; Adeo ut, quod secundum Prophetiam fit, id illustret Prophetiam, non aliter atque si ea id in specie ac nominatim dixisset. Id, inquam, ex dictis adeo est evidens, ut hinc Evangelista secessum atque habitationem Christi Nazarethanam memorans, atque adhunc eventum Prophetias applicans, in quibus prædictum est, Christum primo revelatum iri cum verbo & factis salutaribus partim in genere extra Hierosolymam, partim in specie in Galilæa, vid. Zach. 12: 7. Esai. 8: 23. & 9: 1. diserte dicat id factum esse, *ut impleretur, quod dictum est per Prophetas, ut Nazarenus vocaretur.* Matth. 2: 23.

§. CLXIV. Simul huic meditationi argumentum inest apodicticum contra Judæos & Pontificios veritatis religionis Christianæ, & nominatim Reformatæ. Illi enim Prophetias vel per ficta, (ut Rabinicum est fingere historias, ut subjectum Prophetiæ,) vel per falsa

im-

implementa à vero sensu distorquent; quum tamen ea, quæ Deus operatus est in mundo & in gentibus per vocationem Evangelii & Reformationis, Prophetiis, ut cunque videantur esse ænigmatica, exacte convenient, ita ut sine contorsione de illis operibus accipi ex ordine possint. Indidem & patet divinitas Scripturarum. Nam eæ literæ, quæ exactam hypothesin eventorum continent, sine dubio ab illo sunt, qui à sæculo novit opera sua.

§. CLXV. Atque hæc sunt, quæ de ratione interpretandi Prophetias, deque implementis dicenda habuimus: quæ tum valebunt, ubi, ut supra observatum, & genera rerum, & classes ac familiæ hominum, & quæ sit vera Ecclesia, quæ falsa, prius ex Scripturis fuerit clarissimis argumentis designatum. His enim ante determinatis & generalibus subjectis Prophetiarum cognitis, facile erit & cursum temporum ex ordine sermonis, & veritatem applicationis, in singulis Periodis & Articulis invenire.

§. CLXVI. Sed siue opera Dei, quæ, his generalibus prius recte positis, in eodem ordine inveniuntur verbis Prophetiæ congruere, pro ipsis implementis habeantur, siue non, hætenus saltem de recta applicatione nemini potest esse dubium, si opera Dei, quæ diximus esse pro Implementis habenda, saltem spectemus, ut Exempla eorum, quæ in singulis partibus Prophetiæ dicuntur, ut si non eadem sint, saltem talia intelligantur esse, quæ prædicuntur, & siue ordinem temporum cum ordine sermonis comparemus, siue non, altius-

istiusmodi exempla non possint referri ad alia rerum genera, sive ad aliam formam. Ita ad rem sufficiet, etiam neglecto rerum descriptarum ordine & tempore, id animadvertere, quod eo exemplo factum est, quemadmodum dicitur in Prophetia. Et licet in tali differentia non obtineatur omnis usus Prophetiæ, nempe ut cognita integra Prophetiæ historia, evidenter Prophetiæ veritas in omnibus partibus cognoscatur, & secundum illa iudicium Dei, sive ejus in Scriptura edita sententia de Christo, justitia Dei, regno Christi & Antichristi, & de controversis Ecclesiam turbantibus, sic audiantur & præcipiatur, ut adversarii vix possint obloqui: tamen aliquis usus Prophetiæ hinc percipitur, quatenus per eam hominum genera & familiæ diversæ distinguuntur.

§. CLXVII. Et obtinet quidem hæc ratio omnis, quam hætenus explicui, in illis Prophetiis, de quibus potest statui, quod in historia præteriti temporis habeant exempla & implementa. Ut ita quantum ad eam partem attinet Prophetici sermonis, quæ agit de rebus Vet. Testam. usque ad Christum, quæ sine controversia jam longo tempore abierunt, quam partem solam hoc scriptum exhibet, de ea saltem parte Prophetici sermonis, ut & de ea, quæ porro usque ad nostra tempora est impleta, nullum possit videri dubium, quin sit iis rationibus, quas exposui, satis superque demonstrata.

§. CLXVIII. Sed quia nondum omnes Prophetiæ in rerum ordine per eas designato & descripto implementum suum nactæ sunt, tem-

tempus visitationis præsentis cum præteritis à futuris est necessario distinguendum.

§. CLXIX. In futuris autem non indulgeamus nobis ipsis & conjecturis nostris, sed ut dignum est fide & modestia Christiana, quæ indefinitius dicta per Prophetias parallelas non sunt determinata, in Dei ea potestate, quoad certum modum, tempora & personas relicta esse reputemus. Ut in his debeamus esse contenti iis regulis, quas supra dedimus, ubi de subiecto cuiusque Prophetiæ ex Scripturis describendo, & qualitate ejus saltem in genere cognoscenda agebamus; Ac de cætero, quid Deus sit factururus, expectare, & officio nostro incumbere. Act. 1: 6. 7. 8. & 14: 22. item Matth. 24: 45. &c.

§. CLXX. In iis autem, quæ geruntur, & tota non sunt consummata, ita se res habet, ut in dubia luce crepusculi, ubi aliquid videtur, aliquid latet. Ut igitur in omnibus Prophetiis, quæ futurum tempus spectant, Deus locum, personas, tempus, qualitatem rei, in sua posuit potestate, nisi quatenus parallelæ ea explicant: ita & in iis, quæ in exortu sunt, non statim qualitas finis nosci potest. Et quod attinet Prophetias parallelas, sciendum est, non in omnibus omnia pandi, sed in distinctis gradibus temporis, quos communes habent, diversas aliquando prodere diversa & propria facta. Unde ante eventus plenos difficillimum est illa ordinare, & plenam harmoniam concinnare. Ideoque in talibus indefinitis & generalibus insistendum est, nec ulterius quicquam definiendum, donec dies particularia aperiat

aperiat, & jam cogitata vel corrigat vel confirmet.

§. CLXXI. Tantum abest ut sit probanda temeritas illorum, qui Dei arcana à regulis prudentiæ non distinguentes, audent ea, quæ putant esse prædicta, vel quæ prædicta quidem, sed indefinite, & ita, ut Deus illa quoad modum, personas, tempora aliasque appendices, reliquerit in propria potestate, facere regulas consiliorum & actionum suarum; qui Divinas prædictiones rapere malunt, quam expectare, & in patientia & bona conscientia Dei providentiam ducem sequi: Quemadmodum sic olim Jeroboam, cui regnum X tribuum assignaverat Deus, in illo occupando ab arte & dolo malo non abstinuit. Quorum certe consilium non potest non esse periculosum; dum se & alios in mala enormia & judicia Dei de talibus ante descripta conjiciunt, Cujus rei terribile exemplum exstat in Judæis. Et valde verendum, ne & hoc sæculo sint, qui abutentes Scripturis, dum videri volunt spiritu Dei incitari ad aggrediendum ea, quæ vocationem ipsorum excedunt, & mandata ipsis non sunt, à spiritu carnis elati, alios quidem turbent, se vero faciant partim flagella Dei ad ipsius judicia exsequendum, partim exempla humanæ stultitiæ & organa Diaboli; quales erant superiori sæculo Anabaptistæ Monasterienses. Quorum exitus tristes esse solent: nisi Deus ipsorum miserescat.

§. CLXXII. Quæ hætenus demonstrata sunt, ad generales pertinent, nec nisi ex implementis definiendas Prophetias. Dantur &

nonnullæ, quæ singulares personas spectant, de quibus historias integras non habemus. Ex. gr. Esai. 22: 15. & seqq. Amos. 7: 17. &c. Hæ quomodo impletæ sint, inquirere nostrorum non est. Quemadmodum enim Amos. 7. Amathiæ sacerdoti Bethelitz denunciatur pœna, quæ tamen sic gesta non narratur; ita & Es. 22. sufficit veritatem Prophetiæ in veteri Ecclesia à piis recognitam fuisse. Potuit enim recognosci, quum de unius hominis statu & ætate agat. Adde quod non sit eadem ratio minarum Dei, quæ est reliquarum Prophetiarum. Minæ Dei per pœnitentiam aliquando præoccupantur. Ezechias mortem denunciata supplicatione vitam prolongavit. Omnes minæ Dei vocant ad pœnitentiam, ut occurramus Deo. Amos. 4: vers. 12, & nos excutiamus, antequam superveniat ira Domini, & quæramus Deum, si forte occultemur in die iræ. Zeph. 2: vers. 1. 2. 3. Conf. Jerem. cap. 26: vers. 18. 19.

§. CLXXIII. Atque hæc quidem de ratione ac Methodo sequenda in interpretatione Prophetiarum analytica, deque illis principiis, ex quibus omnis earum demonstratio pendet, sæ dicta sunt. Hac via ac ratione usus Vir incomparabilis JOHANNES COCCEJUS, ὁ μακάριος, sagacissimus venator & exactissimus trutinator sensus S. literarum, cui ob enixum studium de Ecclesia bene merendi, & multas insignes veritates, quas ope hujus Hermeneuticæ vel primus eruit ex penetralibus Scripturæ, vel jam cognitas illustravit, plurimum debemus, & cujus idcirco memoria in Eccle-

Ecclesia est in benedictione, quum per eam animadvertisset Prophetias admittere facillimam & clarissimam explicationem, hortante successu, & materiam nactus perspicacissimo suo ingenio parem, quam etiam interpretes, ob rei difficultatem, & quod aliis intenti, vel prorsus intactam, vel non ita pertractatam reliquissent, ut non ipsi maximam partem incertam haberent, integrum sibi putavit in ea quid valeret, & quid à Deo ad ædificationem Ecclesiæ accepisset, experiri, & quod in eo genere reperisset non sic neglecta tamen ratione instituendi communiter recepta, quæ in doctrinæ Christianæ partibus ex S. Scripturâ explicandis & vindicandis præcipue versatur, ut non hanc semper potissimam haberet, id omne fideliter in commune conferre. Quod etiam adeo ipsi feliciter successit, ut quamvis multis ab initio hæc Prophetias tractandi ratio, utpote inusitata, nec principiis & causis satis adhuc cognitis, sit visa difficilior, postquam tamen attentius examinata, quia vim ac robur demonstrationis habere videbantur, non paucos nacta sit, non solum ex iis, qui Studiosi vocantur, sed etiam ex utroque docentium ordine tam Academicorum, quam Ecclesiasticorum, tam Seniorum, quam Juniorum, tam Exterorum, quam Domesticorum, præclaros ubique admiratores, fautores, discipulos, & patronos; Qui quamvis nondum omnia adoptarent, laudabant tamen & cognitu digna habebant.

§. CLXXIV. Horum tot tantorumque Virorum jam fama & meritis celebrium æmulatione

tione, tum rei ipsius dignitate ac præstantiâ argumenti, in quo tam firmum præsidium esset tum adversus Atheos & infideles demonstrandæ existentie Dei & Divinitatis S. literarum, tum adversus Judæos & Pontificios omnesque adeo hæreticos veritatis religionis Christianæ & Reformatæ, & novitate demonstrandi delectatus, quum per otium Lugduni Batavorum versarer, institui his penitus cognoscendis aliquas horas peculiare dare; nec prius destiti, quam omnes Prophetias tam Vet. quam Novi Testamenti, ad ordinem ac ductum, quem Commentarii tanti Viri, tam editi, quam *aviso*, quos pro singulari sua humanitate & affectu, quo me prosequabatur, liberaliter mecum communicabat, perlustratas haberem. Inceperam quoque propter observatam admirandam omnium parallelam ex pluribus simul junctis unam facere continuam Prophetiam, & quæ Cl. Coccejus, ut fieri oportet in analysi, prout in textu sacro singularia occurrebant, inter se segregata occupaverat, ea omnia conjunctim, divisa temporibus, & una serie rerum digesta, componere; eo consilio, ut tandem omnibus in unum conflatis unum conficerem corpus Propheticæ institutionis.

§. CLXXV. Hanc ergo S. Script. interpretandi Methodum Tecum Benevole, & Christiane Lector, communico; sed ita tamen, ut si quid his principiis, eaque arte ac ratione, quam superius explicui, existimes novæ lucis illatum Prophetiis, beatæ memoriæ Viri antea mihi laudati omnem insolidum referas ejus inventionis laudem; mihi, cui id solum fuit insti-

institutum, jam inventa componere ac digerere, & in formam Syntagmatis cujusdam Prophetici redigere; tum & principia, saltem primaria & maxime generalia, quibus hæc ratio Prophetias resolvendi atque interpretandi probaretur, quanta fieri posset, perspicuitate indicare, & in his omnibus mentem maximi Theologi fideliter referre atque illustrare, si id jam videatur tanti, & res à consilio non omnino dissentiat, satis erit in aliquam venire in hoc genere scribendi synthetico, non quidem ingenii, quod scio quam sit mihi exiguum, sed tamen industriæ partem. Id certe operam dedi summa animi intentione, ut quocunque demum modo Tibi prodesse valeam. Dixi.



Speciminis loco addita hic est
Convenientia trium Temporum ex
Nic. Gurtleri Theol. Prophetica.

QUANDOQUIDEM secundum Salomonis, Regum sapientissimi effatum *nihil sub sole sit novum* Eccl. 1:9. & Paulo teste, ea quæ Israelitis acciderunt, ταῦτα πάντα τυποὶ συνέβαινον ἡμῖν 1. Cor. 10: 11. propterea similitudinem factorum, quæ in orbe & Ecclesia, tempore promissionis, Veteris ac Novi Testamenti, contigerunt. Breviter depingam, omittis iis, quæ Inclyt Doctores de hoc argumento jam monuerunt.

§. I. Sub Periodo prima temporis primi,
Ada.

Adamus & Eva peccato seducti cito nimis
 communione Dei exciderunt, Filium Dei
 loquentem in Paradiso vident, audiuntque
 Cain in fratrem Abelem sævit, Sethigenæ
 alii purioris cultus Studiosi, à cætera se tur
 segregant, promulgato interea Evangelio
 semine mulieris. Sub Periodo Prima ætatis
 secundæ cito nimis Israel à fœdere cum Deo in
 to descivit, Filium Dei colloquentem in mo
 te Sina vidit, & Israelitæ ad istum montem a
 diverunt, contra Mosen & Aaronem sævi
 runt, quamquam ob puriorem Religionem d
 scernendi acæteris gentibus, publicatam inte
 rea Mosis Lege. Sub Periodo Prima tertii tem
 poris Angelus Ephesus cito nimis à prior
 charitate deficit, Apostolica puritas maculatur
 discipulis Jesum colloquentem videntibus &
 audientibus: Judæi in fratres Christum am
 plexos sæviunt, Christianis puriore cultu à
 cæteris gentibus discretis, promulgato inte
 rea Evangelio de plenaria peccatorum remis
 sione, & parta jam in Christo gratia.

§. II. Decurrente Periodo Secunda ætatis primæ
 homines in terra multiplicantur, viasque suas
 corrumpunt Deum negligentes, promissionem
 illius obliviscentes, impuris libidinibus arden
 tes, vivunt sub Regimine Paterno. Durante
 Periodo II da temporis secundi Israelitæ in ter
 ra Cananæa collocati verum Deum subinde
 contemnunt, falsa numina colentes Legem
 Mosis obliti, impudici, vivunt sub regimine
 Judicum. Dum volvitur Periodus II da æta
 tis tertiæ Christianorum multi per orbem ter
 rarum propagati vitiis contaminantur, à vero
 Deo

Deo ad fictos desciscunt, doctrinam Apostolicam obliviscentes, impuri, gubernantur ab Episcopis & Presbyteris.

§. III. Sub Periodo Tertia temporis primi, corruptio invalescit, viget securitas, potentiores dominium invadunt, aquæ in orbem terrarum exundant, Noa cum suis in arca servato. Prætereunte hac periodo IIIa. temporis secundi cultus idolorum & securitas invalescit, Israelitæ se subjiciunt Regibus, sub Saule & Davide ab hostibus velut effusis aquis inundantur, servato tamen in Cananæa populo Dei. Decurrente Periodo IIIa. N. Test corruptio morum invalescit, pacis ac quietis fit abusus. imaginum, reliquiarum, sanctorum cultus introducitur, Potentiores in Republica & Ecclesia dominium invadunt, Christiani se Episcopis velut Dominis subjiciunt, orbis Romanus à populis barbaris inundatur, Conservato tamen inter eos Dei populo.

§. IV. Dum Quarta Periodus temporis primi labitur, terra incolis repletur, multiplicato rursum genere humano, sed falsa mox Numina coluntur, forte & jam oracula eduntur, Nimrodus imperium fundat, Babiloniam arcem struit supremam, Civilium & Sacrarum rerum auctoritatem usurpaturus, nisi Conditores invisæ turris Linguis animisque divisus dispergerentur. Sub Periodo IV. temporis secundi Cananæa expletur Israelitis instar arenæ maris multiplicatis, sed falsa mox numina Vitulorum, Solis, Martis, Veneris, aliaque plura coluntur, falsi vates consuluntur, Lignum interrogatur, Jeroboamus Regnum

X tribuum fundat, excelsa condit imperaturus. Conscientiis ipse cum Successoribus, nisi cultores idolorum tandem in Assyriam Mediamque linguis animisque divisus dispergerentur. Labente Periodo IV. temporis tertii, orbis terrarum completur Christianis, conversione plurimarum gentium etiam Barbararum instar arenæ maris multiplicatis, sed ficti mox Dii invocantur, Angeli, homines sancti, imagines, reliquæ, Lignum crucis, responsa Paparum, ac Synodorum sæpe errantium, pro oraculis Divinis jactantur credunturque; Princeps Babelis mysticæ, Rex Israelis Idololatriæ regnum fundat, erigit arcem, altaria, Lucos, supremam in Civilibus & sacris rebus potestatem habiturus, nisi idolorum Cultores Græci & Latini, linguis animisque divisus dispergerentur.

§. V. Sub Periodo V. temporis primi, Filius Dei ne semel in terra apparuisse legitur, idolorum cultus mire crevit, Cultores veri Numinis erant paucissimi, Abrahamus tandem è Patria idolis dedita à Deo vocatur. Durante Periodo V. temporis secundi, Schechina non videtur in Captivitate Babilonica, Jūdæi in Chaldæa serviunt Diis alienis, pauci tantum resipiscentia acti, vero Deo adhærent, tandem Posteritas Abrahami XII tribus è Chaldæa Idolis dedita evocantur. Dum volvitur Periodus V temporis tertii, Filius Dei à visibili Ecclesia abest, Antichristo in templo Dei sedente velut Deo, Idolorum cultus cum plurimis superstitionibus continuatur à Christianis in Babilone mystica viventibus; Pauci tan-

cum

tum Deo & Christo adherent. Tandem Wiclefus, Waldus, alique, è communionem Idolis dedita, quam ipsimet Babilonem nominarunt, evocantur in numerofissimam mox gentem excretur.

S. VI. Currente Periodo Sexta temporis primi, Deus Abrahamo, Isaco, & Jacobo se notum facit, Abrahamus ex Aegypto venit in Cananiam, ibique Jehovah exstruit altare, Pastores Abrahæ & Lothi altercantur, Ismael vexat Isacum, Sodoma evertitur, ejus Rex Persis servire amplius nolens bello vincitur, Esavus Jacobo nocere Divinitus vetatur, Abimelech Philistarum Rex fœdus cum Isaaco facit. Sub Periodo VI. temporis secundi Deus se notum facit Haggai, Zachariæ & Malachia, Judæi ab exilio redeunt in Cananiam

ibique Jehovah templum exstruunt: Sacerdotes illorum litigant, Arabes Jud. subinde incommo-
dant, Hierosolyma Sodomæ similis ab Aegyptiis & Syris vastatur, ejus Principes Persiæ Regibus serviunt, post Syris Persia propositis, & ab iis bello petuntur; Idumæi Judæis nocere vetantur, fœdus vicini offerunt & Amicitiam.

Durante Periodo VI. tertii temporis, Deus Zwinglio, Luthero, Melanchtoni, Calvino, Oecolampadio, & aliis se notum facit, Abrahæ Soboles Spiritualis Aegyptum Mysticam deserit, & in terra Dei templum Jehovah consecrat, Pastores illius Zwinglius, Lutherus & Calvinus cum discipulis inter se litigant, Turcæ infestant Christianos, Roma altera Sodoma capitur diripiturque, ac Papa à fœdere discedens in vincula conjicitur.

Ro-

212 *Hermeneutica sacra pars posterior.*

Romanenses Protestantibus ultra nocere ventantur pacemque dant.

§. VII. Durante Periodo VII. temporis primi Jacobus cum familia in Ægypto nutritur, Josephus autoritate floret, Israel multiplicatur; post servitute premitur gravissima, liberandus tandem ex ea, everso Rege, qui Israellem in Ægyptum retrahere frustra molitus est. Sub Periodo VII. temporis secundi Judæorum plurimi in Ægypto nutriuntur, eorum Proceres & Principes apud Ægyptios Reges autoritate florent, & numerus condito templo multiplicatur, à Ptolomæo Lathuro Victore premitur gravissima servitute natio Judaica, liberanda tandem ex illa everso per Romanos Regno, quod Judæos frustra iterum subjungere molitum est, Labente Periodo VII. tertii temporis Israel mysticus nutritur in Ægypto mystica, diversi principes Protestantes auctoritate florent, Ecclesia multiplicatur, post gravissima premitur servitute, ex ea liberanda olim, quando destruetur Regnum, quod Israellem mysticum frustra sub jugum suum reducere dolo & vi molitur. Agno Victori, in solio sedenti, Benedictio, & gloria, & Robur in sæcula sæculorum!

Ap: 5: 13.

F I N I S.



